

Ilanngussaq 2

Tusarniaanermut akissutit pillugit allakkiaq

Siunnersuut ilassutaasumik piffissami 30. juli 2024 - 4. september 2024-mi tusarniaassutigineqarpoq. Tamatumma saniatigut piffissami tamatumani siunnersuut www.naalakkersuisut.gl-imi tusarniaanermut nittartakkami tamanut saqqummiunneqarsimavoq.

Siunnersuut ukununnga tusarniaassutigalugu nassiunneqarsimavoq:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Inuit Pisinnatitaaffiinut Kalaallit Nunaata Siunnersuisoqatigiivi, Kalaallit Nunaanni Naligiissitaanermut Siunnersuisoqatigiit, Institut for Menneskerettigheder, MIO, Peqatigiiffik Kalaallit Meerartaat, MIBB (Bedre Børneliv), Aarhusimi Kalaallit Illutaat, Odensimi Kalaallit Illutaat, Aalborgimi Kalaallit Illutaat, Københavni Kalaallit Illuutaat, Kalaallit Nunaanni Politit, Innarluutillit pillugit Oqaaseqartartoq Tilioq, Inooqat (Kalaallit Nunaanni ineriertornikkut inortut angajoqqaavisa Peqatigiiffiat), NIIK (Kalaallit Nunaanni Innarluutillit Suleqatigiiffiat), ISI (Kalaallit Nunaanni tappiitsut isigiaertsutullu Peqatigiiffiat), KTK (Kalaallit Nunaanni tusilartut Peqatigiiffiat), Landsforeningen Autisme, kreds Grønland, Utoqqaat Nipaat / Ældreforeningen, Utoqqaat pillugit Oqaaseqartartoq, Angajoqqaatigiit (Meeqqanut ADHD-qartunut aamma/imaluunniit autismeqartunut angajoqqaat Peqatigiiffiat), Kalaallit Nunaanni kræftimut akiuiniaqatigiiffik, KNIPK (Kalaallit Nunaanni innarluutillit Peqatigiiffiat), Sugisaq ((Tarnimikkut eqqarsartaatsimikkullu nappaatillit ilaquaasalu peqatigiiffiat)), Sulisitsisut, SIK, NIISIP (Kalaallit Nunaanni isumaginninnermi siunnersortit ilinniarsimasut Peqatigiiffiat), aamma PPK Kalaallit Nunaanni Peqqissaasut Kattuffiat.

Tulliuttut tusarniaanermut akissutinik nassiussisimapput:

Kommune Qeqertalik, Kommuneqarfik Sermersooq, Qeqqata Kommunia, Kommune Kujalleq, Avannaata Kommunia, Tilioq, NIIK, Inooqat, Inuit Pisinnatitaaffiinut Kalaallit Nunaata Siunnersuisoqatigiivi, Sulisitsisut aamma SIK.

Ukulu oqaaseqaateqarsimannngillat:

MIO, Institut for Menneskerettigheder, PPK aamma Utoqqaat pillugit Oqaaseqartartoq.

Tusarniaanermut akissutit:

1. Kommune Qeqertalik

“Ataatsimut isigalugu:

Kommune Qeqertalimmi inuit innarluutillit tapersorsorneqarnissaannut Inatsisartut inatsisisaattut siunnersuut pillugu ilassutaasumik tusarniaassutigineqartup oqaaseqaateqarfiginissaanut periarfissinneqaratta qujavugut.

Kommune Qeqertaliup siullermik tusarniaassutigineqareernermi allanngortitsinerit pisimammata kingumullu tusarniaassutigineqaqqinnera ajunngitsutut isumaqarfigaa. §54-imi kommunit akileeqataaffigisassaasa aggorerata aningaasaqarnikkut naatsorsornera amigaatigineqarpoq. Kommune Qeqertaliup ukiumut 2,4 millionit ingerlatsinermut aningaasartutigineqartussatut missilorpai aaqqissuussisimanerup qanoq katitigaasimaneranut tunngatillugu sulianik suliarinnittartup allap suliamik nalileeqqinnermik isumaginnittussaanera tunngavigalugu."

Naalakkersuisoqarfiup oqartussap akissutaa:

Aalajangersakkami anginerusumik allaffissornikkut ingerlatsinissamik kommunimut peqqusinngilaq. Aalajangersakkami erseqqissarneqarpoq kommunalbestyrelse inuk innarluuteqartoq communalbestyrelsep suliniuteqarfigeriigaa pillugu nalunaarummik tigusaqarpat, taava communalbestyrelsep suliamik nalileeqqinnej ingerlatissavaa nalunaarutiginnineq nutaanik paassisutissaqarsinnaammatt.

Aammattaaq aalajangersakkami erseqqissarneqarpoq suliamik suliarinnittartup allap siornatigut suliamut akuusimanngitsup suliamik nalileeqqinnej ingerlatissagaa. Matumani ilaatigut suliamik suliarinnitarnermi suliatigut ilisimasanik siuarsaanissaq siunertarineqarpoq. Nalunaarutiginnineq qulaajaanerup aamma iliuusissanut pilersaarutip naammassinissaat sioqqullugit tiguneqarpat taava nalunaarutiginnineq qulaajaanermut aamma iliuusissanut pilersaarusiornermut ilanngutitinneqassaaq.

"§ 3 imm. 2 pillugu

Aalajangersagaq allatut oqaasertalersorneqartariaqarpoq ima paasineqarsinnaammat inuk innarluuteqartoq Kalaallit Nunaata avataanut inissinneqarsimappat § 36-mi aamma § 37-mi malittarisassat inatsimmi matuma kisiartaallutik atuuttut. Malittarisassat allat inunnut pineqartunut taakkununnga atuutinngillat. Aalajangersakkami siunertarineqartoq tassaappat inuit innarluutillit Kalaallit Nunaata avataanut inissinneqarsimasut inatsisikkut siunnerfigisanut aamma ilaassasut taava aalajangersakkap oqaasertalersorneri assersuutigalugu ima allanngortinneqarsinnaapput: "imm. 2. Inatsisartut inatsisaat aamma inunnut innarluutilinnut §§ 36-37 naapertorlugit kalaallit isumaginninnermi oqartussaasut aalajangernerisigut Kalaallit Nunaata avataanut inissinneqartunut atortuutinneqassaaq."

Oqaaseqaatit innersuussutigineqartunut naleqqussarneqassapput "imm. 3. aamma Imm. 2", tassa § 3 imm. 3-qanngimmat.

Naalakkersuisoqarfiup oqartussap akissutaa:

Ilanngunneqarpoq.

"§ 4, Imm. 2 pillugu

Kommune Qeqertaliup suleqatigiit pillugit inatsisinut atuuttunut innersuussisummiq piumavoq, suliamik suliarinninnerup nalaani pisariitsumik tiguneqarsinnaasunngorlugin."

Naalakkersuisoqarfiup oqartussap akissutaa:

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaanni atuuttumi § 5, imm. 1 naapertorlugu pisariaqartitsisoqartillugu ingerlatsiviit ataasiakkaat meeqqamik sulinermut toqqaannartumik attuumassuteqartut akornanni inuttalerneqartumik suleqatigiinnik kommunalbestyrelse pilersitsissaaq. Tamanna Inatsisartut inatsisissaattut siunnersuummi matumani § 4, imm. 2-mut oqaaseqaatinut ilanngunneqarsimavoq.

"§ 6, imm. 2 pillugu

Kommune Qeqertaliup qitiusumik siumoortumik nalilersueriaatsimut sinaakkutissat inatsimmi aalajangersarneqarnissaat kisaatigaa, ikippallaanik inissittoqarsimaneranik, aserfallatsaaliuinermut pilersaarusiorneq pitsaanngitsoq kiisalu aamma pisortat aningaasaataannik pissusissamisuunngitsumik atuinermik misilitakkat tunngavigalugit kommuninut akiligassanngortinnejartnerat unitsinniarlugu."

Naalakkersuisoqarfiup oqartussap akissutaa:

Oqaaseqaatigineqartut Inatsisartut inatsisaata piviusunngortinniarneranut kiisalu nalunaarutip atortussanngortinnissaanut tunngavissatut aalajangersakkamut atatillugu eqqarsaatersuutinut ilanngunneqarumaarput.

"§ 7 pillugu

Taanna § 21-mut akerliliisutut isigineqarpoq. Akisussaaffimmik pingaarnersuisoqartariaqarpoq § 7-imi Qitiusumik Inissiinissamut Innersuussisarfimmut pitsaanerpaanngorsaanermik naleqqussaanermillu piumasaqaatit pisariaqartinneqartut piumasarineqaqqullugit. Siunnersuutigineqarpoq § 7 ilaqqinnejassasoq Qitiusumik Inissiinissamut Innersuussisarfik piumasaqarfigalugu taamatuttaaq § 21."

Naalakkersuisoqarfiup oqartussap akissutaa:

Ilanngunneqanngilaq.

§ 7-imi allassimavoq Naalakkersuisut inunnut innarluutilinnut ulloq unnuarlu neqeroorutini inissat pisariaqartinneqartut pilersinnejarnissaat ingerlannejarnissaallu pingaarnertut akisussaaffigalugulu isumagissagaat. § 22, imm. 1-imi aamma § 24, imm. 1-imi allassimavoq kommunini ataasiakkaani najugaqaqatigiiffinni aamma najugaqarfinni illersugaasuni inissat pisariaqartinneqartut pilersinissaat ingerlannissaallu communalbestyrelsep akisussaaffigigaa.

Ulloq unnuarlu neqeroorutini najugaqaqatigiiffiit najugaqarfiillu illersugaasut ilaangillat.

Siunnersuummi § 21-mi erseqqissarneqarpoq inummuit innarluutilimmut qitiusumik

innersuussisarfik aqqutigalugu ulloq unnuarlu neqeroorummi inissamik utaqqisumut inissiiviugallartussamik pissarsinissamik communalbestyrelse pisussaaffeqartoq.

“§ 8 pillugu

Kommune Qeqertaliup kissaatigaa paragraffimi immikkoortut digitalimik neqeroorutigineqarsinnaanerat pillugu inatsisitigut sinaakkusiortoqassasoq, taamaalilluni angallannermi pilersaarusiornikkut akimmiffiillu innuttaasut akornanni nunassittarnerup pissusia tunngavigalugu iluanaartitaasoqassanngimmat.”

Naalakkersuisoqarfiup oqartussap akissutaa:

Pissassarfiup suliassaminik digitalimik isumaginnissinnaanera Siunnersuutikkut killilersorneqanngilaq. Taama oqaaseqaateqarnikkut siunnersuummi allamik pisoqassannglaq.

Oqaaseqaatigineqartut Inatsisartut inatsisaata piviusunngortinniarneranut kiisalu nalunaarutip atortussanngortinnissaanut tunngavissatut aalajangersakkamut atatillugu eqqarsaatersuutinut ilanngunneqarumaarput.

”§ 8, imm. 2-mut

Kommune Qeqertaliup kissaatigaa taakku Namminersorlutik Oqartussat kommunillu Isuaginninnermut Pisortaasa oqallitarfiata akornanni ulloq unnuarlu paaqqinniffinnut akigitinneqartartut pillugit isumaqatigiinniarnernut ilanngunneqassasut.”

Naalakkersuisoqarfiup oqartussap akissutaa:

Ilanngunneqanngilaq. Naalakkersuisut communalbestyrelsep Pissassarfimmik atuisarneranut akigititaasunik sukumiinerusunik malittarisassiorsinnaanerannut inatsisitigut tunngavissaq atorneqanngilaq, ulloq unnuarlu paaqqinniffinnut akigitinneqartartunut tunngassuteqanngimmat.

“§ 10 pillugu

Kommune Qeqertaliup suliffeqarfeqarfinni minnerusuni pissusissamisoortumik killiliisuuusartut ilanngunneqarnissaat siunnersuutigissavaa.”

Naalakkersuisoqarfiup oqartussap akissutaa:

Sulisitsisup illutigut atortutigullu avatangiisit inummut innarluuteqartumut pilersissavai. Taamaattorli tapersersuinissamik, isumassuinissamik, sungiusarnissamik aamma inuup innarluutillip pisinnaasaasa ineriaartortinnissaannut ikiuinissamik communalbestyrelse neqerooruteqarnissamut pisussaaffeqarpoq.

Taamaamat Naalakkersuisoqarfiup tassunga oqaaseqaataasut innersuussutigalugit massakkut oqaatsit atorneqartut aalajangiusimavai.

“§ 12 pillugu

Kommunip illoqarfinni illersuisunik naammattunik pissarsiorneq qanoq ajornartigisoq misilittagaqarfigaa. Kommune Qeqertaliup illersuisunik sulisussarsiornermi ikiorneqarnissamik noqqaaneq Isumaginninnermut Pisortat oqallittarfiannit nassiussaq innersuussutigaa. Tamatuma saniatigut illersuisunngorniaraanni pikkorissartitsinerit isumaginninnermut aqutsisoqarfiup ingerlattagai piumasaqaataasut akuttoqaat. Kommune Qeqertaliup siunnersuutigissavaa aaqqissuussineq nunap tamarmiusup isumagisassaatut inissinneqassasoq, illersuisunik sulisussarsiorneq kommunillu akimorlugit sulisarneq amerlassutsinik tunngaveqartariaqarmat."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguiteqarnissamut pissutissaqalersitsinngillat. Taamaattorli inassuteqaat Inatsisartut inatsisisaata nangittumik atulersinnissaanut ilaatinneqassaaq.

"§ 13 pillugu

Ingerlataqarfit kikkut sunut akisussaanersut erseqqissarneqarnissaa kissaatigineqarpoq, Siusissukkut Suliniuteqarnerup akisussaaffigineqarnera maannakkut Peqqissutsimut Naalakkersuisoqarfiup, Isumaginninnermut Naalakkersuisoqarfiup aamma PAARISA-p akornanni agguataarneqarsimammat. Akisussaaffiup communalbestyrelsenut nuunneqarnissaa taakkunanngaanniit kommuninut UUKAPAAtinneqassava?"

Naalakkersuisoqarfiup oqartussap akissutaa:

Oqaaseqaat ilanngunneqanngilaq. Oqaatsit atorneqartut eqqortuusutut isigineqarput taamaammallu aalajangiusimaneqarlutik.

"§ 17, imm. 1 pillugu

"tapersorsorneqarnissamik pisariaqartitsisoq ilimagineqartariaqarpat" aamma "paasineqarpat" erseqqissarneqarnissaat kissaatigineqarpoq.

Naalakkersuisoqarfiup oqartussap akissutaa:

Qulaajaanerup siunertaa tassaavoq communalbestyrelse inuup pineqartup pisariaqartitaanik naammassinnittumik taassumallu ineriartornissaanut iluaqutaasumik suliniummik katiterisinnaanissaanut ilangussinissaq. Pisuni taamaattuni aallaavigineqartussaq erseqqisoq tassaassaaq qulaajaaneq ingerlanneqassasoq.

Qulaajaanissarli pisariaqartinneqanngitsutut paasineqarpat ingerlanneqassanngilaq.

Taamaattorli ingerlatinnginnissa tamatigut pissutsit nalilersornerannik tunngaveqartassaaq. Qulaajaanerup ingerlatinnginnissaanut assersuutaasinnaasoq tassaavoq inuk pineqartoq siusinnerusukkut tapersorsorneqarnermk aalajangersimasumik pisarsimappat nalunaranilu inuup innarluutaa ataavartuusoq allannguiteqanngitsorlu, tapersorsorneqarnissamillu pisariaqartitsineq allanngorsimanngitsoq.

Naalakkersuisoqarfiup massakkut oqaatsit atorneqartut tassungalu nassuaatigineqartut aalajangiusimavai.

"§ 17, imm. 2 pillugu

Ulluunerani paaqqinnittarfiit pilersinnejartarnerat atoruminarsagaanerallu taamatullu suleqatigiinnik pilersitsisarneq pillugit Namminersorlutik Oqartussat nalunaarutaanni kapitali 2-mi taagutinut innersuussissut kissaatigineqarpoq, suliassaqarfiit akimorlugit suleqatigiinneq tamatigut assigiimmik taaneqartassammatt. Naak meeqqat suli atualinngitsut pillugit suliassaqarfiit akimorlugit suleqatigiinneq nalunaarummi taaneqaraluartoq suliassaqarfiit akimorlugit soqtigisaqaqatigiit assigiimmik taaneqartariaqaraluarput."

Naalakkersuisoqarfiup oqartussap akissutaa:

Oqaaseqaat ilaatigut ilanngunneqarpoq, imammat § 17, imm. 2-mut oqaaseqaatini uku ilanngutitinneqarmata: "Meeqcanut suli atualinngitsunut perorsaanikkut inerkiartuutaasunik ulluunerani neqeroorutit pillugit Inatsisartut Inatsisaanni atuuttumi § 5, imm. 1 naapertorlugu pisariaqartitsisoqartillugu ingerlatsiviit ataasiakkaat meeqqamik sulinermut toqqaannartumik attuumassuteqartut akornanni inuttalerneqartumik suleqatigiinnik kommunalbestyrelse pilersitsissaaq."

"§ 17, imm. 3 pillugu

Taaguutip atsikkutigiissumik atorneqarnissaa kissaatigineqarpoq"

Naalakkersuisoqarfiup oqartussap akissutaa:

Oqaaseqaat ilanngunneqannilaq. Oqaatsit atorneqartut eqqortuusutut isigineqarput taamaammallu aalajangiusimaneqarlutik.

"§§ 18-19 pillugit

Malinninngitsoorneq ingerlatsiviup naalakkersuisoqarfimmit allaffissornikkut ingerlanneqalersinnaaneranik kinguneqarsinnaanersoq pillugu nassuaat kissaatigineqarpoq."

Naalakkersuisoqarfiup oqartussap akissutaa:

Naalakkersuisoqarfiup Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allanngortinneqarneranik Inatsisartut inatsisaat nr. 14, 6. juni 2016-imeersoq innersuussutigaa (Isumaginninnermi malittarisassanik kommunit aqtsinerannik atorunnaarsitsineq), taanna naapertorlugu manna atuuppoq: "§ 7a. Naalakkersuisut kommunit isumaginninnikkut malerauaqqusat toqqammavigalugit ingerlatsinerannik atorunnaarsitsissallutik aalajangersinnaapput, tamatumani kommuni pineqartoq pisussaaffimminnik imaluunniit innuttaasut pisisinnaatitaaffiinik annertuumik sumiginnaasimappat..."

"§ 21 pillugu

Siuunersuutigineqassaaq ingerlatsiviit akisussaassuseqarnerannut § 7-imni nassuiardeqartumut naleqqussarneqassasoq"

Naalakkersuisoqarfíup oqartussap akissutaa:

Oqaaseqaat ilanngunneqanngilaq. Oqaatsit atorneqartut eqqortuusutut isigineqarput taamaammallu aalajangiusimaneqarlutik.

"§ 28, imm. 2 pillugu

Pissaanermik atuinermut tunngaviit suut ulloq unnuarlu neqeroorummi pineqartumi atorneqarnersut nassuiardeqassaaq aamma taakku pissaanermik atuineq pillugu inatsisini qanoq illorsorneqarnersut."

Naalakkersuisoqarfíup oqartussap akissutaa:

Oqaaseqaatit ilanngunneqanngillat. Oqaatsit atorneqartut eqqortuusutut isigineqarput taamaammallu aalajangiusimaneqarlutik. Isumaginninnermik suliassaqarfímmi pissaanermik atuineq pillugu Inatsisartut inatsisaat innersuussutigineqarpoq.

"§ 31 pillugu

Tunngavigneqartumut "aalajangiisup akilissavaa"-mut akerliuvoq Eqqartuussiviullu naliliinera tunngavigalugu aningaasartuuteqarnerunerit tamarmik kommunimut akileqqullugit, kingunissai qivianngivillugit."

Naalakkersuisoqarfíup oqartussap akissutaa:

Kalaallit Nunaanni Pinerluttulerinermi Inatsit naapertorlugu inuit tarnikkut annertuumik innarluutillit – sianissutsimikkut inortut paaqqinniffímmut inissinneqarnissamik eqqartuunneqartut, eqqartuussut malillugu iliuuseqartussaq tassaavoq inunnik isumaginnittoqarfík. Aningaasanut inatsimmi konto pingaerneq 30.11.44 atorlugu sianissutsimikkut inortut eqqartuunneqarsimasut inissinneqarnerannut aningaasartuutit isumagineqartarput. Kommunit eqqartuunneqarsimasunut ataasiakkaanut isumaginninnikkut kiffartuussinernut aningaasartuutit isumagisassavaat.

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

"§ 36 imm. 2 pillugu

Nalinginnaasumik Kalaallit Nunaata avataani najugaqarfissatut neqeroorutini inissiisarnerit sivisussusissaat piffissaleruminaattaqaat, piffissalerneqassappat kommunip nalunngittariaqassammagu qaqgu piukkunnartumik neqerooruteqalerumaarnersoq. Taamaammat innuttaasut innarluuteqartut amerlanersaat piffissami killiligaanngitsumi Danmarkimi najugaqarfissatut neqeroorummittarput. Taamaattumik qaqgu naassanersoq ulluleruminaappoq. Taamaattumillu kommunit ullumik taasiinnartariaqassapput piffissamillu killeqartumik inissiineq attanneqassappat sivitsorneqarsinnaanera ammatillugu.

Maanna piffissami killiligaanngitsumi Danmarkimi najugaqarfissatut neqeroorummittut pillugit ikaarsaariarnermut aalajangersakkamik amigaateqarpoq. Innuttaasoq Danmarkimut uterluni nuukkusunngippat taassumunnga qanoq kinguneqassava?"

Naalakkersuisoqarfiup oqartussap akissutaa:

Oqaaseqaat ilanngunneqanngilaq.

Kommunalbestyrelsep piffissamik killiligaasumik inissiinerup sivisussusissaa nalilissavaa Naalakkersuisunullu inissiinerup sivitsornissaa innersuussutigisinnaallugu.

Aalajangersakkami qularnaarneqarpoq innuttaasoq Kalaallit Nunaannut utersinnaaqquillugu Kalaallit Nunaanni naleqquttumik tapersersuisoqarnissaanik pilersitsiniarneq ingerlaavartumik periarfissarsiorneqartoq.

Innuttaasut inatsisit siusinnerusukkut atuussimasut naapertorlugit Danmarkimi piffissamik killiligaanngitsumik inissinneqarsimasut pillugit § 35 naapertorlugu aamma killifflit pillugit nalunaarusiortoqartassaaq. Taakku suliani ataasiakkaani piviusuni angerlartinneqarsinnaanerisa nalilersorneqarneranni tunngavigineqassapput.

Innuttaasoq Kalaallit Nunaata avataanut inissinneqaraangat tamanna tamatigut piffissamik killeqartartoq erseqqissassallugu pingaaruteqarpoq. Tassa imaappoq kommunalbestyrelsep Kalaallit Nunaanni najugaqarfissatut neqeroorut piukkunnartoq neqeroorutigisinnaappagu innuttaasoq Kalaallit Nunaannut utissaaq. Naalakkersuisut ataavartumik inissiineq pinnagu piffissamik killiligaasumik inissiineq kisiat akuerisarpaat. Innuttaasoq Danmarkimut nuussimasutut isagineqarsinnaanngilaq Naalakkersuisut sinnerlugit inissinneqarsimagaangat. Danmark innuttaasup ataavartumik inissinneqartup tigunissaanut pisussaaffeqanngilaq.

Taamatuttaaq aamma kommuni Kalaallit Nunaanniittooq suli innuttaasumut akisussaaffeqassaaq tassaagatta oqartussaalluta inissiisut. Innuttaasoq utereerluni Danmarkimit nuukkusuppat soorunami taamaaliorsinnaavoq. Taamaattorli kommuni tigusisoq eqqarsaatigalugu isumaqatigiisummut tunngavigineqartoq tassaappat inissiigallarneq/piffissamik killeqartoq, tamatuma eqqortinnissaa pingaaruteqarpoq. Danmarkimut nuunnermi kalaallit oqartussaasuisa innuttaasumut pisussaaffeqarneri tamaasa taamaatinneqassapput.

"§ 36 imm. 4 pillugu

Innarluuteqartoq Danmarkimi najugaqarfissatut neqeroorummiiittoq Kalaallit Nunaannut uterluni nuukkusunngitsoq uffa najugaqarfissatut neqeroorut piukkunnartoq maanna neqeroorutigineqarsinnaanngoraluartoq pillugu malittarisassat erseqqissut amigaatigineqarput. Naameerpat ima isumaqassanerluni innuttaasoq Danmarkimut nuussimasutut isagineqassasoq? Taamaattumik Kalaallit Nunaanni piukkunnartumik najugaqarfissatut neqerooruteqartillugu Naalakkersuisut Kalaallit Nunaannut uterluni nuunnissaq pillugu erseqqissunik malittarisassaqarnissaa isumagisariaqarpaat."

Naalakkersuisoqarfiup oqartussap akissutaa:

§ 36, imm. 4 aalajangersagaavoq tunngaviusoq, taanna naapertorlugu Naalakkersuisut Kalaallit Nunaata avataani najugaqarfissatut neqeroorummiittarneq pillugu malittarisassanik sukumiinerusunik aalajangersaasinnapput.

Kommunalbestyrelsip piffissamik killiligaasumik inissiinerup sivisussusissaa nalilissavaa Naalakkersuisunullu inissiinerup sivitsornissaa innersuussutigisinnaallugu.

Aalajangersakkami qularnaarneqarpoq innuttaasoq Kalaallit Nunaannut utersinnaaqquillugu Kalaallit Nunaanni naleqquttumik tapersersuisoqarnissaanik pilersitsiniarneq ingerlaavartumik periarfissarsiorneqartoq.

Innuttaasut inatsisit siusinnerusukkut atuuussimasut naapertorlugit Danmarkimi piffissamik killiligaannngitsumik inissinneqarsimasut pillugit § 35 naapertorlugu aamma killifflit pillugit nalunaarusiortoqartassaaq. Taakku suliani ataasiakkaani piviusuni angerlartinneqarsinnaanerisa nalilersorneqarneranni tunngavigineqassapput.

Innuttaasoq Kalaallit Nunaata avataanut inissinneqaraangat tamanna tamatigut piffissamik killeqartartoq erseqqissassallugu pingaaruteqarpoq. Tassa imaappoq kommunalbestyrelsip Kalaallit Nunaanni najugaqarfissatut neqeroorut piukkunnartoq neqeroorutigisinnaappagu innuttaasoq Kalaallit Nunaannut utissaaq. Naalakkersuisut ataavartumik inissiineq pinnagu piffissamik killiligaasumik inissiineq kisiat akuerisarpaat. Innuttaasoq Danmarkimut nuussimasutut isagineqarsinnaanngilaq Naalakkersuisut sinnerlugit inissinneqarsimagaangat. Danmark innuttaasup ataavartumik inissinneqartup tigunissaanut pisussaaffeqanngilaq. Taamatuttaaq aamma kommune Kalaallit Nunaanniittooq suli innuttaasumut akisussaaffeqassaaq tassaagatta oqartussaalluta inissiisut. Innuttaasoq utereerluni Danmarkimit nuukkusuppat soorunami taamaaliorssinnaavoq. Taamaattorli kommune tigusisoq eqqarsaatigalugu isumaqatigiisummut tunngavigineqartoq tassaappat inissiigallarneq/piffissamik killeqartoq, tamatuma eqqortinnissaa pingaaruteqarpoq. Danmarkimut nuunnermi kalaallit oqartussaasuisa innuttaasumut pisussaaffeqarneri tamaasa taamaatinneqassapput.

“§ 37 pillugu

Innarluummut tunngatillugu piginnaanngorsaanermi suna eqqarsaatigineqarnersoq sukumiinerusumik paasinarsartariaqarpoq. Tamanna ersernerluppoq. Piginnaanngorsaanermi pineqarnerluni innarluuteqartutut qanoq pitsaanerpaamik inuusoqarsinnaanersoq imaluunniit piginnaanngorsaanerua nalinginnaasoq, t.i. immikkut ittunik piumasaqartitsineq tunngavigalugu piginnaalersitsisumik ilinniagaqarneq, STU?”

Naalakkersuisoqarfiup oqartussap akissutaa:

§ 37-mut oqaaseqaatini ima allassimavoq, piginnaanngorsaanermut ilaatigut ilaasinnaasut immikkut efterskolimi imaluunniit Københavnimi Instituttet for Blinde og Svagsynede-mi piffissami killilikkami najugaqarneq. Piginnaanngorsaaneq taamaalilluni tassaasinnavoq innarluuteqarluni qanoq pitsaanerpaamik inuusoqarsinnaanersoq, t.i. innarluuteqartutut inuuneq sutigut piginnaaneqarfiginerulersinnaanerlugu. Piginnaanngorsaanerlu

tassaasinnaalluni ilinniartitaanikkut immikkut ittunik sinaakkusersukkami innuttaasup innarluutaa mianeralugu piginnaalersitsisumik ilinniagaqarneq.

“§ 38 pillugu

Innarluummut tunngatillugu piginnaanngorsaanermi suna eqqarsaatigineqarnersoq sukumiinerusumik paasinarsartariaqarpoq. Tamanna ersernerluppoq. Piginnaanngorsaanermi pineqarnerluni innarluuteqartutut qanoq pitsaanerpaamik inuusoqarsinnaanersoq imaluunniit piginnaanngorsaanerua nalinginnaasoq, t.i. immikkut ittunik piumasqartitsineq tunngavigalugu piginnaalersitsisumik ilinniagaqarneq, STU? Taaguut "assingusumi neqeroorummi" sukumiinerusumik erseqqissarneqartariaqarpoq. Ilinniarfimmut atasumik najugaqarfissaqanngippat eqqaani najugaqarfissamik allamik ilinniarfimmut atasariaqanngitsumik pissarsiornissaq periarfissaasariaqarpoq."

Naalakkersuisoqarfíup oqartussap akissutaa:

STU (Inuuusuttunut Ilinniartitaaneq Immikkut Aaqqissuussa) imatut pisortatigoortumik ilinniartitaanerunngilaq piginnaalersitsisoq, STU-li aqqutigalugu inuuusuttut immikkut pisariaqartitsisut nammineq inuttut piginnaasatik aamma inooqatigiinnikkut suliatigullu piginnaasatik ineriartortissinnaavaat, taamalu suliffimmut appakaannissamut periarfissaqarnerulerlutik ilaannikkullu aamma pisortatigoortumik ilinniartitaanermut isersinnaalerlutik.

§ 38, imm. 2-mut oqaaseqaatini takuneqarsinnaavoq najugaqarfíit illersugaasut, ulloq unnuarlu neqeroorutit, efterskolit assigisaallu saniatigut neqeroornermi inissiamik, klubværelsimek, ilinniartut ineqarfiannik allanillu neqeroorsinnaaneq periarfissaammat innersuussutigineqartoq, tassanilu najugaqarfík inummut innarluutilimmut tulluartuussasoq, tassungalu atatillugu inummut innarluutilimmut tamanna pitsaanerpaajussasoq.

“§ 41 pillugu

Kommune Qeqertaliup ima aaqqinnejarnissaa kissaatigaa, najukkami innuttaasoq isumagineqarlunilu tapersorsorneqarsinnaanngoraangat taava innuttaasoq aallaavittut najukkaminut utertassaaq. Taamatuttaaq aamma nuunnermi ikiorsiissusiisoqartassaaq innuttaasoq najukkami isumagineqarlunilu tapersorsorneqarsinnaanngoraangat.”

Naalakkersuisoqarfíup oqartussap akissutaa:

Oqaaseqaatit ilanngunneqanngillat. Oqaatsit atorneqartut eqqortuusutut isigineqarput taamaammallu aalajangiusimaneqarlutik.

”41 imm. 2 pillugu. Nr. 4

Isumaliutigineqartariaqarpoq najugaqarfimmut allamut nuunnermi najugaqarfissatut neqeroorummit aamma oqaaseqaammik piniartoqassannginnersoq.”

Naalakkersuisoqarfíup oqartussap akissutaa:

Oqaaseqaatit ilanngunneqanngillat. Oqaatsit atorneqartut eqqortuusutut isigineqarput taamaammallu aalajangiusimaneqarlutik.

“§ 43 pillugu

Innarluuteqartoq Danmarkimi najugaqarfissatut neqeroorummiittoq Kalaallit Nunaannut uterluni nuukkusunngitsoq uffa najugaqarfissatut neqeroorut piukkunnartoq maanna neqeroorutigineqarsinnaanngoraluartoq pillugu malittarisassat erseqqissut amigaatigineqarput. Naameerpat ima isumaqassanerluni innuttaasoq Danmarkimut nuussimasutut isigineqassasoq? Taamaattumik Kalaallit Nunaanni piukkunnartumik najugaqarfissatut neqerooruteqartillugu Naalakkersuisut Kalaallit Nunaannut uterluni nuunnissaq pillugu erseqqissunik malittarisassaqarnissaa isumagisariaqarpaat.”

Naalakkersuisoqarfíup oqartussap akissutaa:

Qulaani § 36, imm. 2-mut akissut innersuunneqarpoq.

Kommunalbestyrelsip piffissamik killiligaasumik inissiinerup sivisussusissaa nalilissavaa Naalakkersuisunullu inissiinerup sivitsornissaa innersuussutigisinnaallugu.

Aalajangersakkami qularnaarneqarpoq innuttaasoq Kalaallit Nunaannut utersinnaaqquillugu Kalaallit Nunaanni naleqquttumik tapersersuisoqarnissaanik pilersitsiniarneq ingerlaavartumik periarfissarsiorneqartoq.

Innuttaasut inatsisit siusinnerusukkut atuussimasut naapertorlugit Danmarkimi piffissamik killiligaanngitsumik inissinneqarsimasut pillugit § 35 naapertorlugu aamma killifíit pillugit nalunaarusiortoqartassaaq. Taakku suliani ataasiakkaani piviusuni angerlartinneqarsinnaanerisa nalilersorneqarneranni tunngavigineqassapput.

Innuttaasoq Kalaallit Nunaata avataanut inissinneqaraangat tamanna tamatigut piffissamik killeqartartoq erseqqissassallugu pingaaruteqarpoq. Tassa imaappoq kommunalbestyrelsip Kalaallit Nunaanni najugaqarfissatut neqeroorut piukkunnartoq neqeroorutigisinnaappagu innuttaasoq Kalaallit Nunaannut utissaaq. Naalakkersuisut ataavartumik inissiineq pinnagu piffissamik killiligaasumik inissiineq kisiat akuerisarpaat. Innuttaasoq Danmarkimut nuussimasutut isigineqarsinnaanngilaq Naalakkersuisut sinnerlugit inissinneqarsimagaangat. Danmark innuttaasup ataavartumik inissinneqartup tigunissaanut pisussaaffeqanngilaq. Taamatuttaaq aamma kommune Kalaallit Nunaanniittooq suli innuttaasumut akisussaaffeqassaaq tassaagatta oqartussaalluta inissiisut. Innuttaasoq utereerluni Danmarkimit nuukkusuppat soorunami taamaaliorssinnaavoq. Taamaattorli kommune tigusisoq eqqarsaatigalugu isumaqatigiisummut tunngavigineqartoq tassaappat inissiigallarneq/piffissamik killeqartoq, tamatuma eqqortinnissaa pingaaruteqarpoq. Danmarkimut nuunnermi kalaallit oqartussaasuisa innuttaasumut pisussaaffeqarneri tamaasa taamaatinneqassapput.

“§ 46 pillugu

Kommune Qeqertaliup kissaatigaa oqaloqatigiinneq inuk tikillugu pinnani taarsiulluguli elektroniskiusumik pisinnaanera ilanngunneqassasoq.”

Naalakkersuisoqarfíup oqartussap akissutaa:

Ilanngunneqarrpoq. Siunnersuummi oqaloqatigiinnerup elektroniskiusumik pisinnaanera killilersorneqanngilaq. § 46-mi aalajangersarneqanngilaq oqaloqatigiinneq piviusumik naapinnikkut ingerlanneqassasoq. Taamaallaat aalajangersarneqarpoq oqaloqatigiinnermik pisoqassasoq, taamaattorli § 46-mi imm. 4 naapertorlugu. Taamaattumik oqaloqatigiinneq piviusumik naapinnikkut imaluunniit elektroniskiusumik ingerlanneqassasoq § 46-mut nassuaatini ilanngunneqarpoq.

"§§ 50-52 pillugit

Kommune Qeqertaliup innuttaasup pisinnaasakinnerunera inerisimaneralu aallavigalugit persuttaaneq, paarsinerlunneq aamma kinguaassiuutitigut kannuttaatsuliorfigitinneq pitsaanerusumik nassuiardeqassasoq."

Naalakkersuisoqarfíup oqartussap akissutaa:

Ilanngunneqanngilaq. Oqaasertaliorneri eqqortuusutut isigineqarput taamaammallu aalajangiusimaneqarlutik.

"§ 54

Nalilersueqqinnejq sulianik suliarinnittartumit siornatigut suliaq taanna pillugu suliaqarsimanngitsumik ingerlanneqarnissaa eqqarsaatigalugu aalajangersagaq annertuallaarpooq.

Siullertut nalunaarutiginninneq nutaaq pissutsinut suliniutinut aallartinneqarsimasunut siusinnerusukkut sunniuteqarsimanngitsunut tunngasinnaavoq, suliarinnittartullu kialluunniit suliarisimagaluarpagu siumut takorloorneqarsinnaasimanngitsut. Assersuutigalugu inuk innarluuteqartoq najugaqarfíit arlaannut inissinneqarsimappat inullu pineqartoq ineqartumit allamit persutarneqarsimasoq nalunaarutigineqarpat, taava suna pissutigalugu nalileeqqinnejq suliarinnittartumit allamit suliarineqassava?

Aappaattut kommunit sulianik suliarinnittartunik amigaateqareerput. Nutaanik nalunaarutiginnittooqarneri tamaasa suliarinnittartup nutaap suliaq nalileqqisssagaa piumasarineqarpat kommunimut suliassaqarnikkut aningaasaqarnikkullu nanertuutinngussaaq. Taamaattumik tamanna kommuninut aningaasaqarnikkut qaavatigut kinguneqartussaanera ilanngullugu naatsorsortariaqarpoq.

Aalajangersagaq atatiinnarneqassappat qanoq ilisukkut suliarinnittartup allap suliaq nalileqqisssaneraa pillugu piumasaqaaqortoqartariaqarpoq, nalunaarutiginninnerup imaa apeqqutaatillugu sabinngisamik killilersornissaa pillugu."

Naalakkersuisoqarfíup oqartussap akissutaa:

Aalajangersakkami allaffissornikkut suliaqarnerulernissaq siunertarineqanngilaq, tassa nalunaarutiginninneq tamatigut suliunitit aallartinneqareersimasut allannguuteqassanersut

nalilersornissaannut pissutissaqartitsissammat. Manna nalinginnaasumik suliamik suliarinnittarnermut ilaavoq.

Nalilertsueqqinnej siuliatigut suliamik matuminnga suliarinnissimanngitsumiit sullisisisumit isumagineqarnissaa ilaatigut suliamik suliarinnittarnermi siuliatigut ilisimasanik siuarsaanissamik siunertaqarpoq.

”§ 56 imm. 3 pillugu

Aalajangersakkami imm. x innersuunneqarpoq. Ilimageqarpoq imm. 1-imik allassimasussaagaluartoq”

Naalakkersuisoqarfiup oqartussap akissutaa:

Oqaaseqaat naleqqussarlugu ilanngunneqarpoq.

”§ 59 pillugu

Tapersersuinermut tunngavilersuut tassaappat inuk innarluutilik qanigisap sulinerata nalaani angerlarsimaffimmini imminut paarisinnaanngitsoq qanigisamut kajuminnanngilaq taamaallaat ullup ilaannaanut aningaasatigut tapersorsorneqarnissaq periafissaappat.

Qanigisaasoq nalunaaquttap akunnerinut 10-nut sinneruttunut

suliffissarsisinnaassajunnanngilaq, taamalu akissarsianik tamakkiisunik pissarsisinnaassanani. Taamaattoqarnerani kommune akunnernut sinneruttunut 10-nut tapersortissarsiortariaqartussaassaaq. Taamaattumik nalunaaquttap akunnerinik 40-nik killilersuineq piffissaq tamakkerlugu suliffeqarnermut annertussusilik nalequnnerussaaq.”

Naalakkersuisoqarfiup oqartussap akissutaa:

Ilanngunneqarpoq.

”§ 62 imm. 6 pillugu

Aatsaat sulisoq ullut tamaasa meeqlanik inuuasutunillu attaveqartaraangat meeqlanik pinerliisimannginnermut uppermarsaammik piniartoqarsinnaavoq. Pisariaqassappat ilanngunneqartariaqarsinnaavoq meeqlanik pinerliisimannginnermut uppermarsaatip piniarnissaa taamaallaat inunnut innarluutilinnut tapersersuisutut ikiortinut atuuttoq.”

Naalakkersuisoqarfiup oqartussap akissutaa:

Ilanngunneqanngilaq. Oqaasertaliorneri eqqortuusutut isigineqarput taamaammallu aalajangiusimaneqarlutik.

”§ 63 pillugu

Angalanernut allanut pisariaqartunut ingiallorqeartitsineq pillugu aalajangersaq ilanngunneqartariaqarpoq. Ass. peqqinnissaqarfimmi katsorsarneqarnermut atatillugu angalanermut. Maannakkut taama itillugu taanna inatsisitigut tunngavissaqanngilaq, ingiallorqeartitsineq kisimi feeriamut aamma sullitat tikeraarnerannut atuummat.

Qinigassaq alla tassaavoq peqqinnissaqarfiup ingiaqateqarneq akilertassaneraa nassuiarneqassasoq. Imaakkajuttarpoq innarluutilik angalanermi 2-nik ingiallorteqartartoq immaqalu aamma qanigisaq ataaseq, Peqqinnissaqarfiullu ataasiinnaq akiliuttarlugu. Tamanna pisariaqassappat aamma § 79-ip ataanut inissinneqarsinnaavoq."

Naalakkersuisoqarfiup oqartussap akissutaa:

Ilaatigut naleqqussarlugu ilanngunneqarpoq.

Kommunip akunnerit 20-t sinnerlugit ingiallortiliinissaminik kiisalu arlalinnik ingiallorteqassasoq nammineq aalajangersinnaavaa. Peqqinnissaqarfimmi katsorsartinnissamut angalanissamut atatillugu ingiallorteqarnissaq peqqinnissaqarfiup isumagisassaraa. Ingiallorteqartarneq, angalanermi ingiallorteqartarneq, najugaqarneq nerisaqarnerlu il. il. pillugit Naalakkersuisut sukumiinerusumik malittarisassanik aalajangersaasinnaanerat pillugu aalajangersagaq ilanngunneqarpoq.

”§ 63 imm. 8 pillugu

Aatsaat sulisoq ullut tamaasa meeqlanik inuuasutunillu attaveqartaraangat meeqlanik pinerliisimannginnermut uppernarsaammik piniartoqarsinnaavoq. Pisariaqassappat ilanngunneqartariaqarsinnaavoq meeqlanik pinerliisimannginnermut uppernarsaatip piniarnissaa taamaallaat inunnut innarluutilinnut tapersersuisutut ikiortinut atuuttoq.”

Naalakkersuisoqarfiup oqartussap akissutaa:

Ilanngunneqanngilaq. Oqaasertaliorneri eqqortuusutut isigineqarput taamaammallu aalajangiusimaneqarlutik.

“§ 66 pillugu

Tapiissutip annertussusissaa pillugu piumasaqaatinik aalajangersaasoqartariaqarpoq kiisalu aamma neqeroorutit qanoq ittut tapiiffiqineqarsinnaanersut.”

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Aalajangersakkamut imm. 3-mik ilanngussisoqassaaq, taanna naapertorlugu Naalakkersuisut eqimattakkaarluni ikiorneqarnissamut tapersersorneqarnissamullu neqeroorutit pillugit maleruagassanik erseqqinnerusunik aalajangersaasinnaapput.

”§ 67 imm. 1 pillugu

Kommune Qeqertaliup kissaatigaa paragraffimi immikkoortut digitalimik neqeroorutigineqarsinnaanerat pillugu inatsisitigut sinaakkusiortoqassasoq, taamaalluni angallannermi pilersaarusiornikkut akimmiffiillu innuttaasut akornanni nunassittarnerup pissusia tunngavigalugu iluanaartitaasoqassangimmat.”

Naalakkersuisoqarfiup oqartussap akissutaa:

Ilanngunneqanngilaq. Aalajangersakkami aalajangersarneqarpoq kommunalbestyrelse inummut innarluutilimmuit oqilisaasarnermut najugaqarfimmik neqeruussasoq, isumassuinermi suliassaq, angajoqqaanut imaluunniit ilaquaasunut allanut isumassuinermik isumaginnittunut annertuumik suliaqarnerunermik malitseqartarpal, aamma angajoqqaat, ilaquaasut allat ilaqtariilluunniit paarsisartut isumassuinermik isumaginniinnarsinnaanissaannut oqilisaassinissaq pisariaqarput. Inummut innarluutilimmuit oqilisaassilluni najugaqartitsinissamik neqeroornissamut piumasaqaatit aalajangersakkami pineqarput. Oqilisaassinermi pissutsinut tunngatillugu neqeroornissaq elektronisimik imaluunniit allatut pissanersoq kommunip nammineq isumagisassaraa.

Oqaasertaliorneri eqqortuusutut isigineqarput taamaammallu aalajangiusimaneqarlutik.

”§ 67 imm. 6 pillugu

Aammattaaq § 67 naapertorlugu ulloq unnuarlu neqeroorutini oqilisaasarnermut najugaqarfimmiennermut akigitassat aalajangersarneqassapput. Imm. 3-mi allassimavoq aningaasarsiarineqartut inuup pilersorneqarneranut aningaasartuutinut ilaanngitsut. Ulloq unnuarlu akigititani kaasarfimmiut nerisaqarnerlu ilanngullugugit naatsorsorneqartarpal. Taamaammat taakku ulloq unnuarlu akigititanit nalinginnaasunit ilanngaatigineqassapput.”

Naalakkersuisoqarfiup oqartussap akissutaa:

Ilanngunneqanngilaq. § 67, imm. 5-im i allassimavoq pilersuinerup qanoq akilertarnissaa pillugu inuup innarluutillip aamma ulloq unnuarlu neqeroorutip akornanni aamma angerlarsimaffittut kommuniani kommunalbestyrelse suleqatigalugu isumaqatigiissuteqartoqassasoq.

“§ 79 pillugu

Angalanernut allanut pisariaqartunut ingiallorqeartitsineq pillugu aalajangersaq ilanngunneqartariaqarpoq. Ass. peqqinnissaqarfimmi katsorsarneqarnermut atatillugu angalanermut. Maannakkut taama itillugu taanna inatsisitigut tunngavissaqanngilaq, ingiallorqeartitsineq kisimi feeriamut aamma sullitat tikeraarnerannut atuummat.

Qinigassaq alla tassaavoq peqqinnissaqarfiup ingiaqateqarneq akilertassaneraa nassuiarneqassasoq. Imaakkajuttarpooq innarluutilik angalanermi 2-nik ingiallorqeartartoq immaqalu aamma qanigisaq ataaseq, Peqqinnissaqarfiullu ataasiinnaq akiliuttarlugu.

Tamanna pisariaqassappat aamma § 63-imut inissinneqarsinnaavoq.”

Naalakkersuisoqarfiup oqartussap akissutaa:

Ilanngunneqanngilaq. Qulaani § 63-imut akissut innersuussutigineqarpoq.

“§ 82 pillugu

Kommune Qeqertaliup siunnersuutigissavaa taanna Isumaginninnermut Aqutsisoqarfimmuit utertinneqassasoq, taakkumi tamatigut atorfimmi suliassaqarlutik angalajaannarmata. Taamaanngippat inissinneqarsimasunut tamanut nakkutilliaartornerit immikkut

ataasiakkaarlugit aaqqissuussat pillugit aningaasatigut kingunerisassaanik misissueqqissaarneq suliarineqartassaaq pissuseqataanillu UUKAPAAtinnejassallutik."

Naalakkersuisoqarfíup oqartussap akissutaa:

Ilanngunneqassanngilaq Isumaginninnermut Aqutsisoqarfík nakkutilliinermut oqartussaanngimmat. Kommunit nakkutilliisussaatitanerisa aningaasatigut kingunssai siusinnerusukkut innarluutillit pillugit Inatsisartut inatsisaata atuuttup akuerineqarneranut atatillugu kommunit ataatsimoortumik tapiissutaannut naleqqussarlugit ilannguneqarput.

"§ 85 pillugu

Taassumap § 82-84-imiittut tamaasa tigussagaluarpai"

Naalakkersuisoqarfíup oqartussap akissutaa:

Ilanngunneqassanngilaq. Kommunalbestyrelsep nakkutilliinissamut pisussaaffii aalajangiusimaneqarput Naalakkersuisunullu nuunneqassanngillat.

"§ 90 pillugu

Kommune Qeqertaliup nuannaarutigaa maanna Inunnut Innarluutilinnut Siunnersuisoqatigiinut ilaasortassaanik toqqaaniarneq kiffaanngissuseqartumik periarfissaqarluarnerulermat."

Naalakkersuisoqarfíup oqartussap akissutaa:

Tusaatissatut tiguneqarput.

"§ 93 pillugu

Kommune Qeqertaliup nuannaarutigaa tamanna pillugu maanna nuna tamakkerlugu malittarisaqalermat 2021-mili tamaani atuussimasunik."

Naalakkersuisoqarfíup oqartussap akissutaa:

Tusaatissatut tiguneqarput.

"Kapitali 12 pillugu

Qulequttat "Akigititanik naleqqussaasarneq" aamma "ulloq unnuarlu neqeroorutinut akigititat iluarsiiffingineqarnerat" marluunerat paatsiveerunnarpooq Soorlu ataatsimut katitinneqarsinnaassagaluartut."

Naalakkersuisoqarfíup oqartussap akissutaa:

Oqaaseqaat naleqqussarlugi ilanngunneqarpoq. Qulequtaq "Ulloq unnuarlu neqeroorutinut akigititat iluarsiiffingineqarnerat" peerneqarpoq.

"§ 95 - 97 pillugit

§ 95-imi aamma 97-imi aaliangersakkat assigiinnut attuumassuteqartutut saqqumipput.
Immaqa ataatsimut allanneqarsinnaagaluarput.
§ 96 aamma § 97 paarlaanneqarsinnaagaluarput taamaalillunilu § 97 imm. 4 peerneqarluni.
Taamaaligaanni kapitali 12 tamaat ajunnginnerusumik ataatsimut
isigineqarsinnaalissagaluarpoq"

*Naalakkersuisoqarfíup oqartussap akissutaa:
Ilanngunneqarpoq. §§ 95 aamma 97 § 95-imi ataatsimut allanneqassapput.*

"§ 106 imm. 5 pillugu
Kommune Qeqertaliup malugeqqussavaa Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi § 16 tamaat atorunnaarsinneqarpat § 16 imm. 1, nr. 2 naapertorlugu utoqqalinersiuteqartut peqqilliuiteqarnermut tapisiaqarsinnaanerat annaassavaat. Peqqilliuiteqarnermut tapit peqqissutsikkut pisariaqartitat malitsigisaanik annertuumik aningaasartuuteqarnerit matussusertarpaat, isarussianik pissarsiniarneq ilanngullugu."

*Naalakkersuisoqarfíup oqartussap akissutaa:
§ 3 naapertorlugu Inatsisartut inatsisaat manna inunnut innarluutilinnut Kalaallit Nunaanni najugalinnut ukiui apeqqutaanatik, ukiui apeqqutaallutik pisinnaasakinnerusunut utoqqaallu angerlarsimaffiini najugalinnut atorneqassaaq. Kiisalu aamma § 68, nr. 5 naapertorlugu siunnersuutigineqarpoq aningaasartuuteqarnerulerterit pillugit malittarisassat sukumiinerusut aalajangersarnissaat.*

2. Kommuneqarfik Sermersooq

"Kommuneqarfik Sermersuumit ilassutitut tusarniaanermut atasumik akissuteqarnissamut periarfissinneqarsinnaaneq qujassutigineqarpoq. Maajimi 2024 kommune tusarniaanerup immikkoortuani siullermi akissuteqaammik tunniussivoq, aamma tusarniaanermi akissuteqaammi matumani akissuteqaataaqqaartumi immikkoortut kommunimit aalajangiusimaneqartut kiisalu oqaaseqaatit nutaat saqqummiunneqarput.

Inuit innarluutillit pillugit inatsit aqqutigalugu Kommunip inunnut innarluutilinnut suliassaqarfimmi sulianik ingerlatsinera inatsisitigut najoqqutassiisaq aamma inatsisit annertuumik nutarteriffigineqarneranni Kommuneqarfik Sermersooq peqataatinneqarnerminik nuannaaruteqarpoq. Taamaattoq inatsisisstatut siunnersummik suliaqarnermi anermik peqataatinneqannginnej kommunimit uggorineqarpoq.

Kommuneqarfik Sermersuumit inatsisiiornerup siunertaa isumaqataaffigineqarpoq, inuit innarluutillit pisinnaatitaaffeqassasut aamma allat naleqqatigalugit periarfissaqartinneqassasut. Aammattaaq kommunimit isumaqataaffigineqarpoq

innarluuteqarnermik paasinnittaaseq, tassaasutut inuup piginnaasakillisimasup akimmiffiit inuiaqatigiinnit pilersinneqarsimasut aqquaartagai.

Kommuneqarfik Sermersuumit nalinginnaasumik isumaqarfingineqarpoq, siunnersuut - inuit innarluutilit pillugit suliassaqarfimmik nakkutilliinerit ingerlanneqartut eqqarsaatigalugit aamma - piviusorsiorstuunermik amigaateqartoq. Kommunit killilinnik nukissaqarput, aningaasaqarneq kisiat eqqarsaatiginaq, kisianni sulisut aamma piginnaasaat eqqarsaatigalugit. Pikkorinnerulersinnaavugut aamma pikkorinnerulissaagut, kisianni pingarnersiuineq pisariaqartinneqarpoq, inatsisisstatut siunnersummilu pingarnersiuineq taanna tapersorsorneqanngilaq.

Kommuneqarfik Sermersuumit isumaqarfingineqarpoq sapaatit akunnerini 5-ni tusarniaasitsinermut piffissaliussaq naammanngilluinnartoq tusarniaaneq aasaanerani sulinngiffeqarnerup nalaani pinera aamma tusarniaassutigineqartut katitigaanerat pissutigalugu. Tassunga atasumik utoqqaat tapersorsorneqarnissaat pillugu Inatsisartut inatsisisattut siunnersuut tusarniaassutigineqarpoq, taanna inuit innarluutilit tapersorsorneqarnissaat pillugu inatsimmut qalleraappoq. Taamaattoq kommunimit iluarisimaarneqarpoq tusarniaanermut piffissarititaasumut piffissaliuteeqaagaq sapaatit akunnerinit 4-nit sapaatit akunnerinut 5-nut naalakkersuisoqarfimmit sivitsorneqarnera.

Tusarniaanermi akissuteqaat immikkoortiterneqarpoq, imaalillugu, kommunip inatsisiliorermut oqaaseqaatai nalinginnaasut aamma aalajangersakkanut ataasiakkaanut oqaaseqaatit. Oqaaseqaatit ilaatigut makkununnga tunngassuteqarput:

- Komminut aningaasatigut kingunerisassat
- Pisortat ataatsimoorussaannik IT-mik aaqqissuussamik pilersitsineq
- Neqeroorutaagallartunik pilersitsineq ingerlatsinerlu
- Isumaginninnermut Aqutsisoqarfiup neqeroorutaanut akigititanik aalajangiussinermi allannguutit
- Ulloq unnuarlu neqeroorummi isumannaallisakkami inissiisoqarsinnaaneranut atatillugu tigummigallagaqarnermut assingusumik inissaq

Oqaaseqaatit nalinginnaasut

Kommunimit oqaatigineqarsinnaavoq, inatsisisstatut siunnersummilu naqqitami naalakkersuisoqarfimmit toqcarneqarmat malittarisassat ilaasa nalunaarutitut isikkoqartillugit saqqummiunneqarnissaat, aamma nalunaarutit naqqissukkut tusarniaaffigineqassallutik nassiunneqarnissaat toqcarneqarpoq.

Ingerlataqarfiit akisussaassuseqarnerat aamma suliassaqarfinnut allanut kalluaasut pillugit ajornartorsiutit

Kommuneqarfik Sermersuumit tunngaviusumik malitassat pingasut tassaasut suliassaqarfimmut akisussaassuseqarneq, naligiissumik sullissineq aamma taartisineq,

siunnersummi oqaaseqaatinut ilanngunneqarnerat isumaqataaffigineqarpoq akuerineqarlunilu.

Suliassaqarfimmut akisussaassuseqarneq pillugu tunngaviusumik malitassat pillugit Kommunimit tupagineqarpoq, maannamut inatsimmit atuuttumit § 5 peerneqarnera, pisortat illuutaasa atortulersuutillu tikikkuminassiisa pisariaqarnerat inuiaqatigiinni inuit innarluutillit naligiissumik pisinnaatitaaffeqarnerat periarfissaqarnerallu anguneqarsinnaaqquullugit pisariaqarnerat pissutigalugu. Inunnut innarluutilinnut inatsimmik suliaqarnermi suliassaqarfimmut akisussaassuseqarneq tunngavigineqarsinnaanngilaq saniatigut naalakkersuisoqarfiit akisussaaffeqarfiisa aguataarnerannit inatsimmi suut ilanngunneqassanersut aqunneqartillugit. Taamaattumik Kommuneqarfik Sermersuumit siunnersuutigineqarpoq § 5 inatsimmiiginnassasoq suliassaqarfimmut akisussaassuseqarneq pillugu tunngaviusumik malitassat naapertorlugit."

Naalakkersuisoqarfiup oqartussap akissutaa:

Ilanngunneqanngilaq. Siunnersummi § 1 naapertorlugu Inatsisartut inatsisaanni siunertarineqarpoq inuit timikkut tarnikkulluunniit pisinnaasakitsut il.il. tapersorsorneqarnissaat. Inissaqarneq, atortulersuutit, ilinniartitaaneq aamma ingerlataqarfiit allat akisussaaffigisaannut aalajangersakkanik ilanngussaqarnissaq naleqquttutut isigineqarsimanngilaq.

”Taassuma saniatigut kommunimit siunnersuutigineqassaaq, inatsimmi ilanngunneqartariaqartoq atortulersuutinut, atuarfinnut suliassaqarfinnullu allanut pisariaqartunut aaqqisoqarsinnaaneq, tikinnejqarsinnaanerannut periarfissanik pitsaanerusunik pilersitsisinnaaqquulluni aamma inunnik innarluutilinnik inuiaqatigiit immikkoortitigaaneranni sorlerniluunniit peqataatitsineq periarfissaqquullugu. Kommuneqarfik Sermersuumit aamma maluginiarneqarpoq, ilaatigut ulluunerani neqeroorutit, atuarfeqarneq aamma peqqissutsimut suliassaqarfik inatsisisstatut siunnersummi ilanngunneqarsimanngivinnerat. Inatsimmi utoqqaat assigalugit meeqqat inuuusuttullu ilanngunneqarput, kisianni neqeroorutit amerlanerpaat eqimattanik taakkuninnga sullisisartut ilanngunneqarsimanngillat.

Kommuneqarfik Sermersuumit malugineqarpoq, inatsisisstatut siunnersummi ukioqqortussuseq tunngavigalugu piginnaanikillinerit inuit innarluutillit tapersorsorneqarnissaanut inatsisip ataanut tamarmik erseqqissumut inissinneqartut. Kommunimit erseqqissaatigineqarpoq, suliassaqarfinnut allanut kalluaasut pillugit ajornartorsiutinut tunngasut suli erseqqissuunnginnerat, taamatuttaaq ukioqqortussuseq pissutigalugu piginnaanikillinerup inatsimmut ilanngutsinnejqarnissaanut kingunerisinhaasaannut tunngasut.

Saniatigut inatsisisstatut siunnersummik matuminnga tusarniaanermut atasumik Naalakkersuisunit toqqarneqarpoq utoqqaat tapersorsorneqarnissaat pillugu Inatsisartut inatsisisattut siunnersuut tusarniaassutigineqassalluni nassiuinneqarpoq. Kommunimit

tikkuarumaneqarpoq, innuttaasut utoqqalisut kommunimit tapersorsorneqarnermik tunineqartartut (utoqqalinermi pensionisiat saniatigut), tapersorsorneqarnermik tunineqartarmata piginnaanikillisimaneq pissutigalugu. Taamaattumik kommunimit isumaqartoqarpoq, utoqqaat tapersorsorneqarnissaat pillugu inatsisisstatut siunnersuut ataasiakkaanik naleqqussagartalik inuit innarluutillit tapersorsorneqarnissaannut inatsisisstatut siunnersuutip iluaniissinnaasoq. Naapertutinngilaq, malittarisassanik imminnut qalleraattunik pilersitsinissaq, malittarisassat sorliit pingarnerutinneqarnissaat ilanngullugu isummerfigeqqaartinnagu. Atulersitsinermut ilungersuatisssaaq sullissisumut aamma aningaasaqarnermut akisussaasumut aammattaaq innuttaasumut piffissami sivisunerusumi sullissinermik pilersitsisoqarsinnaanera aarlerinaataavoq.

Kommuneqarfik Sermersuumit ataatsimut isigalugu takuneqarsinnaavoq, piginnaanikillisimanerup annertussusianik eqqarsartaaseqarneq inatsimmi arlalitsigut ilanngunneqarsimanngitsoq. Kommunimit kissaatigineqarpoq, inatsimmi erseqqinnerusumik allaqqassasoq tapersorsorneqarnermik aallartitsisoqassappat tamakkiisumik isiginnittaaseqarneq, inummut ataatsimut tunngasumik aamma suliamik ingerlatsisut naliliinerat aallaavigalugu tamanna pissasoq."

Naalakkersuisoqarfiup oqartussap akissutaa:

Tusaatissatut tiguneqarput. § 1, imm. 2 naapertorlugu inuit innarluuteqartut ataasiakkaat ataqtigiissumik tamanillu ataatsimoortutut isiginnittumik suliniuteqarfingeqartassapput inuup pineqartup pisariaqaritaanut naapertuuttumik. Naalakkersuisoqarfiup aalajangersakkani attuumassuteqartuni oqaasertaliornerit taakkununngalu oqaaseqaataasut aalajangiusimavai. Inatsisinut allanut attuumassuteqarfiit Inatsisartut inatsisaannut ilitsersuummi sukumiinerusumik nassuaatigineqassapput. Taamatuttaaq aamma naalakkersuisoqarfiup naleqqussoraa pisinnaanikillisimanerup qanoq issusia annertussusialu eqqarsaatigalugit tamakku Inatsisartut inatsisaannut ilitsersuummi sukumiinerusumik nassuaatigineqassasut.

"Kommuninut aningaasaqarnikkut kingunerisinnaasai
Kommuneqarfik Sermersuumit maluginiarneqarpoq, inatsit aqqutigalugu suliassaqarfintti arlalinni kummunit akisussaaffii aamma suliassaat annertunerulissasut. Taamaattumik ataatsimoortumik tapiissutit isumaqatigiinniutigineqarnerannut atasumik kommuninut aningaasat amerlanerit tunniunneqarnissaat pisariaqassasoq.

Tusarniaanerup atuutilersinerullu akornanni piffissarititaasoq amerlasuutigut sivikippallaartarpoq (ukioq ataasiunngitsorluunniit), taamaalilluni tamanut tapiissutit isumaqatigiinniutigineqarnissaat kommunimilu missingersuutit eqqortumik inissinnissaat ajornakusoopoq. Taamaattumik aningaasatigut kingunerisassat eqqarsaatigalugit inatsisip suliareqqaarnissaa pingaaruteqarluinnarpoq. Suliassat aningaasaqarnerullu ataqtigiinnerisa

isummerfiginissaannut aningaasatigut kingunerisassat aalajangiisuulluinnartarput, aammali suliassap Naalakkersuisunit qanoq pingaartinneqartigneranik paasinarsitsitsisarpoq.

Inatsisisstatut siunnersuummi oqaaseqaatini immikkoortumi "Pisortanut aningaasaqarnikkut allaffissornikkullu kinguniusussat" kommunimit amigaateqartutut aamma naammanngitsutut isigineqarput allaffissornikkut aamma aningaasaqarnikkut kingunerisassat eqqarsaatigalugit. Erseqqinngilaq, qanoq ililluni immikkoortumi taggissinerit anguneqarsimanersut. Taamaattoq siusinnerusukkut inatsisisstatut siunnersuummit nassiussamit immikkoortumi ilassuteqartoqarsimanera pitsaasumik isigineqartariaqarpoq. Taamaattoq kommunit akornanni agguataarineq qanoq ittoq tunngavigineqassasoq suli erseqqinngilaq.

Naatsorsuinernik amigaateqarnerata imaluunniit aningaasanik naammattunik illuartitsisoqarsimannginnerata saniatigut, suliassaqarfiup ineriantornera eqqarsaatigineqarsimanngilartaaq. Aningaasat amerlassusaat siumut naatsorsorneqarneranik ingerlatsisoqarsimanngilaq, innuttaasunut piginnaanikillisimasunut aningaasartuutit qaffakkiartortut takuneqaraluartoq. Kommuneqarfik Sermersuup siunertanut meeqqanut innarluutilinnut aamma inersimasunut innarluutilinnut taamaallaat tunngassuteqartunut aningaasartuutai 2019-imit 2023-mut 42 %-imik qaffariaateqarput. Tassunga ilanngullugit sullissinermut, sungiusarnermut aamma iluaquersuutinut aningaasartuutit amerlieriarnerat kiisalu atuarfimmi aamma ulluunerani neqeroorutini suliassanut nalinginnaasunut aningaasartuutit amerleriaataat."

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Ullup atortuulersitsinissap 1. januar 2026-mut allanngortinneqarnissaa siunnersuutigineqarpoq, siunnersuutip atortuulersinneqarnissaata piareersarnissaanut piffissaqarluarnerussammatt. Piareersagassanut ilaatigut ilaapput sulianik suliariinnittartunut suliaqarfikkuutaartunullu attuumassuteqartunut allanut aqqutissiuussinermi pikkorissaanermilu atortussat, kommunit ataatsimoorussassaannik sulianik suliariinnittariaatsinut aaqqissuussamik digitaliusumik ineriantortitsineq, pikkorissartitsinerit il.il.

Innarluuteqartunut suliassaqarfimmi kommunit aningaasartuutaasa qaffassimaneri, siunnersuutip matuma avataaniittut, pillugit sukumiinerusumik eqqartuineq ataatsimoortumik tapiissutit pillugit isumaqatiginninniarnerit ataani inissisimavoq. Siunnersuutip matumap aningaasaqarnikkut kingunerisassai siunnersuummut oqaaseqaatini nalinginnaasuni allassimapput.

"Oqaaseqaatini matuma ataani allassimasuni Kommuneqarfik Sermersuumut aningaasaqarnikkut kingunerisassatut ilimagineqartut kisiisa pineqarput.

- Tapersorsorneqarnissamut periarfissat amerlinerat - Kommuneqarfik Sermersuup naliliinera naapertorlugu, immikkoortumut aningaasatigut kingunerisassai

malunnaatiilimmik ikinaarlugit missiliuunneqarput. Kommunimit oqaaseqaatini sipaarutaasussaq 1 mio kr.-inik missiliuussineq ilisarineqarsinnaanngilaq. Eqimattakkutaanik tapersersuineq inuit ataasiakkaat tapersersorneqarnerannik pisariaqartitsinerlik annikillisitsissappat aamma sipaarutissanik amerlanernik kinguneqartitsissappat tamanna ukiuni arlalinni sivisussuseqassaaq, aamma sipaarutaasoq suliassaqarfimmi aningaasartuutinut qaffakkiartortunut atorlugit nungunneqareersimassapput.

Kommuneqarfik Sermersuumit nalilerneqarpoq, tapersersuinermut periarfissat nutaat kommuninut ataasiakkaanut tamanut aningaasartuutit millionit koruuninik arlalinnik qaffannerannik nassataqassasoq. § 65-imi eqimattakkutaanik ikorsiineq tapersersuinerlu aamma § 66-imi inunnik ataasiakkaanik perorsaanermik tunngaveqarluni tapersersuineq Kommuneqarfik Sermersuumut 1 mio.kr.-it missaannik akeqassasoq naatsorsuutigisariaqarpoq. (Sulisut 1 ½ kiisalu ineqarnermut aningaasartuutit)."

Naalakkersuisoqarfíup oqartussap akissutaa:

Tusaatissatut tiguneqarput taamaattorli siunnersuutip aningaasaqarnikkut kingunerisinnaasaasa allangortinnissaannut pissutissaqalersitsinngillat.

"• Qanigisaasumik paarsineq – Kommuneqarfik Sermersuumit naliliineq ilisarineqarsinnaanngilaq, kommunimut aningaasartuutinik nassataqarnavianngitsoq. Tassunga apeqqutaassaaq, Naalakkersuisunit akigitat qanoq ittut qanigisaasunut akissarsiassarititaasussatut aalajangerneqassanersut. Kommunimut ersernerluttoq tassaavoq "tapersersuinertut periarfissanut amerlanerusunut" oqaaseqaatini aningaasanik illuartitsisoqarmat uunga "nammineq angerlarsimaffimmi najugaqarnermut tapersersorneqarneq", suliniutitut nutaatut, "nammineq angerlarsimaffimmi najugaqarnermut tapersersorneqarneq" ilassutitut tusarniaanermi ilanngunneqarsimannginnea pissutigalugu, kisianni §§ 59 - 61-imi "qanigisaasumik paarsineq" pillugu ikorsiisummut atassuteqartinnejnarera pissutigalugu."

Naalakkersuisoqarfíup oqartussap akissutaa:

Tusaatissatut tiguneqarput. Oqaaseqaatit §§ 59-61 naapertorlugit "qanigisaasumik paarsineq"-mut naleqqussarneqarput.

"• Tikeraarluni angalanerit - Kommuneqarfik Sermersooq piffissami matumani innuttaasunik 47-nik ulloq unnuarlu neqeroorutini Kalaallit Nunaanni Isumaginninnerlik Aqutsisoqarfíup ataaniittuni inissinneqarsimasuuteqarpoq, innuttaasut 37-t allat Danmarkimi ulloq unnuarlu neqeroorutini inissinneqarsimasuullutik. Innuttaasut Kalaallit Nunaanni inissinneqarsimasut affaat ukiuni 10 amerlanerniluunniit inissinneqarsimasuupput, taakkuningga innuttaasut 60 %-ii Danmarkimi ukiuni 10-nit amerlanernik inissinneqarsimasuupput. Kommuneqarfik Sermersuumit naatsorsuutigineqarpoq aningaasartuutit naatsorsorneqassasut aamma paasissutissat piusut tunngavigalugit kommunit akornanni agguataarneqassasut. Kommuneqarfik Sermersuumit misigineqarpoq

angerlarsimaffiup avataanut inissinnerit amerlanerusut aamma tikeraarluni angalanerit piumaneqartut amerlisut. Taamaattumik ukiuni missingersuusiorfiusuni siunissamilu aningaasat amerlassusiat qaffanneqartariaqarpoq.”

Naalakkersuisoqarfíup oqartussap akissutaa:

Tusaatissatut tiguneqarput. innuttaasut innarluuteqartut angerlarsimaffeqarfíup avataanut inissinneqarsimasut tamarmik ukiumut 1-iarlutik sullitat tikeraarsinnaatitaanerannut aningaasartuutit amerlinerisa naatsorsornerat Isumaginninnermut Aqutsisoqarfíimi nalunaarsugaatinik tatiginartunik tunngaveqarpoq.

”• Siusissukkut iliuuseqarnermut kommunip aningaasartuuteqarnerulernera – Siusissukkut iliuuseqarnermut aningaasartuutit oqaaseqaatinut ilanngunneqarnerat pitsaasuovoq. § 13-imi siusissukkut iliuuseqarnermut suliniutit siammarneqarput aamma piffissami matumani ilaatinneqarpoq "siunnersuinerup taassuma kikkunnnulluunniit neqeroorutigineqarnissaanik" pisussaaffik. Siammaataasoq imartoqaaq tamanna kommunimut aningaasartuutinik kinguneqassaaq. Kommuneqarfik Sermersuumut aningaasartuutit amerlissutaattut ukiumut 2 - 3 mio.kr.-iunissaat missiliutigineqassaaq.”

Naalakkersuisoqarfíup oqartussap akissutaa:

Tusaatissatut tiguneqarput taamaattorli aningaasartuutit amerlinissaannut missiliuutaasut allanngortinnissaannut pissutissaqalersitsinngillat.

”• Inatsimmut atasumik allaffisornermi kommunip aningaasartuuteqarnerunera - Suli erseqqissinngilaq missiliuussinermi suut ilanngunneqassanersut. Sullissinermi piumasaqaatit annertusisat atulersinnejnarneranni aningaasartuutit ilassutissaat, taakkununnga ilanngullugit sullissinermi piffissaliussat arlallit eqqarsaatigalugit kommunimit missiliunneqarpoq. Kommuneqarfik Sermersuumuinnaq ukiunik marlunnik sulisinnaassutsip nalinganut aningaasartuuteqarnerunermik nassataqassasut.”

Naalakkersuisoqarfíup oqartussap akissutaa:

Tusaatissatut tiguneqarput taamaattorli aningaasartuutit amerlinissaannut missiliuutaasut allanngortinnissaannut pissutissaqalersitsinngillat.

”• Pisortat IT-mik ataatsimoorussamik aqutissutaat nutaaq - Aningaasanut inatsimmi aningaasanik illuartitsisoqartoq atuarneqarsinnaavoq. Aningaasat ilaat taakkua kommuninut aaqqissuussamik atulersitsinerpiamut atugassanngorlugit tunniunneqassanersut erseqqinngilaq, imaluunniit aaqqissuussamik ineriartortsinermut aamma atuartitsinermut aningaasartuutit kisimik pineqarnersut. Aaqqissuussaq ulloq 1/7-26 ingerlatsilissaq, 2025-mut 1,5 mio.-nit illuartinnejnarput, 2026-mi 3 mio.-it, aamma 2027-mi 2,5 mio. Ineriartortsinermut, ilinniartitsinermut aamma atulersitsinermut aningaasatigut nammatassaq annerpaaq 2025 aamma 2026-miinnginnersoq eqqarsaatigineqarsinnaavoq, paarlattuanik

2027-mi aningaasartuutit killeqarnerusut kukkunernik iluarsiernut piginnaasanillu iluarsartuussinermut atorneqassallutik.”

Naalakkersuisoqarfíup oqartussap akissutaa:

Tusaatissatut tiguneqarput taamaattorli aningaasartuutit amerlinissaannut ukiumut missiliutaasut allanngortinnissaannut pissutissaqalersitsinngillat.

”Taakkua saniatigut suliassat ilanngunneqartussat arlaqarput, immikkoortumi aningaasaqarnikkut kingunerisassani ilanngunneqarsimannngitsut, uku ilanngullugit:

- Neqeroorutaaggallartumik pilersitsineq § 21 – Kommuneqarfik Sermersuumit naatsorsuutigineqarpoq suliniut kommunimut ukiumut 2 - 2,6 mio. koruuninik aningaasartuutaanerussasoq, inuup ataatsip neqeroorutaa piffissami aalajangersagaasimannngitsumi pineqarmat. Innuttaasunut Isumaginninnermut Aqutsisoqarfimmit neqeroorummik utaqqisunut neqeroorutinik utaqqiisaasumik pilersitsisarnerit ataasiakkaat tamarmik Kommuneqarfik Sermersuumit misilittagarineqarput, kommunimut ukiumut 1 - 1,5 mio. koruuninik akeqartartut. Isumaginninnermut Aqutsisoqarfik neqeroorutinik amerlanernik pilersitsinngippat, aamma sullinniarneqartut amerliartuinnarnerat taamaaginnarpat aningaasat nalingat ukiut ingerlaneranni qaffakkiartuinnassaaq.”

Naalakkersuisoqarfíup oqartussap akissutaa:

Ilanngunneqanngilaq. Aalajangersakkami erseqqissarneqarpoq inummut innarluutilimmuit qitiusumik innersuussisarfik aqqutigalugu ulloq unnuarlu neqeroorummi inissamik utaqqisumut inissiiviugallartussamik pissarsinissamik communalbestyrelse pisussaaffeqartoq. Aaqqiissutaaggallartoq immaqa tassaasinnaavoq ikiorssiissutaasut amerlillugit angerlarsimaffimi inissisimagallarneq. Inunnut pineqartunut suliani tamani inummut innarluuteqartumut pisariaqartinneqartut tulluartumik qanoq aaqqiivigallassanerlugit naliliinerussaaq inummut pineqartumut piviusorsiortoq.

Naalakkersuisoqarfíup nalilerpaa aalajangersagaq aningaasaqarnikkut kinguneqartitsissangitsoq aalajangersakkami sulisaaseq atuuttoq erseqqissarneqarmat.

- ”• STU-mik eqqussineq § 37 – Kommuneqarfik Sermersuup STU-miititsisarnnernik misilittagai tunngavigalugit piffissami matumani kommunimut ukiumut 2,2 mio.koruunit missaannik aningaasartuutaanerussaaq, immikkut ittumik inissiinnermut neqeroorut eqqarsaatigalugit. Aningaasat amerlassusiat ukiut ingerlaneranni qaffakkiartussasoq naatsorsuutigineqarpoq, sullinniarneqartut amerliartornerat pissutigalugu.”

Naalakkersuisoqarfíup oqartussap akissutaa:

STU § 37-mi taaneqanngilaq. § 37 tassaammat inatsisitigut aalajangersakkap atuuttup ingerlateqqinnera § 37 kommuninut aningaasartuutit amerlinerinut kinguneqassanngilaq.

Aningaasaqarnikkut kingunerisat siusinnerusukkut kommuninut ataatsimoortumik tapiissutinut pisinneqareerput, kingullermik 2011-mi innarluutilinnik isumaginninnerup tunniunneqarnerani.

”• Isumaginninnermut Aqutsisoqarfíup neqeroorutaanut akigititanik aalajangiussinermi allannguutit §§ 94 - 97 - Kommuneqarfík Sermersuumit nalileruminaatsinneqarpoq, allannguinerup nassataanik aningaasartuutit qanoq amerlatiginissaat, kisianni oqaatigineqarsinnaavoq aningaasartuutit appasissumiitinnissaannut tunngavissat tammariaartussasut kommunit isumaqatigiinniarerni ilaatinneqartangippata. Kommuneqarfík Sermersuumit Kalaallit Nunaata iluani avataanilu angalanernut akiligassap nassiuteqqinnejnarneranut periarfíssamik inatsisiliortoqarnera naapertuussorineqanngilluinnarpoq. Sullissinermi qaffasissuseq, kommunip aamma innuttaasut nalinginnaasut amerlasoorpassuit akilersinnaasaannit qaffasinnerujussuuvoq. Kommuneqarfík Sermersuumit naatsorsuutigineqarpoq, immikkoortoq taanna ima appartinnejartigissasoq nunap najukkap ungasinngisaani aalisariartoqarsinnaaneranik imalluunniit illuaqqami tammaarsimaartoqarsinnaaneranik tunngassuteqarluni.”

Naalakkersuisoqarfíup oqartussap akissutaa:

Soorlu § 97, imm. 2-mut oqaaseqaatini allassimasoq ukioq sioqqullugu akigitinneqartunut aalajangersaanissaq Naalakkersuisut communalbestyrelsillu suleqatigiinneranni piareersarneqassaaq.

§ 97-imut oqaaseqaatini takuneqarsinnaavoq §§ 77-78 aamma 80 naapertorlugit sullitat tikeraartarnerat pineqartoq. T.i. angalanerit kommuninut ataatsimoortumik tapiissutitigut kommuninut tapiissutigineqareersut, minillugilli - siunnersuut manna aqqutigalugu - inersimasut angerlarsimaffeqarfíup avataanut inissinneqarsimasut tamarmik ukiumut 1-arlutik angerlarsimaffeqarfímmut tikeraarnissamut pisinnaatitaaffeqalernermikkut aningaasaqarnikkut kingunerisassai. Aningaasartuuteqarnerulerterit taakku Inatsisartut inatsissaattut siunnersuutip matumap akuerineqarneranut atatillugu kommuninut ataatsimoortumik tapiissutaannut pisinneqassapput.

”• Siunnersuineq aamma aqqutissiuussineq § 11 – kommune oqaloqatiginninnernik katsorsaataasunik tunniussisarnissaanut siunertaq qanoq annertutigisoq pineqarnersoq Kommuneqarfík Sermersuumit erseqqinngitsutut isigineqarpoq. Aningaasartuutit qaffasissusaanut qanoq ujartuisoqartiginera aamma oqaloqatiginninnernik katsorsaataasunik qanoq ingerlatsisoqartassanera apeqqutaassaaq. Ujartorneqarnera qaffakkiartussasoq naatsorsuutigineqarpoq, piffissami matumani tarnimikkut napparsimasut nakorsiartarfiannit neqeroorummik allaanerusumik amigaateqarnera pissutigalugu. Taamaattumik sunut tamanut aningaasartuutit 450.000-nit 3.000.000 kr.-nut naatsorsuutigineqartariaqarput. ”

Naalakkersuisoqarfíup oqartussap akissutaa:

Ilanngunneqanngilaq.

*Soorlu siunnersuummi § 11-imut oqaaseqaatit naapertorlugit kingunera imaassaaq:
"Siunnersuinermi ulluinnarni aporfissat inuup innarluutillip atugarilersimasai
qaangerniarnissaannut ataasiakkaat periarfissaasa pitsanngortinnissaat
siunertarineqarpoq." "Pineqartoq tassaavoq Inuit innarluutillit tapersorsorneqarnissaannut
Inatsisartut inatsisaanni atuuttumi aalajangersakkap pioreersup, § 37-p, ingerlateqqinna,
tamannalu pissutigalugu siunnersuut manna kommuninut aningaasartuuteqarnerulernermik
kinguneqassanngilaq. Tamatuma saniatigut kommunalbestyrelse naleqquttumik
siunnersorneqarumalluni aamma ilitsorsorneqarumalluni Pissassarfimmut
saaffiginnissinnaavoq.*

”• Kinguaassiuutitigut atornerluinermik pinaveersaartitsineq §§ 93 –
Kommuneqarfik Sermersuumit suliniutip atuutsinneqarneranik ingerlatsisoqareeropoq.
Kommune naliliivoq, atuutsitsineq sinneruttoq 40 % 200.000 kr-it missaannik akeqassasoq.
Taakkua saniatigut suliniut kommunimut ukiumoortumik 150.000 - 250.000 kr.-inik
siunnersuinermut aqqutissiuussinermullu aningaasartuuteqarnerunermik nassataqassaaq.”

Naalakkersuisoqarfiup oqartussap akissutaa:

*Ilanngunneqanngilaq. Ulloq unnuarlu neqeroorutit § 33-mut ilaammata sulisaatsimi ulloq
unnuarlu neqeroorutinut atortussat aamma ilisimasanik paassisutissiineq Isumaginninnermut
Aqutsisoqarfiup isumagisassaraa. Atortussat aamma ilisimasanik paassisutissiineq tulliuttut
Isumaginninnermut Aqutsisoqarfiup kommuninut siunnersinerannut ilaassapput.*

”• Napparsimasoqarneranut toqusooqarneranullu atasumik angalanerit -
pisinnaatitaaffimmut tassunga tunngasumik missiliutit amigaataapput.”

Naalakkersuisoqarfiup oqartussap akissutaa:

*Ilanngunneqanngilaq. Napparsimanermut toqusooorsimanermullu atatillugu angalanernut
atugassat siusinnerusukkut kommuninut tunniunneqarsimapput.*

”• Suliniuteqartoqareernerani malinnaaviginninneq § 70 - 72 –
Suliniuteqareerneremi malinnaaviginninneq aallartisarneremi aningaasartuuteqarnerunermik
nassataqassasoq Kommuneqarfik Sermersuumit nalilerneqarpoq, ungasinnerusumili
oqimaaqtigitiqalissasoq, innuttaasoq pitsaanerusunik piginnaaneqalerpat aamma nammineq
ikiorsinnaanerulerpat.”

Naalakkersuisoqarfiup oqartussap akissutaa:

*Ilanngunneqanngilaq. Kommunit Innarluutillit pillugit Inatsisartut Inatsisaat maanna
atuuttoq § 26-at naapertorlugu meeqpap innarluutillip, Inatsisartut inatsisaat manna
malillugu tapersiivigineqartup, 18-inik ukioqalernissaa kingusinnerpaamik qaammatinik 12-
inik sioqqullugu iliuusissanut pilersaarusrifigisussaavaa.*

”Oqaaseqaatini allaffisornermi kingunerisassat killilimmik isiginiarneqartut Kommuneqarfik Sermersuumit maluginiarneqarpoq, aningaasatigut kingunerisassat saniatigut, tassunga ilaatigut journalimut pilersaarut aamma kontomut pilersaarummut tunngatillugu kinguniusussat. Kontomut pilersaarutip aaqqissuussaanera paassisutissat sorliit aningaasaqarneq pillugu kisitseqqissaarnermi atorneqarsinnaaneranut isumaqarpoq.”

”Aalajangersakkanut ataasiakkaanut nassuiaatit

Kapitali 1: Siunertaq, nassuiaatit, sullinniakkat aamma najukkamut tapersorsorneqarsinnaanermut pisinnaatitaaffik

Siunertaq

§ 1, imm. 2-mi allassimavoq siunertaq "...qulakkeerinnejataassaaq, inuit ataasiakkaat maannamut piginnaassutsiminnik attassiinnarsinnaaneranut...". Kommuneqarfik Sermersuumit tassunga atasumik malugineqarpoq, piffissami matumani piginnaasaqassutsip qaffasissusia qulakkeerneqarsinnaanngitsoq. Taamaattumik siunnersuutigineqarpoq oqaaseq "qulakkeerineq" "ikorfartorneqarnera-nik" taarserneqassasoq. Oqaaseqatigiit imaalillugit allanngortinneqarsinnaagaluarput "Siunertaq aamma imaappoq, inuit ataasiakkaat maannamut piginnaassutsiminnik attassiinnarsinnaanerannut imaluunniit maannamut piginnaassusiisa amikilliartornerisa minnerpaaffissaaniitinnerat...".

Naalakkersuisoqarfiup oqartussap akissutaa:

Ilannngunneqarpoq. Oqaaseq "qulakkeerineq" peerneqarpoq taarsiullugulu "ikorfartorneqarnera" ikkunneqarluni.

§ 1, imm. 2, nr. 2 pillugu kommunimit siunnersuutigineqarpoq, "inuit ataasiakkaat ajornartorsiutaat" allanngortinneqassasoq imaalillugu "inuup unamminartitai".

§ 1, imm. 2, nr. 3 pillugu kommunimit siunnersuutigineqarpoq, "immaqa" peerneqassasoq uniffimmik taarserneqarluni, suliniut inuup ataatsip nammineq nukissaminik attassiinnarnissaanut ikorfartuisussaanerat taamatullu nammineersinnaassutsimi annerulernissaanut siuarsaanermut ikorfartuisussaanerat pissutigalugit."

Naalakkersuisoqarfiup oqartussap akissutaa:

Imm. 2, nr. 2-mut: oqaaseq "ajornartorsiutaat" peerlugu "unamminartitai"-nik taarserneqarpoq.

Imm. 2, nr. 3-mut: oqaaseq "immaqa" peerlugu ", "-mik taarserneqarpoq.

Nassuiaatit

§ 2, nr. 2-mi kommunimit siunnersuutigineqarpoq, "perorsaasoq immikkut ilinniagalik" allanngortinnejassasoq "perorsaasoq" § 12, imm. 1-imí oqaaseqaatini nassuaat atorneqartoq naapertorlugu.

§ 2, nr. 3 najugaqarfittut neqeroorut nassuiarneqarpoq tassaasoq "Neqeroorut, taassuma imarai najugaqatigiiffiit, najugaqarfiiit illersukkat aamma ulloq unnuarlu neqeroorutit".

Kommuneqarfik Sermersuumit siunnersuutigineqarpoq najugaqatigiiffiit aamma najugaqarfiiit illersukkat ulloq unnuarlu neqeroorutinit immikkoortinnejassasut, najugaqatigiiffiit aamma najugaqarfiiit illersukkat innuttaasunit namminernit angerlarsimaffigineqarmata, kisianni ulloq unnuarlu neqeroorut innuttaasup namminerisamik angerlarsimaffigingimmag, aamma taamaattumik pissutsit ilaanni taakkununnga malittarisassat assigiinngitsuuusarput.

Tassunga atasumik Kommunimit malugineqarpoq, utoqqaat angerlarsimaffii taaguummi "najugaqarfittut neqeroorutit" ilaanngitsut, aamma taanna utoqqaat innarluutillit pillugit ilisimaalarugu immikkut killiliussinertut paasisariaqartoq. Eqqumiiginarporli utoqqarnut najugaqarfittut neqeroorutit inatsisinut ilaannginnerat, sammisani amerlasuuni allani najugaqartut ilaatinneqarmata. Ilanngullugu erseqqissaatigineqarpoq, utoqqaat tapersorsorneqarnissaannut inatsisissatut siunnersuummi taaguut "inunnut utoqqalisunut najugaqarfittut neqeroorut" atorneqarmat "utoqqarnik paaqqutarinnifik" pinagu".

Naalakkersuisoqarfíup oqartussap akissutaa:

Ilanngunneqanngilaq. Ulloq unnuarlu neqeroorut tassaavoq innuttaasup angerlarsimaffia.
§ 28-mut oqaaseqaatini oqaatigineqarpoq: "Ulloq unnuarlu neqeroorut najugaqariaasiuvoq inunnut malunnartumik timikkut tarnikkulluunniit pisinnaasakinnerulerneq pissutaalluni ulluinnarni suliassanut, paaqqutaqarnissanut, isumassuinissanut imaluunniit suliaritinnissanut annertuumik ikiorneqarnissamik pisariaqartitsisunut aammalu pisariaqartitanik tamakkuningga allatut ikiorneqarsinnaanngitsunut sivisuumik najugaqarnissamut tulluartuusoq."

"§ 2, nr. 7-imí kinguaassiuutitigut atornerluinermut nassuaat inunnik innarluutilinnik ataasiakkaanik namminneq kajumissutsiminnik atoqateqarsinnaanerannik mattussisoq kommunimit isumaqarfigineqarpoq. Malugineqarpoq, nassuaat Danmarkimi Social- og Boligstyrelsenip atugaanut assingusoq. Paarlattuanik nassuaat tulliuttoq siunnersuutigineqartariaqarpoq: "Inuk pineqartoq akuersiseqqaartinnagu kinguaassiornermut tunngasumik attaveqarneq imaluunniit pissusilersorneq kissaatigineqanngitsoq qanorluunniit ittoq"."

Naalakkersuisoqarfíup oqartussap akissutaa:

Ilanngunneqanngilaq. Oqaasertaliorneri eqqortuusutut isigineqarput taamaammallu aalajangiusimaneqarlutik.

”Kommunimit aamma kissaatigineqarpoq nalunaarfiginnittussaatitaanerup nassuiarneqarnera inatsimmi imaluunniit oqaaseqaatini ilanngunneqassasoq. Tassunga kommunip oqaaseqaataa § 53-imi takuuk.”

Naalakkersuisoqarfíup oqartussap akissutaa:

Ilanngunneqanngilaq. Nalunaarfiginnittussaatitaanerup nassuiarneqarnera §§ 50 – 51-imi allassimavoq.

”Ineqarnermi tapersorsorneqarnissamut pisinnaatitaaffik
Innuttaasoq sapinngisamik inissiami innuttaasup toqqarsimasamini najugaqarneranut
kommune ikorfartuinermik ikorsiissuteqartoq Kommuneqarfik Sermersuumit § 5-imi
malugineqarpoq. Inissiatut neqeroorutinik amerlanernik pilersitsiniarnermut
tunngassuteqanngilaq, kisianni ikorfartuinermut tunngassuteqarpoq, innuttaasup nammineq
angerlarsimaffiminiissinnaaneranut inissiamut allanngortiterinerit aamma iluaquusersuutit
eqqarsaatigalugit. Kommunimit innersuussutigineqarpoq, oqaaseqaatit erseqqissarneqassasut,
nammineq kissaatigisatut inigisamik toqqaasinnaanermut pisinnaatitaaffik nammineq
inigisamut tunngassuteqarmat aamma najugaqarfittut neqeroorutit pineqannginnerat,
tassungalu suliamik ingerlatsisup tamakkiisumik isiginnittaaseqarluni naliliinera
tunngavigineqarpoq.

§ 5, imm. 2 pillugu kommune siunnersuuteqarpoq, ”aaqqissuussinerit naapertuuttut atorlugit periarfissaappat” ilanngunneqassasoq, taamaaliornikkut inoqarfimmi najukkami pissutsit naapertorlugit ikorsiissutinik suliaqartoqarsinnaanera periarfissanngoqqullugu.”

Naalakkersuisoqarfíup oqartussap akissutaa:

Ilanngunneqanngilaq. § 5, imm. 2-mut oqaaseqaatini ima allassimavoq: "Aalajangersakkap kingunerissavaa inuk innarluuteqartoq sapinngisaq tamaat naapertorlugu najugaqarfissatut neqeroorummumut inunnut innarluuteqartunut siunnerfeqartumut inissinneqarnissaa neqeroorutigineqassasoq, assersuutigalugulu paaqqutariasariallit angerlarsimaffiannut pinnagu." Inuumukua innarluuteqartup pisariaqartitai tapersersuinissamut aallaavagineqartussaasut, tamakku najugaqaqatigiiffimmi, najugaqarfimmi illersugaasumi imaluunniit ulloq unnuarlu neqeroorummi isumagineqarsinnaanersut apeqqutaatinnagu.

”Kapitali 2: Naalakkersuisut akisussaaffiisa aamma piginnaasaasa agguartarnerat

Inissat pisariaqartut amerlassusiat

Kommuneqarfik Sermersuumit kissaatigineqarpoq qanoq ililluni § 7, § 21-mut attuumassuteqartillugu paasineqassanersoq ilisimatitsissutigineqaqqullugu, kommunip neqeroorummik utaqqiisaasumik pilersitsinissamut pisussaaffeqlerneranut tunngasoq. § 21 eqqarsaatigalugu suna utaqqiisaagallartuunersoq erseqqinngilaq aamma kommunimit

ernumanartuutinneqarpoq, taassuma ulloq unnuarlu neqeroorutitut inissanik pisariaqartunik pilersitsisoqannginnissaanut pissutaasinnaanera. § 21-mut oqaaseqaatit allat takukkit.

Kommuneqarfik Sermersuumit siunnersuutigineqarpoq utaqqisut allattorsimaffianniittut eqqarsaatigalugit ulloq unnuarlu neqeroorutini inissanik pilersitsisoqarnissaanut piffissaliisoqassasoq. Kommunit pisussaaffilerneqarsinnaapput najugaqatigiiffimmik imaluunniit najugaqarfimmi illersugaasumik pilersitseqqullugit, marlunnik utaqqisut allattorsimaffianniittoqarpat.”

Naalakkersuisoqarfíup oqartussap akissutaa:

§ 7-imí allassimavoq Naalakkersuisut inunnut innarluutilinnut ulloq unnuarlu neqeroorutini inissat pisariaqartinneqartut pilersinneqarnissaat ingerlanneqarnissaallu pingarnertut akisussaaffigalugulu isumagissagaat. Kommunalbestyrelsip meeqqamut qitiusumik innersuussisarfik aqqutigalugu ulloq unnuarlu paaqqinnittarfimmi inissamik utaqqisumut aaqqiissutaagallartussamik nassaarnissaminut pisussaaffilernera siunnersuummi § 21-mi erseqqissarneqarpoq. Isumaginninnermut Aqutsisoqarfik aaqqiigallarnermi meeqqap piaarnerpaamik ulloq unnuarlu paaqqinnittarfimmi meeqqap pisariaqartitaanut naapertuuttumi inissamik tunineqarnissaanik qulakkeerinnituassaaq. Kommunalbestyrelsip innarluutilimmik inissiigallarnerani innarluutillip pisariaqartitai kissaataalu isiginiarneqassapput. Inuup pineqartup najugaqarfíata eqqaani aaqqiissutaagallartussamik nassaarmiartoqassaaq, tamakkulu immikkut pisariaqartitanut innarluutillip atugarisinnaasaanut naammassinnissinnaassapput.

Naalakkersuisut sinnerlugit Isumaginninnermut Aqutsisoqarfik kvartalimut ataasiarluni kommunalbestyrelsímut ilisimatitsisariaqarpoq qaqugu ulloq unnuarlu neqeroorummi inissamik naapertuuttumik tunniussisoqarsinnaanera naatsorsuutigineqarsinnaanersoq”. Ilanngullugulu inummut innarluutilimmut inissiiviugallartumiittumut tapersersuinissamut iliussissat pillugit kommunalbestyrelsi Naalakkersuisunut Isumaginninnermut Aqutsisoqarfik aqqutigalugu ilisimatitsisariaqarpoq.

Aaqqiissutaagallartoq immaqa tassaasinnaavoq ikiorssiissutaasut amerlillugit angerlarsimaffimmi immikkut ineqartinneqarluni inissisimagallarneq. Inunnut pineqartunut suliani tamani inummut innarluuteqartumut pisariaqartinneqartut tulluartumik qanoq aaqqiivigigallassanerlugit naliliinerussaaq inummut pineqartumut piviusorsiortoq.

”Pissassarfík

Siunnersuummi § 8-mut oqaaseqaatini kommuninut tunngatillugu suliassat assigiinngitsut Pissassarfiup ingerlassinnaasai allaaserineqarput, taakkua ataanni nr. 1, nr. 2 aamma § 8-mi nr. 6. Kommuneqarfik Sermersuumi qulaajaasoqarnissaa kissaatigineqarpoq, qanoq naliliisoqarnersoq, qaqugu Pissassarfiup suliassat suliarineqarsinnaasut ingerlattassanerai kommune ilisimasanik aamma suliamut tunngasumik nukissanik pisariaqartunik

peqartinnagu, aamma taamaattumik ikioqqulluni saaffiginnitsillugu. Kommunimit innersuussutigineqarpoq, suliassat suliarineqarsinnaasut allanngortinneqarsinnaasut suliassanut suliarineqartussanut.

§ 8, nr. 1 eqqarsaatigalugu, Kommuneqarfik Sermersuumit malugeqquneqarpoq, aalajangiisoqarnera pillugu kommune pisussaaffeqartoq naammagittaalliornissamut periarfissanik innuttaasunut paassisutissiissalluni. Kommunimit kissaatigineqarpoq, Pissassarfiup naammagittaalliuteqarnissamut periarfissanik aqquissiuussinissamut pisussaaffia kommunip pisussaaffianit sutigut allaanerunersoq erseqqissineqaqqullugu. Pissassarfik aamma kommune naammagittaalliuteqarnissamut periarfissanik siunnersuinissamut aqquissiuussinissamullu assigiissuni pisussaaffeqarpata, tamanna paragraffimi erseqqissarneqaqquneqarpoq.”

Naalakkersuisoqarfiup oqartussap akissutaa:

§ 8-mut naleqqussarlugu ilannguneqanngilaq Pissassarfiup suliassat isumagisassai aalajangersakkami allassimammata. § 8-mut oqaaseqaatit ima aaqqinnejassapput qularnarunnaarsillugu Pissassarfiup suliassat pisussaaffigigai.

Kommunit aalajangiigaannut atatillugu kommunit naammagittaalliornissamut ilitsersuinissamut nalinginnaasumik pisussaaffeqarput.

§ 8, imm. 1 pillugu, tassani pineqarpoq Pissassarfik innarluutilik aamma imaluunniit taassumap qanigisai naammagittaalliuuteqarnissaq pillugu saaffiginnippata, taava Pissassarfik tamanna pillugu siunnersuillunilu ilitsersuissaq.

"Kapitali 3: Kommunalbestyrelsip akisussaaffia aamma piginnaanernik agguataarineq

Siunnersuineq aqquissiuussinerlu

Kommuneqarfik Sermersuumit kissaatigineqarpoq katsorsaataasumik oqaloqateqarnerit siunertaat erseqqinnerusumik nassuiarneqassasoq.

Tassunga atasumik kommunimit siunnersuutigineqarpoq § 11, imm. 2, nr. 1-imut oqaaseqaatini "psykoterapeutimik oqaloqateqarneq" katsorsaataasumik oqaloqatigiinnerit allattorsimaffiannit peerneqassasoq, psykoterapeutitut ilinniagaq piginnaatitsissutitaqanngimmat imaluunniit taagutaanngimmat illersugaasoq.”

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Oqaaseqaatit ersarinnerulersinneqarput.

"Illersuisoqarnermik aaqqissuussineq

Illersuisoqarnerup nassuiarneqarnera § 2, nr. 2-mi erseqqinnerulermaat Kommuneqarfik Sermersuumit iluarisimaarneqarpoq. Taamaattoq kommunimit erseqqissaatigineqassaaq, illersuisup suliamut piginnaasaanut piumasaqaatit, tessunga ilanngullugu illersuisut

pikkorissarnerat, kommunimit naammassineqarsinnaanera piviusorsiuunngitsoq aamma maannangaaq illersuisunik pissarsiniartarnermut tunngavissaareersoq ajornartorsiutitalik suli ajornarnerulersinneqassasoq. . Kommunimit siunnersuutigineqarpoq, oqaaseqaatini ilanngunneqassasoq, illersuisoq atorfinitssinnejqarsinnaasoq illersuisutut pikkorissarsimanngitsoq, kisianni illersuisutut pikkorissarnermik ingerlatsissasoq pikkorissarneq neqeroorutigineqariarpal.

Kommunimit kissaatigineqarpoq § 12 oqaaseqaatinut ilanngunneqassasoq, illersuisutut atorfinitssarsiuunneqartunut qinnuteqartoq anngikkaluarpal, kommune qanoq iliussanersoq.

Illersuisut innuttaasut pisinnaatitaaffiinik qulakkeerinnittussaasut sulinerat, kommunimit akilerneqartarnerat kommunimit ajornakusoortutut isigineqarpoq. Suliassaq sulifeqarfimmit kiffaanngissuseqartumit ingerlanneqartariaqartoq kommunimit innersuussutigineqarpoq.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

”Siusissukkut iliuuseqarneq

Kommuneqarfik Sermersuumit malugineqarpoq, § 13 siusissukkut iliuuseqarneq ullumikkut kommunit neqeroorutaanit malunnaatilimmik annertusaanerusoq aamma kommuninut nukissanik aningaasaliissutinillu amerlanernik pisariaqartitsinermik nassataqassasoq.

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput. Aalajangersakkap aningaasaqarnikkut kingunerisassai siunnersuummut oqaaseqaatini nalinginnaasuni ilanngunneqarput.

§ 13 imm. 2 ilaqtariinnut siunnerfeqartumik siunnersuinertut sullinniakkat amerlipput imaalillugit ”... kikkulluunniit immikkut pissuteqartumik pisariaqartitsisinnaasutut naatsorsuutigineqartut”. Tamanna § 13-imut oqaaseqaatini itisilerneqarpoq imaalillugu, siunnersuineq aamma ingerlanneqartassasoq, naak ”tapersorsorneqarnernik allanik aallartitsisoqareeraluertoq imaluunniit aallartitsisoqartussaagaluartoq”. Ilaqtariinnut siunnerfeqartumik siunnersuineq inatsimmi kikkunnut ”tamanut” atuuttumi ilanngunneqartariaqartoq innarluutilinnut inatsimmut ilanngunnagu kommunimit siunnersuutigineqarpoq.

§ 13 imm. 4 nr. 4 allassimavoq ”Oqartussaaffeqarfíit allat inuup imaluunniit ilaqtariit ilungersunartorsiornernik pinaveersaartitsinermik siunertallit”. Kommunimit tikkuarneqarpoq, oqaasertaliorneq taanna siammasissorujussuusoq, pinaveersaartitsinermik suliniuit sullissinerisa pitsaussusisaannik inissinnissaannut ajornakusoortitsisut.

Aqqutissiuussineq atuutilersussaq aalajangersakkamik itisiliisariaqartoq kommunimit maluginiarneqarpoq, ajornannngippat killiliuussanik assersuuserlugu.”

Naalakkersuisoqarfíup oqartussap akissutaa:

Ilitsersuummi suliarineqartussami aalajangersagaq itisilerneqassaaq.

”Tapersersorneqarnermut periarfissat aamma najugaqarfittut neqeroorutit pisariaqartut § 15, imm. 4-mi pinasuartumik pisariaqartitsisoqartillugu nalunaaquuttap akunnerisa 48-t iluanni tapersersuinermik aallartitsisoqarnissaanut piffissaliussamik nutaamik ilanngussisoqartoq Kommuneqarfik Sermersuumit malugineqarpoq. Piffissaliussap kommunimit eqquutinnejqarsinnaanera piviusorsiortuunngilaq, pingaartumik pisuni suleqatissat arlallit peqataaffigisassaanni, ass. peqqinnissaqarfik. Siusinnerusukkut tusarniaatitsinermi pissutsit ilanngunneqartut Kommunimit eqquumiigineqarpoq, aalajangiinerup kingorna nalunaaquuttap akunnerisa 48-t iluanni tapersersuineq aallartinneqarnissaata peerneqarsimanera, § 15-imut oqaaseqaatini suli allassimammat. Kommunimit kissaatigineqarpoq, taassuma inatsimmi namminermi allassimanera ilannguteqqinnejqassasoq, kiisalu oqaaseqaatini nassuiardearluni, tapersersorneqarneq pinasuartoq qanoq paasineqassanersoq.”

Naalakkersuisoqarfíup oqartussap akissutaa:

Ilanngunneqanngilaq. § 15, imm. 4-mi allassimavoq: "Nukinginnartumik tapersersorneqarnissamik pisariaqartitsisoqartillugu tapersersuisoqarnissaa pillugu kommunalbestyrelse aalajangiissaaq, aalajangiinerullu kingorna nalunaaquuttap akunnerisa 48-t iluanni tamatuminnga aallartitsissalluni, matumanilu § 46 malillugu oqaloqateqarnerit ingerlannejqarsimanngikkaluarpataluunniit, § 17 malillugu qulaajaanissat suliarineqarsimanngikkaluarpataluunniit aamma § 47 malillugu iliuusissatut pilersaarut suliarineqarsimanngikkaluarpalluunniit imaluunniit tamakku naammassillugit suliarineqarsimanngikkaluarpataluunniit."

§ 15, imm. 4-mut oqaaseqaatini nukinginnartumik tapersersorneqarnissamik pisariaqartitsisut pillugit assersuuit tunniunneqarput.

”Qulaajaaneq

Kommuneqarfik Sermersuumit malugineqarpoq, § 18, imm. 2-mi paasiniaaqqissaarnermut piffissamik killissarititaasumik nutaamik inissiisoqartoq, taanna "inuup innarluutillip tapersersorneqarnissamik pisariaqartitsisinnanaanerata communalbestyrelsimit paasineqarnerata kingorna qaammatit 2 qaangiuksinnagit naammassineqarsimassaaq". Paasiniaaqqissaarneq sukkasumik pissarsiarineqartassasoq kommunimit isumaqataaffigineqarpoq, kisianni piffissaliuussaq piviusorsiunngitsutut isigineqarpoq, pingaartumik pissutigalugu paasiniaaqqissaarnermi nakorsamit uppernarsaatit pissarsiarineqartussaanerat aamma peqqinnissaqarfíup suleqatigineqartussaanera pissutigalugit, § 17, imm. 2, nr. 5 naapertorlugu.

Aammattaaq peqqinnissaqarfíup sullissineranut piffissaliuussamik inissiisoqartariaqarpoq, taamaaliornikkut kommunimit piffissaliussat taakkua eqquutsinnejarsinnaaqqullugit. Siunnersuutigineqarpoq peqqinnissaqarfík ullunik suliffinnik 3 piffissalerneqassasoq.

§ 18, imm. 2-mi allassimavoq "Paasiniaaqqissaarnermut atasumik allakkatigut aalajangiisoqassaaq inuup innarluutillip tapersorsorneqarnermik imaluunniit iluaqusersuutinik tunineqassappat...". Kommunimit kissaatigineqarpoq erseqqissarneqassasoq, allakkatigut aalajangiisoqartassanersoq ilanngullugu, inuk innarluutilik tapersorsorneqarnermik imaluunniit iluaqusersuutinik tunineqassanngippat imaluunniit oqaatsit atorlugit aalajangiisoqarsinnaanera pillugu.

Kommuneqarfík Sermersuumit malugineqarpoq, § 18 imm. 3 suliassanik pisariaqanngitsunik aamma allaffisornermik annermik nassataqassasoq. Kommunimi sullissinermi ombudsmandip ingerlatsinermi ileqqorissaarneq pillugu malittarisassai atorneqartarput, tassani atuarneqarsinnaavoq, qaammatit pingasut qaangiunneri tamaasa innuttaasoq suliaq qanoq ingerlanersoq pillugu ilisimatinneqartassasoq."

Naalakkersuisoqarfíup oqartussap akissutaa:

Ilaatigut naleqqussarlugu ilannguneqarpoq. Qaammatinut 2-nut piffissaliussaq qaammatinut 3-nut allangortinneqassaaq, taamaalinikkut taanna aamma Inatsisartut Ombudsmandiata innuttaasumut suliaq qanoq ingerlanersoq pillugu qaammatit pingasukkaarlugit ilisimatitsisarnissamik malittarisaa suleqatigiissinnaaniassammata.

Suliamit suliamut qulaajaanerup qanoq sivisutigisarnera assigiittarnavianngilaq. Qaammatinut 3-nut piffissaliussaq tassunga aalajangersarneqarpoq qulaajaanerup sapinngisamik piaarnerpaamik pinissaa qularnaarniarlugu. Qaammatinut 3-nut piffissaliussaq eqqortinneqanngippat kommunalbestyrelse imm. 3 naapertorlugu inuk innarluutilik tamanna pillugu allakkatigut ilisimatinneqassaaq, tassanilu qaqugukkut qulaajaanerup naammassinissaanut imaluunniit iliuusissatut pilersaarutip pigilernissaanut naatsorsuutigisatut ulluliineq taaneqassaaq.

Siunnersuummi matumani peqqinnissaqarfímmut piffissaliineq ajornarpoq.

§ 18, imm. 2 naapertorlugu aalajangiineq allakkatigut pissaaq, tapersorsuisoqarnissaa imaluunniit ikiutinik atortorissaaruseroqarnissaa imaluunniit itigartitsineq apeqqutaatinnagu.

"Kommunimit § 19 imm. 2 isumaqanngitsutut isigineqarpoq, § 8-mut oqaaseqaatit naapertorlugit Pissassarfík nammineq naliliisinnaammat, paasiniaaqqissaarnernik suliaqartoqarnerani kommunimit ikiutissanerluni. Kommunimit erseqqissumik paasineqarumavoq, suliaq pillugu kommunip ikioqquneranik qaqugukkut Pissassarfík

ilassinnissinnaanersoq, tassunga ilanngullugu suliap katitigaanera aamma kommunip suliamut nukissai eqqarsaatigalugit.”

Naalakkersuisoqarfíup oqartussap akissutaa:

*Ilanngunneqanngilaq. Qulaajaanermik ikorsiinissamut nassuaat sukumiinerusoq
Inatsisartut inatsisaata ilitsersuutaanut ilanngunneqassaaq.*

”Peqqinnissaqarfíup misissuinissaanut aamma katsorsaanissaanut innersuussineq Kommuneqarfik Sermersuumit tikkuarneqarpoq, § 20-mi oqaaseqatigiit kingunerannik oqaatsit aalajangiineq, tulleriaarineq aamma nalunaarutiginninneq imminnut akulerutsinneqarsinnaanerat. Kommunimit siunnersuutigineqarpoq oqaaseqatigiit allanngortinnejassasut, akulerutsinneqarsinnaanerannut aarlerinaataasoq millisikkumallugu.”

Naalakkersuisoqarfíup oqartussap akissutaa:

Ilanngunneqanngilaq. Oqaasertaliorneri eqqortuusutut isigineqarput taamaammallu aalajangiusimaneqarlutik.

”Utaqqiissaasumik inissiiffik

Kommuneqarfik Sermersuumit malugineqarpoq, § 28, naapertorlugu kommune ulloq unnuarlu neqeroorutinik ingerlatsinissamut inatsisitigut pisinnaatitaaffeqanngitsoq, kisianni najugaqatigiiffiit § 22 naapertorlugu aamma § 24 naapertorlugu najugaqarfiit illersugaasut. Taamaattumik kommunimit tupigisuutigineqarpoq, sooq § 21-mi kommune utaqqiissaasumik neqeroorummik innuttaasunut ulloq unnuarlu neqeroorummumt inissinneqartussatut akuerisaasimasunut aamma utaqqisut allattorsimaffianniittunut ingerlatsinnaanersoq (takuuk § 30-mut oqaaseqaat tassunga assingusoq). Kommune isumaqarpoq, utaqqiissaasumik inissiivinnut akisussaaneq Isumaginninnermut Aqtsisoqarfímmi inissisimasariaqartoq, tassani ulloq unnuarlu neqeroorummik ingerlatsinissamut misilittagaq pisariaqartoq pineqarmat. Taassuma saniatigut Isumaginninnermut Aqtsisoqarfik neqeroorutinik nutaanik pisariaqartitsinermut paassisutissanik pissutissanillu pisariaqartunik pissarsissaaq. Kommunit utaqqiissaasumik neqeroorutinik pilersitsissappata, taakkua ataatsimoortumik tapiissutit pillugit isumaqatigiinniarerni ilaassapput.

Kommuneqarfik Sermersuumit malugineqarpoq, § 21-mut oqaaseqaatini allassimasoq, ”Isumaginninnermut Aqtsisoqarfik kvartalimut ataasiarluni kommunalbestyrelsímut ilisimatitsisarsinnaavoq, qaqgu ulloq unnuarlu neqeroorummí inissamik naapertuuttumik tunniussisoqarsinnaanera naatsorsuutigineqarsinnaanersoq”. Kommunimit siunnersuutigineqarpoq, ”-sinnaavoq” allanngortinnejassasoq imaalillugu ”-saaq”, kiisalu paassisutissiinissamut pisussaaffik oqaaseqaatinit qummut inatsimmi § 21-mut nuunneqarluni, immaqa imm. 2-tut. Kommuneqarfik Sermersooq Ombudsmandimit qinnuigineqarpoq innuttaasut utaqqisut allattorsimaffianniittut ikinnerpaamik kvartalimut ataasiarlugit ilisimatineqartassasut, allannguuteqarpat allannguuteqanngikkaluarpelluunniit. Kommunimit

pisussaaffit naammassineqarsinnaanngillat Isumaginninnermut Aqutsisoqarfik kommunimut ilisimatitsinissaminik isumaginnissimatinnagu.

Aammattaaq Kommuneqarfik Sermersuumit kissaatigineqarpoq inatsimmi sukumiinerusumik erseqqissarneqaqqullugu, "utaqqiisaasoq" qanoq paasineqassanersoq aamma piffissamik killiliinermik aalajangiisoqassasoq. Taamaattumik piffissaq qaammatinut sisamanut killilik § 21-mi ilanngutsinneqarumavoq, immaqa imm. 3-tut.

Taassuma saniatigut kommunimit tikkuarneqarumavoq, utaqqiisaasumik aaqqiissuteqartarnerit ulloq unnuarlu neqeroorutinik pisariaqartinneqartutut amerlassusilinnik pilersitsinermit aningaasartuuteqarnerulersitsisarnerat § 7 naapertorlugu. Inissat pisariaqartinneqartut pilersinneqarpata, inatsisini utaqqiisaasumik inissiineq pillugu paragrafi pisariaqartinneqassanngikkaluarpoq. Takuuk kommunip § 7-imut oqaaseqaatai kiisalu siunnersummut atasumik aningaasatigut kingunerisassat."

Naalakkersuisoqarfíup oqartussap akissutaa:

Siunnersummi § 21-mi erseqqissarneqarpoq inummut innarluutilimmum qitiusumik innersuussisarfik aqquitalugu ulloq unnuarlu neqeroorummi inissamik utaqqisumut inissiiviugallartussamik pissarsinissamik communalbestyrelse pisussaaffeqartoq. Isumaginninnermut Aqutsisoqarfik aaqqiigallarnermi meeqqap piaernerpaamik ulloq unnuarlu paaqqinnittarfíimi meeqqap pisariaqartitaanut naapertuuttumi inissamik tunineqarnissaanik qulakkeerinnituussaaq. Komunalbestyrelsip innarluutilimmik inissiigallarnerani innarluutillip pisariaqartitai kissaataalu isiginiarneqassapput. Inuup pineqartup najugaqarfiata eqqaani aaqqiissutaagallartussamik nassaarniartoqassaaq, tamakkulu immikkut pisariaqartitanut innarluutillip atugarisinnaasaanut naammassinnissinnaassapput.

Naalakkersuisut sinnerlugit Isumaginninnermut Aqutsisoqarfik kvartalimut ataasiarluni komunalbestyelsimut ilisimatitsisariaqarpoq qaugu ulloq unnuarlu neqeroorummi inissamik naapertuuttumik tunniussisoqarsinnaanera naatsorsuutigineqarsinnaanersoq". Ilanngullugulu inummut innarluutilimmum inissiiviugallartumiittumut tapersersuinissamut iliussissat pillugit komunalbestyrelsi Naalakkersuisunut Isumaginninnermut Aqutsisoqarfik aqquitalugu ilisimatitsisariaqarpoq.

Aaqqiissutaagallartoq immaqa tassaasinnaavoq ikorsiissutaasut amerlillugit angerlarsimaffíimi immikkut ineqartinneqarluni inissisimagallarneq. Inunnut pineqartunut suliani tamani inummut innarluuteqartumut pisariaqartinneqartut tulluartumik qanoq aaqqiivigigallassanerlugit naliliinerussaaq inummut pineqartumut piviusorsiortoq. Erseqqissaatigissallugu pingarpoq inissiiviugallartumut inissiineq Naalakkersuisut inissiivissatut akuerisaannut pissammat. Suliniuteqarnerit aamma paaqqinniffiit aamma ilaqtariit paarsisartut akuerineqarsimannngitsut atorneri inatsisinut akerliuvoq.

Oqaaseqaatit § 21-mut oqaaseqaatinut ilaatigut naleqqussarlugit ilannguneqarput.

"Kapitali 4: Kommunimi najugaqarfittut neqeroorutit

Najugaqatigiiffik

§ 22, imm. 2, nr. 2-mi allassimavoq: "pineqartut inooqatigiissinnaappata". Kommunimit oqaaseqatigiit taakkua nangaanartutut isumaqarfingineqarput, innuttaasut sullinneqartut najugaqatigiiffinniittut nalinginnaasumik inunnik allanik peqateqarnissaminnik unammillernartorsiortuupput. Sullinneqartut arlallit kisimiillutik najugaqarusunnerugaluarpuit, kisianni taamannak periarfissaqanngillat inissaaleqineq pissutigalugu."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

"§ 23, imm. 1, nr. 3 pillugu kommunimit tikkuarneqarpoq, innuttaasut innarluutillit amerlanerit namminneq angerlarsimaffimmink tapersorsorneqarlutik najugaqarsinnaasut, kisianni namminneq inissaminnik pissarsisinnaanngitsut."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

"Najugaqatigiiffinnut aamma najugaqarfinnut illersugaasunut aalajangersakkat allat Kommunimit § 26, pillugu malugineqarpoq, inummut najugaqatigiiffimmik imaluunniit najugaqarfimmi illersugaasumi kommunimi allami najugaqarsinnaaneq neqeroortoqarsinnaanera aalajangiiffingineqarsinnaasoq. Kommunimit tamanna suliamut atasumik naleqquttutut isigineqarnera tupigusuutigineqarpoq, Kalaallit Nunaanni kommunit arlaannaalluunniit inissanik atorneqanngitsunik peqannginnerat pissutigalugu."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

"Kapitali 5: Ulloq unnuarlu neqeroorut

Ulloq unnuarlu neqeroorut

Kommuneqarfik Sermersuumit malugineqarpoq, § 30 § 21-mut assortuuttuusoq, kommune ulloq unnuarlu neqeroorummi najugaqarsinnaanermut neqerooruteqarlunilu utaqqiisaasumik neqeroorummi ingerlatsinissaa pissutigalugu. Erseqqissaatigineqassaaq, innuttaasup innarluutillip kommunimit ulloq unnuarlu neqeroorummi najugaqartussatut innersuunneranit

innuttaasup tassunga neqeroorfigineqarneranut Isumaginninnermi Aqutsisoqarfiup piffissaq sullissinermik ingerlatsivissaata sivisussusissaa ilanngunneqassammat. Kommunimit tassunga siunnersuutigineqarpoq, inatsimmi qulaarneqassasoq, qaqugukkut utaqqiisaasumik inissiivik pisariaqartinneqarnersoq aamma ulloq unnuarlu neqeroorutini inissanik pisariaqartunik pilersitsinissamut piffissamik killiliussamik inissiisoqassasoq. § 7 aamma § 21-mut tassunga oqaaseqaatit takukkit.”

Naalakkersuisoqarfiup oqartussap akissutaa:

Naalakkersuisoqarfiup oqartussap qulaani § 21 pillugu akissutaa innersuussutigineqarpoq.

”Inuit innarluutillit ulloq unnuarlu neqeroorutini matoqqasumi inissinneqarneri Kommuneqarfik Sermersuumit takuneqarsinnaanngilaq, kommune imaluunniit kommunit allat qanoq ilillutik tigummigallagaqarnermut assingusumik inissamik pissarsisinnaanermut suliassamik kivitsisinnaanissaat § 31, imm. 2 aamma imm. 3-mut tunngatillugu. Kommunit pissaanermik atuinissaminnut killilimmik pisinnaatitaaffeqarput, aamma siunnersuut kommunip pissaanermik atuisinnaanerata periarfissaasa iluanniippoq. Tassunga atasumik kommunimi sulisunut qaqugukkulluunniit isumannaallisaanikkut illersorneqarsinnaanngilaq. Kommuneqarfik Sermersuumit erseqqisaatigineqarpoq, suliassaq politiini imaluunniit isumaginninnermut aqutsisoqarfimmi inissisimasussaasoq, taakkua ulloq unnuarlu neqeroorutinik matoqqasunik immikkut ilisimasaqarput aamma misilittagaqarput.”

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

”Kommunimit eqqumiigineqarpoq, § 32 paragrafitut immikkoortuummat, taanna § 31-mut ilanngutsinneqassasoq siunnersuutigineqarpoq.”

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat. § 32-mut oqaaseqaatini ima allassimavoq, aalajangersakkami nutaajusumi ima periarfissiisoq, inuup innarluutillip eqqartuussaanerup pillarneqaatigineqarneranut atatillugu ulloq unnuarlu neqeroorummut isumannaallisakkamut aamma inissinneqarsinnaasoq. Aalajangersakkami siunertarineqarpoq periarfissamik ammaanissaq, tassa inuk innarluutilik eqqartuunneqarsimanermik pillagaasussa, taamaattumik pilersitsisoqarsimappat, pillagaanermini Kalaallit Nunaanni ulloq unnuarlu neqeroorummi isumannaallisakkamiissinnaasoq, tamanna Inatsisartut inatsisaanni § 28, imm. 2-mi nassuiarneqarpoq.

”Kommunimit kissaatigineqarpoq qulaarneqassasoq, tigummigallagaqarnermut assingusumik inissiineq piffissamik killeqartitsinersoq.”

Naalakkersuisoqarfiup oqartussap akissutaa:

Eqqartuuiviup tigummigallagaqarnermut assingusumik inissiinerup sivisussusissaata killeqarnera aalajangigassaraa.

"Ineriartortitsinermut pilersaarutit aamma killifimmik nalunaarusiat Kommuneqarfik Sermersuumit siunnersuutigineqarpoq § 34 aamma § 35 pillugit, ulloq unnuarlu neqeroorutit kisimik pineqarnatik, kisianni najugaqatigiiffit aamma najugaqarfiiit illersugaasut iliuusissatut pilersaarut aallaavigalugu ineriartortitsinermut pilersaarutinik aamma killifimmik nalunaarusianik suliaqartassasut. Taakkua uppermarsaataapput innuttaasumik sullissinermi imminnut tapertariittussat aamma najugaqarfittut neqeroorutini tamaginni naapertuuttuusut. Kommunimit eqqumiigineqarpoq, ilassutitut tusarniaanermi ineriartortitsinermut pilersaarutit pillugit paragrafi ulloq unnuarlu neqeroorutit pillugit kapitali 5-imut qummut nuunneqarsimanera. Tassunga atasumik kommunimit takuneqarnissaa qilanaarineqarpoq, ineriartortitsinermut pilersaarutit aamma killifimmik nalunaarusiat qanoq ilillutik nalunaarutip iluarsaannerani ilanngullugit suliarineqassanersut."

Naalakkersuisoqarfiup oqartussap akissutaa:

Ilanngunneqanngilaq. Inatsisartut inatsisaat atuuttoq naapertorlugu ulloq unnuarlu neqeroorutit kisimik ineriartortitsinermut pilersaarusrorlutilu killifimmik nalunaarusiortussaapput, tamannalu siunnersuummi matumani ingerlateqqinnejarluni. Kommunip najugaqaqatigiiffinnut aamma najugaqarfinnut illersugaasunut ineriartortitsinermut pilersaarusrorusunnera killifimmillu nalunaarusiorusunnera naapertorlugu kommunip taamaaliornissani qinersinnaavaa.

"Oqaaseqatigiit § 35 imm. 3-mi "inuup peqqissutsikkut atugai imaluunniit inooqatigiinnermi atugai" paatsoorneqarsinnaapput, inooqatigiinnermi atugai qanoq paasisariaqarnersut erseqqinngimmat. Najugaqarfittut neqeroorutit innuttaasup inooqatigiinnermi attaveqarfiiut akuliutissanngillat. Taamaattumik siunnersuutigaarput "inooqatigiinnermi atugassarititaasut" allanngortinneqassasut imaalillugit "pissutsit pingaaruteqartut"."

Naalakkersuisoqarfiup oqartussap akissutaa:

Ilanngunneqanngilaq. § 35, imm. 3-mut oqaaseqaatini assersuutinik inooqatigiinnikkut pissutsinut tunngasunik allassimasoqarpoq, soorlu ilaqtutanut attaveqarfigisartakkanulluunniit tunngasut, soorlu nakkutilliisoq imaluunniit qanigisaasoq alla, soorlu inuit isumassuisut, toqukkut qimagussimappata.

"Kalaallit Nunaata avataani najugaqarfittut neqeroorummiinneq Kommuneqarfik Sermersuumit malugineqarpoq, § 36 imm. 2 aamma § 37 imm. 1 "piffissami killilikkami najugaqarneq" ilanngunneqarsimasoq. Kommunimit isumaqataaffigineqarpoq, najugaqarneq aallaaviatigut piffissami killilimmi pissasoq, kisianni kissaatigalugu

najugaqarnerup sivisussusianik piffissamik aalajangiinermik inissiisoqassasoq.
Siunnersuutigineqarpoq, § 36 imm. 3 aamma § 39 imm. 2-mi innersuussinermut tunngasut iluini piffissap sivisussusissaattut naatsorsuutigineqartoq ilanngunneqarsinnaasoq.”

Naalakkersuisoqarfiup oqartussap akissutaa:

Ilanngunneqanngilaq. Suliani ataasiakkaani tamani najugaqarnerup sivisussusissa pissutsit tunngavigalugit nalilerneqartassaaq.

”Kommuneqarfik Sermersuumit siunnersuutigineqarpoq, § 36 imm. 3 aamma § 39 imm. 2-mi pilersuisussaatitaanermut tunngavissaq nalunaarsuiffinni ilanngullugu allanneqassasoq, taamaalilluni qulakkeerneqassamat suliamut paasissutissanut atasumik innuttaasumut aningaasaqarnikkut atugassarititaasut eqqumaffigineqarnissaat.”

Naalakkersuisoqarfiup oqartussap akissutaa:

Ilanngunneqarpoq.

”Kommuneqarfik Sermersuumit malugineqarpoq, Isumaginninnermut Aqutsisoqarfiup sullissineranut piffissaliussat inatsisisstatut siunnersuutip siullermik tusarniaassutigineqarnerani § 48, imm. 3 aamma § 49, imm. 3-mut oqaaseqaatit maanna peerneqarsimanaerat. Kommunit tamanna isorineqarpoq, aamma suli siunnersuutigalugu sullissinermut piffissarititaasut inatsimmut imminermut allanneqaqqullugit. Kommunit suliamik ingerlatsinerisa piffissaligaanerat inatsimmi allaqqareerpoq, tamanna aamma Naalakkersuisunut atuuttariaqaraluarpooq.”

Naalakkersuisoqarfiup oqartussap akissutaa:

Naalakkersuisunut sullissinermut piffissarititaasut siunnersuummi oqaaseqaatinut nalinginnaasunut nuunneqarput.

”Kommuneqarfik Sermersuumi § 37-mi eqqumiigineqarpoq, Kalaallit Nunaata avataani efterskolerniarneq imaluunniit piginnaanermik ineriertortitsineq alla Naalakkersuisunit akuerineqarnissaat. Siunnersuutigineqarpoq, § 37 piginnaanermik ineriertortitsinermik imaqassasoq, soorlu efterskole, højskole imaluunniit assigisaat, kommunimit namminermut sullissinermik ingerlatsiffigineqarsinnaasut Naalakkersuisut aqqusaaqqaanngikkaluarlugit. Piginnaanermik ineriertortitsinermik ingerlatsineq ukiunik 3-nik sivisussusilik killilimmik sivisussulerneqarsinnaasoq ilanngunneqarsinnaavoq, taassuma assigaa STU-mik ingerlatsineq. Tassunga atasumik kommunimit siunnersuutigineqarpoq § 36 aamma § 37 allanngortinnejassasut, taamaalilluni ulloq unnuarlu neqeroorutit tamarmik Naalakkersuisunit akuerineqarnermik kinguneqartussat taamaallaat § 36-mut tunngassuteqassasut.”

Naalakkersuisoqarfiup oqartussap akissutaa:

Ilanngunneqanngilaq. § 37 naapertorlugu Danmarkimi inissinneqarallarnerit tamarmik, Danmarkimi Kalaallit Nunaannilu neqeroorutini ulloq unnuarlu najugaqarallarneq pillugu nalunaarummut, danskit isumaginninnikkut kiffartuussineq pillugu inatsisaannik tunngaveqartumut, ilaapput.

"Najugaqarfittut neqeroorutip allanngortinna atorunnaarneralu
§ 41, imm. 4 pillugit kommunimit siunnersuutigineqarpoq, Pissassarfiup oqaaseqaatinik tunniussinissaanut ullunik 10-nik periarfissalerneqassasoq, soorlu inatsisissatut siunnersuutip siullermeerluni tusarniaassutigineqarnerani § 48, imm. 3 aamma § 49, imm. 3 oqaaseqaatinik tunniussinissamut periarfissaa taamaattoq. Kommunimit erseqqissaatigineqarpoq, tassunga atasumik piffissaliineq pingaaruteqartoq, taamaaliornikkut kommuninit namminernit sullissinissamut piffissaliussat inatsimmi aalajangersarneqarsimasut eququutsinnejarsinnaaqquullugit, pingaartumik suliani Pissassarfimmit tapersorsorneqarnermik pisariaqartitsisuni."

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Siunnersuummi § 8, imm. 1, nr. 7-imi ullunik 14-nik periarfissaqarneq allassimavoq.

"Kapitali 6: Suliassat nalinginnaasut suliarineqartarnerat

Ingerlaavartumik malinnaaneq

Kommuneqarfik Sermersuumit siunnersuutigineqarpoq § 45 inummut tunngasumik nakkutilliinerup ilaattut ilanngutsinneqassasoq, inummut tunngasumik nakkutilliineq tapersuinerup ingerlaavartumik malinnaaffigineqarneranut qulakteerinneqataassammat."

Naalakkersuisoqarfiup oqartussap akissutaa:

Ilanngunneqanngilaq, aalajangersakkat taakku marluk assigiinngitsut pillugit malittarisassiaammata.

Iliusissatut pilersaarut

Kommunimit § 48 imm. 2 ima isumaqarfigineqarpoq, iliussissatut pilersaarut neqeroorummum paasissutissatut nipeqarpallaalermaat aamma innuttaasup nammineq kissaatai inuunerminilu anguniagai pillugit ukkassineq amigaataasoq. Iliusissatut pilersaarutip immini siunertaa tassaanngilaq neqeroorut/tapersorsorneqarneq, taanna ikiutaannaavoq innuttaasup kissaataanik aamma pisariaqartitaanik suliamut ingerlatsilluni tunaartaqarnermi. Kommune siunnersuuteqarpoq, § 48 imm. 2-mi immikkoortumik 7-imik ilaneqassasoq "Innuttaasup nammineq iliussissatut pilersaarummut oqaaseqaatai". Aallaqqamulli innuttaasumik suleqatigiinnermik aallartitsiniarluni, pingaaruteqarpoq innuttaasoq siunissamut nammineq kissaatiminik eqqarsaatiminillu ilanngussisimassasoq.

Kommunimit kissaatigineqarpoq iliuusissatut pilersaarummi erseqqissaasoqassasoq, aporfitt suut piusinnaanerat pillugu iliuusissatut pilersaarummi anguniagaq siunnerfigalugu sulisoqassasoq. Assersuutigalugu tassaasinnaapput ilinniagaqarnermut aamma suliffeqarnermut tunngasutigut aporfitt, kommunip oqaloqatigiissutigisinnaanngisai.”

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Kommunip siunnersuutigisaa naapertorlugu § 48, imm. 2 nr. 7-imik ilanngussivigineqarpoq. Iliuusissatut pilersaarutip itisilerneqarnissaa ilitsersuummiissaaq, ilanngullugu iliuusissatut pilersaarummi anguniakkat angunissaannut aporfitt suusinnaanersut.

"Kapitali 7: Nalunaarutiginninneq

Nalunaaruteqarnermi kommunip iliuuseqarnissamut pisussaffia
Kommuneqarfik Sermersuumit § 53 imm. 1 aamma imm. 2-mi piffissaliussat paasiumpaasminaatsinnejarpuit aamma taakkua tunngavigalugit sullissinermik ingerlatsinissaq ajornakusoortinneqarpoq.

Kommunimit kissaatigineqarpoq sullissinermi piffissaliussat inatsimmi erseqqissuunissaat, immaqa tulliuttut eqqarsaatigineqarsinnaapput, inatsimmi piffissaliussat paragrafimi ataatsimi innersuutitalersorlutik katersorneqarsinnaanerat.

§ 15, imm. 4-mut missingiut nutaaq innersuussutigineqarpoq. Taamaattoq paatsiveerunermik pilersitsivoq, § 15, imm. 4-mi ullussarititaasoq nalunaaquattap akunneri 48-nik sivisussuseqarmat, § 53, imm. 1-imik nalunaaquattap akunneri 24-usut.”

Naalakkersuisoqarfiup oqartussap akissutaa:

Ilaatigut naleqqussarlugu ilannguneqarpoq. Naalakkersuisoqarfiup aaliangersakkat paasinarerulersillugit erseqqissaramigit

”§ 54-mi inatsisiliap immikkualuttunik imaqqassusia kommunimit eqqumiigineqarpoq. Kommunimit isumaqarfingineqarpoq, aqutsisut aalajangigarigaat aamma qanoq kikkut suliamik nalileeqqissanersut, suliamik ingerlatsinermi ileqqussaasut malinneqartillugit.

Ilitsersuutaalerumaartumi allassimasinnaavoq, pissutsit suut nalunaarutiginninnermik aallartitsinermut tunngavigineqassanersut.”

Naalakkersuisoqarfiup oqartussap akissutaa:

§ 54-imut oqaaseqaatini ima allassimavoq: "Nalilersueqqinnej siuliatigut suliamik matuminnga suliarinnissimanngitsumiit sullisisisumit isumagineqassaaq. Matumani ilaatigut suliamik suliarinnitarnermi suliatigut ilisimasanik siuarsaanisssaq siunertarineqarpoq."

"Kapitali 8: Tapiiffingeqarnissamut periarfissat

Qanigisaasumik innarluutilimmik paarsineq

Aningaasatigut kingunerisassat suli qulaarneqanngillat, suli erseqqissinngimmat akissarsisitseriaaseq qanoq ittoq Naalakkersuisunit nanginniarneqarnersoq.

Kommuneqarfik Sermersuumit malugineqarpoq, tusarniaataaqqaartumi aamma ilassutitut tusarniaatigineqartumi sammisaq taanna pillugu allannguutit malunnaatillit ingerlanneqarsimasut.

§ 59-imi piffissap ilaannik aaqqissuussineq maanna nassuiardeqarpoq (nalunaaquttap akunneri 30-t) qanigisaasumik innarluutilimmik paarsineq. Erseqqissarneqanngilaq, qanigisaasup qanoq iliorluni atorfinitssinnejnarmerminut tapertaliissasoq, taamaaliornikkut pilersuisussaanermut tunngavissaq nalinginnaasoq pissarsiarineqarsinnaaqquullugu.

Kommunimit malugineqarpoq, qanigisaasumik paarsinermut sapaatip akunneranut nalunaaquttap akunnerinik 30-nik annertussusilik qularnangitsumik qanigisaasut pisortanit ikiorsiissutinik tunineqarsinnaajunnaarsissavaa, soorluttaaq suliffimmik qanigisaasup nalunaaquttap akunnerinik 10 palliinnarlugit suliffigisinnaasaanik nassaarsinnaaneq ajornartorujussuanngussaaq.

Kommunimit eqqumiigineqarpoq, piffissami sivisunerusumi qanigisaasumik paarsineq taamaallaat periarfissaassasoq, tapersorsorneqarnissamik pisariaqartitsineq sapaatip akunneranut nalunaaquttap akunnerinik 30-t ataappagit. . Kommunimit siunnersuutigineqarpoq, piffissaq tamaat akissarsiaqartitsinermut innersuussisinnaaneq periarfissaasariaqartoq, taamaaliornikkut sapaatip akunneranut tapersersuinermut nalunaaquttap akunneri 40+ periarfissaallutik imaluunniit najugaqarfimmut imaluunniit ulloq unnuarlu paaqqinnifimmut inissiineq.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguiteqarnissamut pissutissaqalersitsinngillat.

§ 59-imut oqaaseqaatini ilaatigut itisilerneqarpoq kommunalbestyrelsip piviusumik nalilersuineq tunngavigalugu aallaavusoq taanna saneqquassinnaagaa aammalu suliassanut immikuullarissumik killissalersorneqartunut, immikkorluinnaq ittunut ilassutaasumik tapersersuisinnaasoq.

”§ 60 naapertorlugu piffissami killilimmi qanigisaasumik suliffissaqartitsivimmut attuumassuteqartumik atorfinitssineq periarfissaavoq, piffissap ilaani inissiiviugallartumut periarfissatut allatut. Qaammatit 6 piffissamut killiliussaq aalajangersarneqarpoq, taanna qaammatit 3 sivitsorneqarsinnaavoq. Taamaattoq § 61, imm. 3 naapertorlugu qaammatit 12-ikkuutaarlugit sivitsuisoqarsinnaavoq katillugit ukiut 10 sivisussuseqartumik.

Kommunimit tamanna sulisitsisumik eqqarsaatiginninnginnertut isumaqarfingineqarpoq, sulisup sulinngikkallarnissaanik akuersisimasumut, imaluunniit siunissaq nalunartoq pillugu innuttaasumut innarluutilimmut imaluunniit qanigisaasumut aaqqiissutissatut pitsaanerpaatut isigineqanngilaq. Kommuni siunnersuuteqarpoq, paarsineq sivisunerpaaffissalerneqartariaqartoq, assersuutigalugu qaammatit 6 - 12.

Erseqqinngilaq sooq aaqqissuussineq ukiuni 10 isumatusaartutut isigineqarsinnaasimasoq, tamatuma kingorna isumatusaartutut isigineqarunnaassanersoq. Siunnersuutigineqarpoq - paragrafimi allami - periarfissiissutigineqassasoq tapersersuinermik tassannga ikorsiissut ataavartunngortinneqassasoq, taamaattoq imaalillugu qanigisaasup suliffissaqartitsinermut attuumassuteqarfini allat taamaatissagai.

Kommunimit aamma malugineqarpoq, taaguut najugaqarnermut tapersersuineq oqaaseqaatini nalinginnaasuni atorneqartoq, naak taaguut taanna inatsisisstatut siunnersuummit peerneqaraluartoq.

Kommunimit § 60, imm. 2-mi oqaaseqatigiit eqqumiigineqarput "Inuk kommunimit qanigisaasup najugaqarfisaanit atorfinitssinnejassaaq". Nalinginnaasumik innuttaasup najugaqarfisaa sullissinermik suliamik aamma ingerlatsinermik aqtsisuusarput. Periarfissaava, innuttaasoq aamma qanigisaasoq kommunini assigiinngitsuni najugaqarnerat?

Kommunimit malugineqarpoq ilassutitut tusarniaanermi, qanigisaasup isumassorneqarneranik suliaqartussatut atorfinittussamut piumasaqaatit peerneqarsimanerat. Kommunimit § 67, imm. 4-mi siusinnerusukkut piumasaqaatit pitsaasutut isigineqarput, aamma siunnersuutigaa, inatsimmut ilitsersuutaalerumaartumi piumasaqaat assingusoq ilanngunneqassasoq, taassuma ataani aamma ulloq unnuarlu neqeroorutini, najugaqatigiiffinni aamma najugaqarfinni illersugaasuni sulisunut tunngasut.

§§ 59 - 61-mut tunngatillugu kommunimit kissaatigineqarpoq, aaqqissuussap iluanut tunngatillugu kommunip pisussaaffiisa qulaarneqarnissaat. Assersuutigalugu qanigisaasup innuttaasup angerlarsimaffiani suliffiani atugassarititaasut pitsaasuunissaat, inummut sammisumik nakkutilliineq kommunimit qulakkeerneqassapput, aamma suut kommunimit passunneqartussatut pisussaaffiuppat, qanigisaasup soraarniuteqaqqaarani pisussaaffini isumaginingitsuussappagit?

Kommunimit malugineqarpoq, oqaaseqatigiit naapertuitissasut, tassani atuarneqarsinnaalluni, tapersersuinerup malitseqartinneqarneranut atasumik qanigisaasoq killifimmik nalunaarusiamik suliaqartassasoq."

Naalakkersuisoqarfíup oqartussap akissutaa:

Tusaatissatut tiguneqarput. Tapersersorneqarnissamut periarfissaq nutaaq taanna siunnersuummut ilitsersuummi sukumiinerusumik nassuiarneqassaaq.

"Tapersersorti

Kommuneqarfik Sermersuumit malugineqarpoq, ilaatigut ulluunerani neqeroorutit aamma atuarfik inatsisissatut siunnersummi ilaangitsut. Ikorfartorteqarneq tassaavoq neqeroorut, inunnut innarluutilinnut tamanut atuuttuutinneqartussaasoq, neqeroorummut peqataanissaminut pisariaqartitsisumut. Kommunimit tassunga atasumik malugineqarpoq, "utoqqaat illuat" § 62-imut ilanngunneqarsimasoq aamma eqqumiigineqarpoq atuarfiit, ulluunerani neqeroorutit aamma sunngiffimmi neqeroorutit ilanngunneqarsimannginnerat, meeqqat inuusuttullu eqimattat inatsimmi ilanngunneqarsimanerat tunnavigalugu.

§ 62-imut kommune siunnersuuteqarpoq, oqaaseqatigiit "isumaginninnermi perorsaasumit tapersorneqarnissamik pisariaqartitsineqartoq nammineq angerlarsimaffimmi, najugaqatigiiffimmi, najugaqarfimmi illersukkami imaluunniit utoqqaat illuanni najugaqarsinnaaqquillugu" allanngortinneqassasoq "isumaginninnermi perorsaasumit tapersorneqarnissamik pisariaqartitsineqartoq nammineq angerlarsimaffimmi, ulluunerani neqeroorummi, atuarfimmi, sunngiffimmi neqeroorummi, najugaqatigiiffimmi aamma immaqa tapersorneqarnissamik pisariaqartitsineq najugaqarfimmi illersukkami aamma utoqqaat illuanni isumagineqarsinnaanngippat".

Kommunimit maluginiarneqarpoq, allaaserisap nassuaataa naapertutissasoq, immaqa imm. 7-imi, tassani allassimassalluni, inuk innarluutilik tapersorneqarnermik pissarsisartoq pillugu ikorfartorti killifimmik nalunaarusiamik suliaqassasoq, tapersersuinermut malitseqartitsinermut atasumik."

Naalakkersuisoqarfiup oqartussap akissutaa:

Aalajangersagaq tassaavoq innarluutillit pillugit Inatsisartut inatsisaanni atuuttumi § 42-p ilaata ingerlateqqinnejnarera.

Siunnersummi matumani § 62 naapertorlugu nammineq angerlarsimaffiup avataanut, najugaqatigiiffiup, najugaqarfiiup illersugaasup imaluunniit utoqqarnik paaqqinniffiup avataanut perorsaanikkut tapersorneqarnissamik tapersersorteqarsinnaaneq mattunneqanngilaq.

"Nuunnermi ikorsiissutit

§ 64 imm. 1 nr. 1 oqaaseq "angajoqqaatut akisussaatitaasoq" allanngortinneqassasoq ima "angajoqqaatut akisussaatitaasup"."

Naalakkersuisoqarfiup oqartussap akissutaa:

Ilanngunneqarpoq.

”Eqimattat tunngavigalugit ikiunnermik taperseruinermillu neqeroorut kiisalu inummut piffissami killiligaasumi isumaginninnermi perorsaasumit ikiorneqarneq tapersersorneqarnerlu

Kommuneqarfik Sermersuumit kissaatigineqarpoq, § 65 aamma § 66 § 62-imi ikorfartortinit siullinngorlugit inissinneqaqquullugit. Taamaaliornikkut atuarfiit aamma ulluunerani neqeroorutit iluaqtaasumik paragrafinut imalluunniit oqaaseqaatinut ilanngunneqarsinnaapput aamma erseqqisisinneqarlutik.”

Naalakkersuisoqarfiup oqartussap akissutaa:

Ilanngunneqanngilaq. Aaliangersakkat tulleriaarnerat naleqqussorineqarpoq taamaammallu aalajangiusimaneqarluni.

”Kommunimit tassunga siunnersuutigineqarpoq, § 65 kommuninut suliassatut-suliarineqartussatut aalajangerneqassasoq suliassatut-suliarineqarsinnaasutut atuukkunnaarluni. Tassunga atasumik kommunimit tikkuarneqarpoq, neqeroorutit ullumikkut kommunip neqeroorutaanit siammasinnerulersinneqarnerat kommunit nukissaannut aningaasaliissutaasalu qaffanneqarnissaannut pisariaqartitsinermik aamma nassataqassasoq.”

Naalakkersuisoqarfiup oqartussap akissutaa:

Ilanngunneqanngilaq. Aalajangiusimaneqarpoq § 64-imi taperserneqarnissamut periarfissaq periarfissatut aalajangiusimaneqassasoq.

”§ 66-imi kommunimit siunnersuutigineqarpoq, killiliisoqassasoq taamaalluni neqeroorut qaammatit aqqaneq-marluk iluanni marloriarluni tunniunneqarsinnaanngorluni.”

Naalakkersuisoqarfiup oqartussap akissutaa:

Ilanngunneqanngilaq. § 66, imm. 1-imi allassimavoq, neqeroorneq ataasiartumik qaammatit 6-it tikillugit tunniunneqarsinnaasoq. Taamaalluni killiliineq suliarineqareerpoq.

”Oqilisaassineq

§ 67 imm. 1 nr. 1 pillugu kommunit kissaatigineqarpoq, inatsimmut oqaaseqaatini imaluunniit ilitsersuummi nassuaat erseqqissoq ilanngunneqassasoq, isumassuinermk suliassamut annertuumik suliaqarneruneq qanoq paasineqassanersoq pillugu.

§ 67, imm. 3-mut kommunip siunnersuutigaa tassunga atuutsinneqanngitsumik ilanngussisoqassasoq, tassa kommunip nammineerluni oqilisaassinertut neqeroorummmik ingerlatsinera.”

Naalakkersuisoqarfiup oqartussap akissutaa:

Isumassuinermk suliassaq eqqarsaatigalugu annertuumik suliaqarnerunerup sukumiinerusumik nassuiarnera Inatsisartut inatsisaata ilitsersuutaaniissaq.

*"nammineerluni oqilisaassinertut neqeroorummik ingerlatsinera" qanoq
isumaqartinneqarnersoq erseqqinngilaq."*

”§ 68 Tapersersuinermik aaqqissuussinerit
Kommuneqarfik Sermersuumit eqqumiigineqarpoq, § 68 qulequppa Oqilisaassineq ataanut
inissinneqarsimanera.
Kommunimit tikkuarneqarpoq, § 68 malittarisassanik amerlanernik allanik
aalajangersaanermut inatsisaasoq, tassungali oqaaseqaatit imartoorujussuartut pissuseqartut.”

*Naalakkersuisoqarfiup oqartussap akissutaa:
§ 68 sioqqullugu qulequataq pingaannginnej ilanngunneqarpoq.
aalajangersakkanut tunngavissat oqaaseqaataanni suut nalunaarummi
aalajangersarneqarsinnaanersut itisilerneqarsinnaapput.*

”Kommunimit tikkuarneqarpoq, oqariartaaseq ”inigisamik allangortiterinerit” suliamik
ingerlatsinermi atorneqassasoq ”inigisamik aaqqissuussineq” atornagu, akuttunngitsumik
inigisami allangortiterinerit pisariaqartut suliarineqartussaasarmata innuttaasoq innarluutilik
tapersorsorsinnaajumallugu, aamma pequtit inisisimaffiisa nikisiinnarnerat
pineqanngimmat.”

*Naalakkersuisoqarfiup oqartussap akissutaa:
Ilanngunneqarpoq.*

”Kommuneqarfik Sermersuumit § 68 pillugu erseqqissaatigineqarpoq, iluaqusersuutnik
aamma qamutinik motoorinik ingerlatilinnut tunniussinermi suliamik ingerlatsisut
tamakkiisumik naliliinerat tunngavagineqartartoq.

Kommunimit takorusunneqarpoq, § 68 nalunaarummi aaqqissuussaasussami qanoq
ilanngunneqassanersoq tassani suli itisiliinerulluni allaaserisaqassammat iluaqusersuutit,
qamutit motoorinik ingerlatillit kiisalu ataatsimoortunik angallassinertut aaqqissuussinerit
pillugit kommunip maajimi tusarniaanermut akissuteqaataa innersuussutigalugu.”

”Kommuneqarfik Sermersuumit kissaatigineqarpoq, atugarissaarnermi teknologiimik
toqqisisimanagermik pilersitsisinnaasumik atugaqarsinnaanermut periarfissanik
pitsaanerusunik inatsimmut ilanngussisoqassasoq, innuttaasut, qanigisaasut aamma sulisut
toqqisisimanagerusunik atugassaqartitaanissaanut iluaqutaasinnaasunik.”

*Naalakkersuisoqarfiup oqartussap akissutaa:
Ilanngunneqanngilaq, inatsisinut ilanngunneqassappat erseqqissarneqartariaqarmat.
Inatsisartut inatsisaannut ilitsersuummi atugarissaarnermi teknologiip atornissaanik
naleqqukaangat itisiliisoqarsinnaavoq.*

”Suliniuteqareernermermi malinnaaneq Kommuneqarfik Sermersuumit malugineqarpoq, §§ 70 - 72 suliniuteqareernermermi malinnaaffiginninneq tassaasoq inuit innarluutillit pillugit inatsisip ullumikkut atorneqartup annertusinera aamma taamaattumik kommuninut nukissanik aningaasaliissutinillu amerlanernik pisariaqartitsinermik qaffaassasoq.”

Naalakkersuisoqarfíup oqartussap akissutaa:

Suliniuteqareernermermi malitseqartitsinermi siunertarineqarpoq inuusuttut allat assigalugit inuusuttut namminerisaminnik inuuneqalernissaannut tapersorsorneqarnissaat.

”Paasissutissiinissamut utertsillunilu akiliinissamut pisussaaffik § 75 imm. 2 aamma imm. 3 pisariaqanngitsumik marloriaatitut saqqummersinneqarput, pingartumik imm. 3 aalajangersakkanut oqaaseqaatinut tulluanngilaq.”

Naalakkersuisoqarfíup oqartussap akissutaa:

§ 75, imm. 2-mi pineqarpoq akuersisitsereerluni paasissutissanik piniarneq. § 75, imm. 3-mi pineqarpoq akuersisitseqqaarnani paasissutissanik piniarneq.

”Kapitali 9: Tikeraarluni angalanerit

Kommuneqarfik Sermersuumit § 77-immi malugineqarpoq, inuit innarluutillit maanna ukiumut ataasiarlutik tikeraarlutik angalasinnaanermut pisinnaatitaaffeqalernerat. Kommunit aningaasartuutaannik qaffatsitsissaaq, pingartumik kommunimi innuttaasunut Kalaallit Nunaata avataani najugaqarfittut neqeroorutini najugaqartunut. Tassunga atasumik malugineqarpoq, Kommuneqarfik Sermersuumi innuttaasut Danmark inissinneqarsimasut 60%-ii ukiut qulit sinnerlugit inissinneqarsimasuusut.

Tassunga atasumik malugineqarpoq, suliniuteqareernermermi malinnaaffigineqartoqatigiit ukiumut marloriarlutik tikeraarlutik angalasinnaanermut periarfissaqartut, § 77, imm. 3 naapertorlugu. Kommunimit eqqumiigineqarpoq immikkoortitsineq taanna ukiumut 1 aamma 2 tikeraarluni angalasinnaanermut tunngasoq, aamma paarlattuanik isumaqarpoq, immikkoortitsineq taanna tassaasariaqartoq 18-inik ukioqarneq, taamaaliornikkut inersimasunut suliassaqarfimmi naligiissumik pineqartoqartaqqullugu.

Kommunimit malugineqarpoq, § 77 imm. 1-imut oqaaseqaatinut qanigisaasup nassuiarneqarnera isumaginninnermut inatsimmut allamut naleqqiullugu siammasinnerusoq. Kommunimit kissaatigineqarpoq innuttaasut piginnaanikillisimasut naligiissumik pineqassasut, tamassuma qaqgukkut qanigisatut nalilerneqarsinnaanermut aamma atuuttariaqarpoq.”

*Naalakkersuisoqarfíup oqartussap akissutaa:
Oqaaseqaatigineqartut tusaatissatut tiguneqarput, aalajangersakkamili
allannguiteqarnissamut pissutissaqalersitsinngillat.*

"Kommuneqarfik Sermersuumit § 80 aamma § 81-mut tikkuarneqarpoq, innuttaasut amerlanerit piginnaanikillisimasut qanigisaasup napparsimaneranut aamma ilineqarneranut atasumik tikeraarlutik angalasinnaanermut piginnaatitaaffeqassasut siusinaartumik pensionisiaqarnermut aamma utoqqalinermi pensionisiaqarnermut inatsisit kiisalu pisortanit ikorsiissutit pillugu inatsisit aqqutigalugit. Kommunimit kissaatigineqarpoq pingaarnersiuisoqassasoq, qaqugukkut inatsisip sorliup atuutsinneqalerneranut tunngasumik, inuk ataaseq inatsisit arlallit ataanni pisinnaatitaaffeqassagaluarpat. Kommunimit aamma malugineqarpoq, angalanernut amerlanernut aningaasanik amerliliisoqartariaqartoq."

*Naalakkersuisoqarfíup oqartussap akissutaa:
Tusaatissatut tiguneqarput. Ilitsersuummi inatsisinut allanut attuumassuteqarfíit sukumiinerusumik nassuaatigineqassapput, tamakku siunnersuummi matumani allassimannngimmata.
Aningaasaqarnikkut kingunerisassat oqaaseqaatini nalinginnaasuni naleqqussarlugit ilanngunneqarput.*

"§ 80-imu aamma § 81-imu "§§ 36-mut imaluunniit 37-mut innersuussineq" paarlallugu "§§ 77-imut imaluunniit 78-imu"-usussaavoq."

*Naalakkersuisoqarfíup oqartussap akissutaa:
Ilanngunneqarpoq.*

"Kapitali 10: Nakkutilliineq

Kommuneqarfik Sermersuumit malugineqarpoq, § 83 inummut tunngasumik sakkortusisamik nakkutilliineq ilanngunneqarsimasoq. Kommunimit erseqqissaasoqarnissaa kissaatigineqarpoq, qanoq iliirluni pissutsit aaqqissuunneqassanersut inummut tunngasumik sakkortusisamik nakkutilliinermermi aaqqissuussisoqassatillugu, tassunga ilanngullugu najugaqarfittut neqeroorutip akisussaaffia, aamma qaqugukkut nakkutilliinermik nutaamik ingerlatsisoqassanersoq pillugu. Inunnut innarluutilinnut ulloq unnuarlu neqeroorutiniittunut, kommuni inummut tunngasumik sakkortusisamik nakkutilliinermik amerlasuunik ingerlatsisinhaavoq, najugaqartunut pissutsinut nalinginnaasunut unammilligassaqartitsippat, najugaqartunut tamanut sunniuteqartunik. Taamaattumik kommuni siunnersuuteqarpoq, kommunit Naalakkersuisunut/qitiusumik nakkutilliiffeqarfimmut ilisimatitsisassasoq inummut tunngasumik sakkortusisamik nakkutilliinermik ingerlatsisoqarnerata kingorna, kingorna nalilerneqassaaq ulloq unnuarlu neqeroorummi ingerlatsinermut tunngasumik nakkutilliisoqassanersoq."

Naalakkersuisoqarfíup oqartussap akissutaa:

Tusaatissatut tiguneqarput. Ulloq unnuarlu neqeroorummi nummut sammititamik nakkutilliineq pillugu ilisimatitsineq Inatsisartut inatsisaanni malittarisassiorneqarnissaa piumasaqaataanngilaq.

"Kommunimit § 85, malugineqarpoq, nakkutilliinermik immikkoortortamit ulloq unnuarlu neqeroorummik nakkutilliinerup akulikissusia nammineq toqqarneqartoq. Kommuni ukiumut ataasiarluni ingerlatsinermut tunngasumik nakkutilliinermik ingerlatsisussaavoq, Isumaginnitqarfimmik suliassaqarfimmik nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq naapertorlugu. Kissaatigineqarpoq, ulloq unnuarlu neqeroorutinik ingerlatsinermik Naalakkersuisut nakkutilliinerannut piffissakkutaat assingusut aalajangersarneqaqqullugit."

Naalakkersuisoqarfíup oqartussap akissutaa:

Tusaatissatut tiguneqarput. Isumaginninnermi suliassaqarfimmik nakkutilliisarneq pillugu nalunaarut isumaginninnermut, ilaqtariinnut, sulifeqarnermut nunamullu namminermut susassaqarfíup ataaniippoq.

"Kapitali 11: Inuit innarluutillit pillugit siunnersuisooqatigiit, inuit innarluutillit pillugit politiki, suliassat allaaserineqarnerat aamma kinguaassiutit atoqatigiinnerlu pillugit politiki

Kommuneqarfik Sermersuumit siunnersuutigineqarpoq, inatsimmut oqaaseqaatini eqqarsaatigineqassasoq, ilaasortat akissaatersorneqassanersut, aamma siunnersuisooqatigiit aningaasanik namminneq aalajangiiffigisassaminnik peqassanersut. Isornartuuvoq, siunnersuisooqatigiit akissaatersuutinik aamma missingersuutinik apeqquteqaatigisaat kommunimit itigartitsissutigineqarpata, tamanna pillugu Naalakkersuisut aningaasanik tunniussinissamut isummersimannginnerat pissutigalugu.

Naalakkersuisoqarfíup oqartussap akissutaa:

Tusaatissatut tiguneqarput. Innarluutillit pillugit suliassaqarfimmik ilaasortanut akissarsiaqartitsisoqarnissaa eqqarsaataanngilaq.

§ 91-imut tunngatillugu kommunimit tikkuarneqarpoq, innarluutilinnut politikip ukiut sisamat qaangiukkaangata nutarterneqartarnera akulikippallaartoq."

"Kinguaassiutit atoqatigiinnerlu pillugit politiki

Kommunip neqeroorutaataani kinguaassiutit atoqatigiinnerlu pillugit politikimik suliaqartoqarnissaannut piumasaqaat kommunimit eqqumiigineqarpoq, Naalakkersuisut ulloq unnuarlu neqeroorutaanni piumasaqaatit assingusut atuutinngimmata. Taamaallaat § 33-mi allassimavoq, immikkoortut tallimat immikkut ittut ulloq unnuarlu neqeroorutini sulisunit

”immikkut eqqumaffigineqassapput”. Taanna piumasaqaammit innersuussutitut annermik pissuseqarpoq, pinaveersaartitsinermik aamma atornerluisoqarsimaneranik pasitsaassinerik passussinermut periusissianik suliaqarnermut atasumik. Naleqqutinngilaq.

Kommunimit malugineqarput, § 93, imm. 1-imut oqaaseqaatit Danmarkimi Social- og Boligstyrelsenip allagaataanit assilisaannaasut: Seksualpolitik udviklingshæmning | Social- og Boligstyrelsen (bst.dk). Allaaserisap annerpaartaa kommunimit isumaqataaffigineqarpoq, kisianni ajornartorsiornralugu, politikimik suliaqarnermut atasumik kinguaassiutit atoqatigiinnerlu pillugit siunnersuisumik atugaqarsinnaanermut periarfissap assiliinnarneqarsimanera. Social- og Boligstyrelsenimit pissuseq imattoq qularnanngitsumik tunngavilersuutigineqarpoq, Danmarkimi Kinguaassiutit atoqatigiittarnerlu pillugit siunnersuisut peqatigiiffianni ilaasortat tamarmik kommunini atorneqarsinnaasut pigineqarnerat. Nunatsinni kinguaassiutit atoqatigiittarnerlu pillugit siunnersuisut amigaatigaagut kommunip aamma Namminersorlutik Oqartussat ingerlataanni, taamaattut kommuninit atorneqarsinnaasut. Assersuutigalugu inunnut innarluutilinnut tunngasumik kinguaassiutinut atoqatigiinnermullu peqqissumik eqqarsartaaseqarnerat pillugu Isumaginninnermut Aqutsisoqarfik atortussanik, siunnersuinermik imaluunniit atuartitsissutinik neqeroorutaateqanngillat. Oqaaseqaatini nunatsinnut tunngassuteqartut eqqarsaatigineqanngillat.”

Kommunimit isumaqarfigineqarpoq, § 93, imm. 2-mi immikkoortut siunnersuinermut aqquissiuussinermullu tunngasut imminni suliassaqfiusut imartoqisut, kommunimi sulisunit kivinneqarnissaat naatsorsuutigineqarsinnaanngitsoq. Paarlattuanik pissutsit oqaluuserinerat pitsaaneruvoq, pisoqaraangat, immaqa Pissassarfimmit imaluunniit sulianut allanut siunnersuisunit siunnersorneqarluni aqquissiuunneqarlunilu. Kommunimit nukissat amerlanerit pisariaqartinneqassapput kinguaassiutinut atoqatigiinnermullu tunngasumik sulisunik ilinniartitseqqinnermut atugassat aamma/imaluunniit kinguaassiutinut atoqatigiinnermullu aqquissiuussisunik aamma siunnersuisunik atorfinitssinermut akissarsianut aningaasartuitinut.

Paarisa, Isumaginninnermut Aqutsisoqarfip ataani inisisimasup inuit innarluutillit pillugit atortussanik, siunnersuinermik imaluunniit kinguaassiutinut atoqatigiinnermullu peqqissumut tunngasunik neqeroorutaateqannginnera pissutigalugu, suliassamik tassannga kivitsinissamut kommune immikkut aningaasaliissutissanik pisariaqartitsivoq. Taamaaliornikkut qulakkeerneqassaaq, sulisunik piginnaanngorsaanermut aamma ilinniartitseqqinnermut nukissat piunissaat kiisalu kinguaassiutinut atoqatigiinnermullu siunnersuisunik atorfinitssinissamut akissarsiassanut matussutissat.

Kommuneqarfik Sermersooq isumaqarpoq, kinguaassiutit atoqatigiinnerlu pillugit politikimi § 93, imm. 2 allaaserisat immikkuualuttunik imaqarpallaartut aamma kommunimit iliuuserineqarsinnaasut annikippallaalernerannik killiliisut. Kommunip najugaqatigiiffiutaanni

aamma najugaqarfinni illersukkani sullitat assigiinngitsorujussuupput assigiinngitsunik pisariaqartitsisut kinguaassiuutit atoqatigiinnerlu eqqarsaatigalugit taamatullu kinguaassiuutitigut atornerluinermik pinaveersaartitsineq eqqarsaatigalugu. Taamaattumik Kommuni siunnersuuteqarpoq, imarisaaat inatsimmut aqqutissiuussinertut ilineqassasut.”

Naalakkersuisoqarfiup oqartussap akissutaa:

Tusaatissatut tiguneqarput. Kinguaassiuutit atoqatigiinnerlu pillugit politiki ssuuneranik nalunaarsuineq minnerpaamik piumasaqaataavoq, taamaattumillu kommunip suli annertusarsinnaassallugu.

Ilitsersuummi siunnersuummi matumani aalajangersakkat itisilerneqassapput, ilanngullugu § 93.

"Kapitali 12: Aningaasalersuineq aamma akigititanik naleqqussaasarneq

Akigititanik naleqqussaasarneq

Kommunimit eqqumiigineqarpoq, § 95 qulequttamut pingaannginnermut "ulloq unnuarlu neqeroorutini akigititanik naleqqussaasarneq"-rup ilaanginnera."

"Kommunimit § 96, imm. 2 siunnersuutigineqarpoq, nutarterinissamut pisariaqartitsineq eqqarsaatigalugu "nittartagaq nalunaarutit.gl" aqqutigalugu tamanut saqqummiussisoqarnera allanneqassanngitsoq, paarlattuanilli allanneqarluni, akigititat tamanut saqqummiunneqassapput, aamma Naalakkersuisunit kommunit nalunaarfingineqassasut suna atorlugu tamanut saqqummiussineq ingerlanneqassanersoq."

Naalakkersuisoqarfiup oqartussap akissutaa:

Ilanngunneqanngilaq. Akit tamarmik Akigititanut allattuiffimmi – Isumaginninnikkut akigititat-ni saqqummertarput, taakkua nittartakkami nalunaarutit.gl-imí minnerpaamik ukiumut ataasiarluni saqqummiunneqartarput. Siusinnerusukkut aningaasartuutit tamarmik aningaasanngorlugit tapisiat pillugit kaajallaasitami saqqummersinneqartarput, kisianni tamanna atorunnaarsinneqarpoq taarsiutitullu Akigititanut allattuiffik – Isumaginninnikkut akigititat suliarineqarluni.

"Ulloq unnuarlu akigititanik naleqqussaaneq

Kommuneqarfik Sermersooq akerliliissuteqarpoq, § 97 imm. 2 naapertorlugu kommunit siornatigut isumaqatigiinninniarnerni inaat atorunnaarsinneqarsimammat, taamaalilluni Naalakkersuisut namminneq ulloq unnuarlu akigititanik namminneerlutik inissiisinnaanngorput. Kommunimit sunnersuutigineqarpoq, kommunit kingumut isumaqatigiinniarnerni peqataasussatut ilannguteqqinnejassasut § 97, imm. 2-mi. Naammanngilaq kommunit taamaallaat isumaqatigiinniarnerni ilaasinnaanerat § 97, imm. 5 naapertorlugu ukiup ingerlanerani allannguutinik saqqummertoqartillugu. Aammattaaq

Kommuneqarfik Sermersuumit mamaalluinnartutut misigineqarpoq, allannguut taanna oqaaseqaatini ataasiangnuamilluunniit taaneqarsimannginnera.”

Naalakkersuisoqarfiup oqartussap akissutaa:

§ 97, imm. 2-mut oqaaseqaatini allassimavoq "Ukioq sioqqullugu akigitinneqartunut aalajangersaanissaq Naalakkersuisut kommunalbestyrelsillu suleqatigiinneranni piareersarneqassaaq."

”Kommunimit § 97, imm. 3 nr. 2 qanoq paasineqassanersoq apeqqutigineqarpoq, najugaqartunut aningaasartuutinut atasumik, immikkut sulisunik pisariaqartitsisunut, taakkua akilerneqassammata najugaqartunut tamanut akigititap aalajangersakkap ilaaniittutut.”

Naalakkersuisoqarfiup oqartussap akissutaa:

Sulisut immikkut ittu assersuutigalugu tassaasinnaapput , tagiartuilluni peqqissaasoq, pillorissaasoq imaluunniit peqqinnissaqarfimmi sulisut ulloq unnuarlu neqeroorummi inuit pineqartut apeqqutaatillugit.

”Kommunimit malugineqarpoq § 97 imm. 3 nr. 6, akigititanut ilaasut ”Kalaallit Nunaata iluani avataanilu nuannaariartarfiliarneq aamma angalanerit”. Tamanna kommunip sullissineranik kiisalu innuttaasut nalinginnaasut amerlasoorpassuit aningaasatigut piginnaasaanik qaangiineruvoq, aamma kommunimit erseqqissaatigineqarpoq, akileraartartut akiligaannik Kalaallit Nunaata avataanut angalasinnaaneq periarfissaasariaqanngitsoq. Kommunimit siunnersuutigineqarpoq ”najugaqarfimmut qanittumi nuannaariartarfiliarneq aamma tammaarsimaarfiliarneq”.”

Naalakkersuisoqarfiup oqartussap akissutaa:

§ 97, imm. 3, nr. 6-imut oqaaseqaatini allassimavoq aningaasartuutini sunngiffimmi sammisassaqartitsinerit aamma Kalaallit Nunaata iluani avataanilu angalaartitsinerit angalanerillu aamma ilaatinneqarput, takuuk §§ 77, 78 aamma 80.

”Kapitali 13: Naammagittaalliateqarneq

Kommunimit siunnersuutigineqarpoq, ”Kommunalbestyrelsit” § 98-imi allanngortinnejassasoq imaalillugu ”Kommunalbestyrelse”.”

Naalakkersuisoqarfiup oqartussap akissutaa:

Ilanngunneqarpoq.

”Kapitali 14: Aalajangersakkat allat aamma Kapitali 15: Atuutilersitsinermut, atorunnaarsitsinermut ikaarsaariarnermilu aalajangersakkat

Aalajangersakkat allat kiisalu atuutilerfiat, atorunnaarsinneqarnerat aamma ikaarsaariarnermi aalajangersakkat

Kommuneqarfik Sermersuumit siunnersuutigineqarpoq, § 100-mi nutarterisarnermut piffissakkuutaamik inissiinerit atuutsiinnassasut, ilanngunneqarlunili, pilersaarusaq ukiunut 10-nut atuuttussatut siunnerfeqassasoq piffissamut ungasissumut pilersaarusiorneq qulakkeersinnaajumallugu, ulloq unnuarlu neqeroorutit nutaat pilersinneqarnerinut piumasaqaataasutut.

§ 100 imm. 2-mi normulersuineq allanngortinnejassasoq normut kingulliit marluk imaalillugit 3) aamma 4) ukunannga 2) aamma 3) allanngortinnejassasut.”

Naalakkersuisoqarfuiup oqartussap akissutaa:

§ 100-mi oqaatsit atuinnassapput, tassami Naalakkersuisut akisussaaffigaat nuna tamakkerlugu periusissiaq aammalu aningaasanut inatsimmi sanaartornermut pilersaarusiornermi matumanik atulersitsinissaq. Aalajangersagaq ukiorpassuarnut isigisumik pilersaarusiortoqarnissaanut akornutaanngilaq.

Normulersuineq § 100, imm. 2-mi allanngortinnejarpoq.

”Kommuneqarfik Sermersuumit malugineqarpoq, § 101-imut oqaaseqaatini, allassimasoq, pisortat ataatsimoorussamik IT-mik aaqqissuussaat GetOrganizedimi tassaassasoq app. Taanna neqerooruteqartitsinermut malittarisassanut akerliuvoq. Kommunimit taamaattumik siunnersuutigineqarpoq, pisiniartarfiit immikkut imaluunniit applikationit piiarneqassasut, aamma Naalakkersuisut kommuninik suleqateqarlutik aaqqissuussamat piumasaqaataasussanik inissiissasut, taakkualu neqerooruteqartitsinermik ingerlatsiffigineqarlutik.

Taakku saniatigut kommunimit § 101-imi erseqqissaaneq kissaatigineqarpoq, pisortat ataatsimoorussamik IT-mik aaqqissuussaat sunut atorneqassanersoq, taakkununnga ilanngullugu; sullissineq, naatsorsuineq, akiliuteqarneq, inissiernut akiliutissatut naatsorsukkat, aningaasaqarnermik malittarininniq, isumaqatigiissutinik aqtsineq imaluunniit allat. Kommuneqarfik Sermersuumit naatsorsuutigineqarpoq IT-mik aaqqissuussamik nutaamik suliaqarnermi piumasaqaatinut erseqqissaanermik suliamut peqataatinnejarnissaq.

Kommune isumaqarpoq, pisortat ataatsimoorussamik IT-mik aaqqissuussamik peqarnerat pitsaasussoq, taamaaliornikkut aaqqissuussaq assigiittooq pisortat suliffeqarfiutaanni atorneqarsinnaaqquullugu. Taamaattoq pingaaruteqarpoq, IT-mik aaqqissuussamik nutaamik suliamik ingerlatsineq pitsaanerpaamik ingerlassasoq, inatsit atuutsinneqaleqqunagu, aaqqissuussaq suli naammassineqanngitsoq, misilerarneqanngitsoq aamma sulisut suli ilinniartinnejanngitsut sioqqullugit. Kommunimit ernummatigineqarpoq, pisortanit ikorsiissutit aamma suliffissarsiornermi ikorsiissutinut inatsimmut atasumik IT-mik

aaqqissuussamik atulersitsinermi, ingerlatsinertut ingerlatsinissaq unammillernartorsiornartigissasoq.

Tassunga atasumik kommunimit erseqqissaatigineqarumavoq, § 106 imm. 4-mi piffissaliussaq piviusorsioruntuunngitsoq, misilitakkat ersersimmassuk, IT-mik aaqqissuussamik ineriertortitsineq sulisunillu tassannga atugaqarnissaannik ilinniartitsineq ukioq 1 sinnerlugu sivisussuseqassamat.”

*Naalakkersuisoqarfiup oqartussap akissutaa:
Tusaatissatut tiguneqarput.*

Oqaaseqaatini erserpoq innarluutillit pillugit suliassanik suliariinnittarnermut pisortat ataatsimoorlutik IT-mut atortuat atorneqartariaqartoq, meeqqat pillugit suliassanik suliariinnittarnermut pilersinneqareersumut pisortat ataatsimoorlutik IT-mut atortuannut naleqquuttumik. Neqerooruteqarnissamut malittarisassat malinneqassapput.

IT-mut atortoq suliassanik suliariinnittarnermut aammalu innarluutillit pillugit kisitsisinut atorneqartussatut paasissutissanik aallersinnaanissamut atorneqartarnissaa piumasaqaatini minnerpaamik ilaatinneqartariaqarpoq. Naatsorsuutinut atortumut atassuteqarnissaq pissusissamisoorpoq.

”Naatsorsueqqissaarneq
Kommuneqarfik Sermersooq, § 102-mut siunnersuuteqarpoq, naatsorsueqqissaarneq pisortat IT-mik aaqqissuussaat nutaaq aqqutigalugu ingerlanneqassasoq, paasissutissat arlallit aaqqissuussani maanna atugaasumi nalunaarsorneqarneq ajornerat pissutigalugu.
Taamaattumik paragrafi taanna § 101-imut assingusumik ullormik atulersinneqartariaqarpoq.”

*Naalakkersuisoqarfiup oqartussap akissutaa:
Tusaatissatut tiguneqarput.*

”Pineqaatissiisarneq pillugu aalajangersagaq
Kommuneqarfik Sermersuumit § 103-mut atasumik malugineqarpoq, Naalakkersuisut kommunalbestyrelsinut pinngitsaaliisummik akiligassiissuteqarsinnaanerat.
Maluginiaqquneqarpoq, Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq naapertorlugu ingerlatsisussaanerat, tassani pineqaatissiisarnermut aalajangersakkat ilaapput. Taamaattumik pisariaqanngilaq inatsimmi paragrafimik assingusumik ilanngussinissaq, aamma taassuma peerneqarnera kommunimit siunnersuutigineqarpoq.”

*Naalakkersuisoqarfiup oqartussap akissutaa:
Ilanngunneqanngilaq. Siunnersuummi matumani pineqaatissiisarnerit pillugit aalajangersakkanik ilanngussinissaq pissusissamisoortutut isigineqarpoq, kommunit aqunneqarnerat pillugu Inatsisartut inatsisaanni nr. 29, 17. november 2017-imeersumi kiisalu sumaginnittoqarfiup aqunneqarnera aaqqissuussaaneralu pillugit Inatsisartut*

peqquussutaata allangortinneqarneranik Inatsisartut inatsisaat nr. 14 af 6. juni 2016-imeersumi (Isumaginninnermi malittarisassanik kommunit aqutsinerannik atorunnaarsitsineq) pineqaatissiisarnerit pillugit aalajangersakkat apeqqutaatinngit.

”Kommunimit erseqqissaatigineqarpoq, ikorsiissutit inatsisinik tunngaveqartut arlallit soorlu inatsimmi pingaarutilittut inissismasut, kommuninit ingerlaannartumik naammassineqarsinnaanngitsut, assersuutigalugu sanaartornermik suliniutit ingerlanneqarnissaat unammillernartuupput, aamma kommunip najugaqarfitaanut aamma najugaqarfittut neqeroorutaataanut sunniuteqartut kiisalu Namminersorlutik Oqartussat ulloq unnuarlu neqeroorutaasa amerlassusiannut. Taamaattumik oqaaseqaatini itisilillaqqunarpooq pissutsini qanoq ittuni pineqaatissiinermut aalajangersakkat atuutsinneqarsinnaanerat, paragrafi taanna tigummiinnarneqarsimassappat.”

Naalakkersuisoqarfiup oqartussap akissutaa:

Aalajangersakkami aalajangersarneqarpoq, kommunalbestyrelsip oqartussatut pisussaaffimi naammassinissaat annertuumik imaluunniit arlaleriarluni sumiginnarpagu imaluunniit mianersuaalliorfigippagu pineqaatissiisarnerit pillugit aalajangersagaq atorneqarsinnaasoq.

3. Qeqqata Kommunia

“Inuit innarluutillit tapersorsorneqarnissaannut Inatsisartut inatsisaannut ilassutitut tusarniaanermut atatillugu tusarniaanermi akissuteqaammik tunniussisinnaanermut periarfissamut Qeqqata Kommunia qujavoq. Ulloq 28/5-2024 kommune tusarniaanerup immikkoortuani siullermi akissuteqaammik tunniussivoq, ungalu tusarniaanermut akissuteqaammi immikkoortut kommunimit aalajangiusimaneqartut kiisalu oqaaseqaatit nutaat ilanngunneqarput.

Qeqqata Kommuniata tusarniaanermi akissuteqarnissamut piffissaliussaq sapaatit akunneri sisamanit sapaatit akunnerinut tallimanut sivitsorneqarnera qujamasutigaa. Taamaattorli **sulinngiffeqarnermut piffissaqanngitsumik sivikinnerpaamik sapaatit akunnerini tallimani** Naalakkersuisut kommunillu akornanni tusarniaanermi akissuteqarnissatut isumaqatigiissutaasoq suli malitsinneqanngitsoq kommunimit uparuarneqassaaq.

Taamaattumik sulinngiffeqarneq pissutigalugu sulisuuusut attuumassuteqartut tusarniaanermi akissuteqaateqarnissamut tunniussaqarnissamut periarfissaqarnikuunngillat. Tamanna ajuusaarnartorujussuarmik oqaaseqaatigineqarpoq. Tusarniaanermi akissuteqaatinik attuumassuteqartunik pitsaasunillu kissaateqaraanni siunissami tusarniaanermi akissuteqarnissamut piffisarititap malitsinneqarnissaataa pingaaruteqassusaa naqissuserusupparput.”

Naalakkersuisoqarfiup oqartussap akissutaa:

Tusarniaanernut akissuteqarfissaq nalinginnaasoq sapaatit akunneri 4-asut eqqortinneqarput sapaatillu akunneranik 1-mik sivitsorneqarluni. Killissaliussaq taanna sulinngiffeqarfiusut apeqqutaatinngit atuuppoq.

” Kommuneqarfik Sermersuup Inuit innarluutillit tapersorsorneqarnissaannut Inatsisartut inatsisaannut nutaamut tusarniaanermut akissuteqaatissamittut missingiutertik annertooq nassiunnuuaat, taannalu uagut taperserusupparput. Tapersersuinerup taassuma saniatigut Qeqqata Kommunia inatsisisstatut siunnersummut nalinginnaasunik oqaaseqaatissaqalaarpoq aammalu immikkullarissunut oqaaseqaatissaqalaarluni. Nalinginnaasunik oqaaseqaatinik ataani aallartippugut:

Inuit innarluutillit allat assigalugit pisinnaatitaaffeqassasut periarfissaqassasullu Inatsisartut inatsisaatigut naqissuserneqarmat Qeqqata Kommunia ataatsimut isigalugu naammagisimaarinnippoq. Inatsisiliornikkut innarluutilinnut immikkoortortami suleriaatsinut ataqtigiinnerulernermik pilersitsisoqartoq maluginiarparput. Qeqqata Kommuniani sapinngisannguatsinnik inatsimmi aalajangersakkat malitsinniarsarissavagut.

Taamaakkaluartoq kommunip inatsisisstatut siunnersuutaasumut malitsisisinnaanissaq piviusorsiorsorinngila. Innarluutilinnut immikkoortortami sulisunik piukkunnaatilinnik amigaateqarneq annertuumik unammillernartinneqareerpoq. Nutaanik aalajangersagaqarluni inatsisip nutaap malitsigisaanik immikkut oqaaseqarfingineqassaaq. Sulisut ilinniarsimanngitsut amerlasuutigut pisinnaasaqarfinginisatik innutaasut sullittariaqartarpaat. Innuttaasunut sulisunulluunniit tulluanngilaq. Nukissani taakkunani amigaateqarneq inatsimmik malitsitsinissamik piviusorsiortitsinngilaq. Taamaattumik Qeqqata Kommunia isumaqarpoq, ilitsersuutit skabelonillu naammassillugit suliarineqareernissaasa kiisalu inatsimmi nutaami sulisunut pikkorissaasoqareernissaata tungaanut inatsimmik atuutsitsilernissaq ikaarsaarfeqartariaqartoq.

Inatsisisstatut siunnersummut tunngatillugu Qeqqata Kommuniata ernumanera tunngaviusumik tullinnguuttunut tunngassuteqarpoq: ***Inatsit kiap kivissava?***“

Naalakkersuisoqarfuiup oqartussap akissutaa:

Tusaatissatut tiguneqarput. Ulloq atuutilerfissatut siunnersuutaasoq ullormut 1. januar 2026-imut allanngortinneqarpoq, taamaalilluni Inatsisartut inatsisaannik ilitsersuinermik, pikkorissartitsinernik, innarluutilinnut sulianik suliarinnitarnerup digitalinngortinneranik piareersaasarnermik allanillu pitsaanerusumik suliaqartoqarsinnaalissaq.

Inuit innarluutillit tapersorsorneqarnissaannut Inatsisartut inatsisaata atuuttup aningaasaqarnikkut allaffissornikkullu kingunerisassai oqaaseqaatini nalinginnaasuni allassimapput.

“Inatsisisstatut siunnersummut oqaaseqaatissaviit aajuku:

13. Kinguaassiuutitigut atornerluisarnermut pinaveersaartitsineq *Kinguaassiuutitigut atornerluinermut pinaveersaartitsineq § 33-kut ukkatarinnitoqarnera nuannerpoq*. Tassunga ilanngullugu kinguaassiuutitigut atornerluinermi paasinninnissamut takunnissinnaanngornissamullu sulisut sakkussanik pissarsinissaat pitsaasuuvvoq.”

“14. Meeqjanik pinerliisimannginnermut pineqaatissinneqarsimannginnermullu uppernarsaatit Qulaaniittunut ilassutitut meeqjanik pinerliisimannginnermut pineqaatissinneqarsimannginnermullu uppernarsaatinik pissarsinissaq pillugu piumasaqaatit sukaterneqarnerat pitsasuuvoq.”

“15. ‘Sungiusarneq’-mut malittarisassaqannginnerra Inatsimmi innarluutillit timersorsinnaanerannut malittarisassat amigaataasut maluginiarparput. Kommunalbestyrelsip pisussaaffiisa ataanni § 10-mi` sungiusarneq` allassimavoq. Taamaattorli sungiusarnermi suna pineqarnersoq taassuminngalu kina isumaginnittuussanersoq ersernerluppoq. Soorluttaaq sungiusarneq pillugu innuttaasup piginnaasaminik appasinneranut sammeqqissaartussaavoq, imaluunniit timersuummut tunngasuuppat. Ilutigitillugu kommunip ataani pillorissaasunik timigissaasunillu annertuumik amigaateqartoqarpoq taamaattumik sungiusarnermik ingerlatsisussanik sulisunik amigaateqartoqarluni.”

*Naalakkersuisoqarfiup oqartussap akissutaa:
Tusaatissatut tiguneqarput. § 10-mut oqaaseqaatit itisilerneqarput.*

“16. Sungiusaqqiffissat amigaataasut Sianiutimikkut napparsimasunut sungiusaqqinnissamut sumiiffinnik kiisalu ulloq unnuarlu paaqqinnittarfinnik amigaateqartoqartoq maluginiarneqarpoq. Inuuusuttut amerlasuut sianiutiminnik ajornartorsiuteqarput innarluuteqarlutillu taakkulu inissinneqarnissaannut sumiiffinnik amigaateqartoqarluni. Sineriassuarmi sungiusaqqittarfimmik maannakkut ataasiinnarmik peqarpoq - Pissassarfik. “

*Naalakkersuisoqarfiup oqartussap akissutaa:
Tusaatissatut tiguneqarput. Pisinnaanngortitseqqinneaq angerlarsimaffimi imaluunniit angerlarsimaffiup avataani ingerlanneqarsinnaavoq, ilangullugu Pissassarfimi.*

“17. Sulisut ilinniartinneqannginnerat Sulisinnaasunik piukkunnaatilinnik qammaanissaq periarfissaqanngimmat, inatsimmut tulluartuusunik najukkami pikkorissarnerit ilinniartoqarfiillu ujartorpagut. Assersuutilugu angalasartoqatigiisinnaapput, sineriak sinerlugu angalallutik sulisunillu ilinniartitseqqillutik. Meeqjanut inuuusuttunullu immikkoortumi suleqataasunik pikkorissaanermut ilinniartitseqqinnermullu angalasartoqatigiit taamaattut Isumaginninnermut aqutsisoqarfiup atortarpai. Innarluutilinnut immikkoortumi taamaattut pilersinneqartuuppata iluaqutaassagaluarpoq. Kiisalu meeqjanut inuuusuttunullu maannakkut najugaq qimannagu siunnersuisarfimmik assingusumik inunnut innarluutilinnut najugaq qimannagu siunnersuisarfimmik pilersitsineq.”

*Naalakkersuisoqarfiup oqartussap akissutaa:
Tusaatissatut tiguneqarput. Siunnersummut nassuaatini nalinginnaasuni erseroq siunnersummut atatillugu, ilaatigut pikkorissartitsinernut aningaasartuutaanerusunut aningaasanik immikkoortitsisoqarsimasoq.*

“18. Qarasaasiaq atorlugu sullississut takuuk § 101 Qarasaasiaq atorlugu sullississut nutaaq takuuk § 101, inatsisip atuutilernissaanut naatsorsuutigineqartup kingorna ukiup ataatsip qaangiunnerani aatsaat pilersinneqassasoq naatsorsuutigineqarpoq (tak. § 106 imm. 1 § 106 imm. 4-mik sanilliussisoq). Ilutigitillugu piffissami 2025-2027 digitalinngorsaaneq ingerlanneqassasoq oqaatigineqarpoq. Tamanna isumaqarsinnaavoq, ukiuni 1-2 inatsimmik ingerlatsinermut suliaqarfik sullissinermi atortussanik peqassanngitsoq.”

Naalakkersuisoqarfíup oqartussap akissutaa:

Tusaatissatut tiguneqarput. Atortuulersitsinerup ullussaa 1. januar 2026-mut allanngortinneqarnissaa siunnersuutigineqarpoq. Digitaliusumik sullissinermi ingerlatseriaatsimik atulersitsinissaq ilaatigut suliassanik suliarinnittartut piffissami siullermi atortumik teknikkut siammarterinerup kingorna piareersarneqarnissaat pikkorissartinneqarnissaallu pisariaqartinneqarpoq.

“19. Oqaloqatigiinnernut atortussat amigaataasut
§ 46-mut tunngatillugu oqaloqatiginnittarnernut atortussanik ilitsersuutinillu ujartuivugut.
Inunnut annertuumik timikkut eqqarsartaatsikkulluunniit innarluutilinnik sulisut qanoq oqaloqatiginnittarnissaannut malittarisassanik ersarissunik peqartariaqaraluarpooq.”

Naalakkersuisoqarfíup oqartussap akissutaa:

Tusaatissatut tiguneqarput. § 46-mut oqaaseqaatini oqaloqatigiinnermi pisussaaffik erseqqinnerusumik allaaserineqarpoq. Tamatuma saniatigut malittarisassat erseqqinnerusut Inatsisartut inatsisaannut ilitsersuummi allaaserineqarsinnaapput.

“20. Qallunaat nunaanni kiffartuussinermut inatsimmik assilisaq Tusarniaanermi akissuteqaatisinnit 28/5-24-meersumi soorlu tikkuarnikuugippu, qallunaat nunaanni kiffartuussinermut inatsiminngaanniit toqqaannangajattumik inatsisini aalajangersakkat arlallit assiliinnarneqarnikuupput. Inatsisissatut siunnersuutip nutaap qallunaat nunaanni inatsiminngaanniit tiguseriarluni aalajangersakkanik kalaallit nunaanni pissutsinut iluarsisinnaasimanagillu tulluarsarsinnaasimanngilai. Pingaarnertut § 13-imi (Inatsisip allassimanerani soorlu 52-ini allani taamaattuni "inunnut innarluutilinnut" paarlaallugu "Inuit immikkut tapersorsorneqarnissamut pisariaqartitsisut") aamma §§ 65-66-imi ("inunnut innarluutilinnut" taarsiullugu "inuit timikkut eqqarsartaatsikkulluunniit piginnaasakillnikut") qallunaat nunanni inatsiminngaanniit aalajangersakkat tigusat ataatsimut isigalugit allanngortinneqarnikuunngillat. Taamaattumik taakkua inatsisip allassimaneranut tulluarpallaanngillat tamatumalu saniatigut §§ 65-66-imi suliniutini assersuutitalinnik oqaaseqaatini naammattumik nassuiarneqaratik, taamaalilluni sunarpiaq pineqarnersoq pillugu (qallunaat nunaanni periutsini suliniutit tigussaasorpassuarni atorneqartoq) nalornissutigineqarsinnaalluni.”

Naalakkersuisoqarfíup oqartussap akissutaa:

Tusaatissatut tiguneqarput.

§ 65-mut oqaaseqaatit naapertorlugit taamatut neqeroorutini peqataasarnerit ikiorneqartup massakkut pisinnaasaanut pitsangortitsisinnaassasut imaluunniit pitsaaliuvisinnaassasut, tassalu pisinnaasakinneruneq ajornerulersimassappat, kommunalbestyrelsi nalilersuisimassasoq piumasarineqarpoq.

§ 66-mut oqaaseqaatit naapertorlugit Neqeroornerup tigisisussap massakkut pisinnaasamigut qaffassisusaa nik pitsangortitsisinnaanissa imaluunniit pisinnaasakinnerit inuunikkulluunniit ajornartorsiuitit ajorseriannginnissaannut pitsaaliuinissaq piumasarineqarpoq.

§§ 65-imut §§ 66-imullu tunngaveqarnissamik aalajangersakkamik ilangussisoqarpoq, tassani Naalakkersuisut malittarisassanik sukumiinerusunik aalajangersaasinnaallutik. Tamanna sukumiinerusumik malittarisassiorneqarsinnaavoq taamaalillutik neqeroorutit marluk Kalaallit Nunaanni pissutsinut naleqqussarneqassammata.

“21. Inatsimmik ilusilersuineq Inatsit annertuumik ilusilersornerlunneqarsimavoq. Assersuutigiinnarlugu § 68 ikorsiissutaasinnaasut pillugit allattorsimaffimmik imaqarpoq, inatsisip allassimanerani ataasiakkaartumik taaneqarani. Ikuutaasinnaasut tamarmik naatsumik allaaserineqarnissaat inatsimmilu ataasiakkaartinneqarnissaat isumatsialaasinnaagaluarpoq aammalu nalunaarummi tigussaasunngortinnejarlutik. Uanga isumaga malillugu inatsimmik pitsaamerusumik ilusilersuineremi assersuutaasinnaavoq utoqqarnut ikorsiissuteqartarneq pillugu inatsisissatut siunnersuut nutaaq.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

“22. Utoqqalilluni pensionisiaqalernermi inatsimmi § 16-imik atorunnaarsitsineq § 106 imm. 5-imi allassimavoq: *“Utoqqalinersiaqarneq pillugu Inatsisartut inatsisaat nr. 20, 23. november 2015-meersumi § 16 atorunnaarsinnejarpoq”*. Tamanna taamatut ingerlannejarsinnaanersoq nalornissutigivarput. Tamatuma saniatigut § 16 peqqissutsimut innarluuteqarnermullu tapimik (*“Peqqinnermut pisariaqartitsinerup malitsigisaanik aningaasartuuteqarneruneq, isarussanik pissarsineq ilanngullugu”*) imaqarpoq, taamaattumik atorunnaarsitsinerup kingorna peqqinnissamik pisariaqartitsinermik utoqqalinersiaqalerneq ajornerusunngortinnejannginnissa qulakkiissallugu pingaaruteqarpoq.”

Naalakkersuisoqarfíup oqartussap akissutaa:

Tusaatissatut tiguneqarput. Utoqqalinersiaqarneq pillugu inatsimmi § 16-ip atorunnaarsinnejarnera maannakkut siunnersuummi naammassineqarsinnaanera uppernarsarneqarsinnaavoq. § 3 naapertorlugu Inatsisartut inatsisaat manna inunnut

innarluutilinnut Kalaallit Nunaanni najugalinnut ukiui apeqqutaanatik, ukiui apeqqutaallutik pisinnaasakinnerusunut utoqqaallu angerlarsimaffiini najugalinnut atorneqassaaq. Kiisalu aamma § 68, nr. 5 naapertorlugu siunnersuutigineqarpoq aningaasartuuteqarnerulerterit pillugit malittarisassat sukumiinerusut aalajangersarnissaat.

“23. Atuutsitsilernissamut iliuusissatut pilersaarutit ersarissut amigaataasut Inatsimmik atuutsitsilernissamut iliuusissatut pilersaarutit ersarissut amigaataapput. . Inatsit akuerineqartillugu inatsimmik atuutsitsilernissamut ilitsersuutit skabelonillu piareersimasarnissaat kissaatiginarpoq. Ersarissunik iliuusissatut pilersaarutinik, skabeloninik ilitsersuutinillu peqarani inatsimmik atuutsitsilertoqarsinnaanngitsoq uagut misilittagaqarfingivarput. Tamanna ingammik innarluutilinnut immikkoortortaqarfimmi sulisut amerlasuut ilinniarsimasuutinnagit pisarpoq.”

Naalakkersuisoqarfiup oqartussap akissutaa:

Tusaatissatut tiguneqarput. Siunnersuummut oqaaseqaatini nalinginnaasuni siunnersuutip atortuulersinnissaanut aningaasat illikartinneqarsimapput, ilanngullugit ilitsersuummut il.il.

“24. Kommunimut aningaasaqarnikkut kingunissaanik naatsorsuineq amigaataasoq Qeqqata Kommuniata uparuarnikuuaa inatsimmik allannguinermut atatillugu kommuninut aningaasartuititigut kingunissaasinnaasut naatsorsorneqarnikuunngitsut. Inatsimmik allannguinermut tunngatillugu aningaasaqarnikkut kingunissat naatsorsorneqassasut kingornalu inernerri kommuninut nassiunneqassasut sakkortunerpaamik kissaatigivarput, taamaalilluni ataatsimut tapiissutinik isumaqatiginninniarnissamut qaqinneqarsinnaaniassammat.”

Naalakkersuisoqarfiup oqartussap akissutaa:

Kommuninut aningaasaqarnikkut kingunissat oqaaseqaatini nalinginnaasuni allassimapput.

“Qeqqata Kommuniata aammattaaq tullinnguuttut maluginiarpai:

- § 56, imm. 3 - "imm. x" naqinnerlutaq"

Naalakkersuisoqarfiup oqartussap akissutaa:

Ilanngunneqarpoq.

"- § 54-imi suliamik nalileeqqinnej **"siuliatigut suliamik matuminnga suliarinnissimanngitsumik sullissisumit isumagineqassaaq"**. Kommunimi sullissisut qaffasissusaannik tassungarpiaq piumasaqaatalimmik nuna tamakkerlugu inatsimmik siusinnerusukkut takusaqarnikuunngilagut.”

Naalakkersuisoqarfiup oqartussap akissutaa:

§ 54-imut oqaaseqaatini ima allassimavoq: "Matumani ilaatigut suliamik suliariinnittarnermi suliatigut ilisimasanik siuarsaanissaq siunertarineqarpoq."

“- Paragrafi qasuersaarnermut tunngassuteqaraluartoq § 67-imi imm. 6-imi "paarsinersiutit" taaneqarput, taamaattumik oqariartaaseq "qasuersaartitsinersiutit" atorneqartariaqaraluarpooq imaluunniit paatsiveeruttoqarnissaa pinngitsoornissaanut "akissarsiat" atorneqaannarluni. “

Naalakkersuisoqarfíup oqartussap akissutaa:

Naleqqussarneqarput. § 67, imm. 6 "qasuersaartitsinersiutit"-nut aaqqinnejqarpoq.

“- § 73-imi ilerrinik assartuinermi imm. 2 ilanggunnejqarpoq: ***"Inatsit alla malillugu ilerrinik assartuinissamut aningaasartuutinut tapiissuteqartoqarsinnaanngippat, taamaallaat § 1 atorneqarsinnaavoq"***. Pisortanit ikorsiissuit pillugit Inatsisartut inatsisaanni § 34 imm. 2 naapertorlugu soorunami ikorsiissuteqartoqarsinnaavoq aammalu atugassaanera nalinginnaasorujussuuvoq, taamaattumik tassunga tunngatillugu § 73 qanoq inissismassanersoq nalunarluni. Pisuni assingusuni malittarisassaq taaneqartartoq "lex specialis" nalinginnaasumik immaqa atorneqassagaluarpoq, § 73 ilaqtariinni kingornussisussaniluunniit aningaasaqarnermit attuinnginnera pissutigalugu. “

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguiteqarnissamut pissutissaqalersitsinngillat. Oqaasertaliorneri eqqortuusutut isigineqarput taamaammallu aalajangiusimaneqarlutik.

“Naggataatigut utoqqarnut tapersersuinermit inatsit innarluutilinnut tapersersuinermit qaleriittuusimmat inatsimmik paatsiveerusimaartitsisinnaavoq, tassani kingullertut `inuit atugarliortut` taamaallaat ataasiaannarlugit (§17 imm. 3-mi), tamatumalu kingorna innarluutilinnut tapersersuisarnermut inatsit assigalugu timimik, eqqarsartaatsimik, pikkorissutsimik maluginiutilluunniit ilisarnaataannik piginnaasatigut annikillisimaneq taakkartorneqarmat. “

Naalakkersuisoqarfíup oqartussap akissutaa:

Tusaatissatut tiguneqarput. Siunnersuummi matumani § 1, imm. 1 naapertorlugu manna atuuppoq: "Inatsit manna naapertorlugu inunnut timikkut tarnikkulluunniit pisinnaasakinnerulersimasunut tapersersuisarnissami inuit innarluutillit tamarmik allat assigalugit inunnut pisinnaatitaaffinnik tunngaviusumillu kiffaanngissuseqarnissamut pisinnaatitaaffinnik tamakkiisumik pissarsisarnissaanut siuarsaanissaq, illersuinissaq periarfissaqartitsinissarlu siunertaavoq."

“Kommunini allani Atugarissaarnermut pisortaanernik oqaloqateqarneq aammalu inatsisisstatut siunnersummi "kukkunerit" amigaatillu ersarissut tunngavigalugit Qeqqata Kommuniata innersuussutigivaa kommuninik qanumut suleqateqluni inatsisisamik siunnersummik nutartikkamik suliaqartoqassasoq. Taamaaliornikkut inatsisisstatut siunnersuut piviusorsiorstuussasoq aammalu kommuninut innuttaasullu pisariaqartitaannut tulluarsagaassasoq qulakkeerneqassalluni.”

*Naalakkersuisoqarfiup oqartussap akissutaa:
Tusaatissatut tiguneqarput. Tusarniaaffigineqartut tamarmik oqaaseqaataat sapinngisamik siunnersummut matumunnga naleqqussarlugit ilanngunneqassapput.*

4. Kommune Kujalleq

“Ilisimaneqartutut Kommune Kujalleq kommunit allat assigalugit oqartussaassuseqarnerup ingerlatsinerullu iluaniinnaanngitsoq, ilinniarsimasunik sulisussanik pissarsiniarnermi unammilligassaqartorujussuunera, aamma innuttaasoq innarluutilik pisinnaasakinnerulermissaa pinnagu inuiaqatigiinniit ikiorneqartariaqarnera pissutigalugit suliassanik ulikkaarpoq, taamaattumik Kommune Kujalleq ernumasinnaavoq piumasqaatigineqartunik naammassinissaminut ajornartoorsinnaanerminut annertusiartortunillu unammilligassaqarsinnaanerminut.

Inatsisisstatut siunnersummi nutaami aamma aningaasaqarnikkut naatsorsuussinermi Kommunit aningaasartuutaannut aningaasartuutit taamaallaat Inatsisartut inatsisaannik aqutsinernut siunertaqarput, ukiunut tulliuttunut aningaasat qanoq annertutigisut aalajangiunneqarsimanersut Naalakkersuisunut apeqqutigerusunnarpoq.”

”Nassuaatinut, paragrafinut nalinginnaasunut

Siusissukkut suliniutit aamma taaguusersuut pillugit § 13-imut:

Kommune isumaqarpoq taaguusersuut meeqqanut tapersersuisarnermut inatsimmit tiguneqartoq, innersuussutigineqarpoq taamatut isikkoqartillugu akuerineqassappat, nalunaarutikkut imaluunniit ilitsersuinermik ilusilimmik, suliniutit taaguusersuutillu sorliit kivinneqassanersut annertunerusumik nassuiardearlutillu erseqqissarneqassasut.”

*Naalakkersuisoqarfiup oqartussap akissutaa:
Tusaatissatut tiguneqarput. Siusissukkut suliniuteqarneq pillugu aalajangersagaq
Inatsisartut inatsisaannut ilitsersuummi itisilerneqassaaq sukumiinerusumillu
nassuaatigineqassalluni.*

”16-imut

Erseqqinnerusumik erseqqissaasoqarnissaa kissaatigineqarpoq, ilaatigut "immikkut ittumik immikkullu suliniuteqarneq" qanoq isumaqarnersoq, kiisalu inuit innarluutillit "immikkut atugaliortutut" nalilerneqarsimasut qanoq paasineqarsinnaanersut?"

Naalakkersuisoqarfíup oqartussap akissutaa:

Tusaatissatut tiguneqarput. § 16-imut oqaaseqaatini ima allassimavoq: "Aalajangersagaq manna inunnut innarluutilinnut isumaginninnikkut suliaqarfioreersunut, inuup imaluunniit taassuma inuunikkut atugarliuutinik naapitsisarneranut, malittarisassiorfiuvoq."

"Immikkut ittumik immikkullu suliniuteqarneq" tassaavoq suliniuteqarnermi pissutsit tamarmik inuuniarnikkut atugarliornermut pingaaruteqartut ilaatinneqarnissaat. "Immikkut atugarliortunut" assersuut tassaasinnaavoq innuttaasoq innarluutilik angerlarsimaffimi najugaqartoq, tassani angajoqqaatut oqartussaassuseqartut immikkut atugarliuuteqartut.

"§§ 36-mut aamma 39-mut

Kalaallit Nunaata avataanut inissiigallarnermi Naalakkersuisut piumasaqaatigisartagassai Kommune Kujalliup ajornartorsiutaasutut isigai. Naalakkersuisut Danmarkimi oqartussaqfimmit attuumassuteqartumit tigusinermik allakkamik imaluunniit akuerisaanermik allakkamik piumasaqarpat? Kommunip isumaa tassaavoq pissutsit ajornartorsiutaassasoq, tassami danskit kommuneqarfiini innersuussisarnerup ingerlanera sivisusinnaammatt, tassani suliaq pereerpat aatsaat najugaqarnermut neqeroorfigineqarnissamut akuersisummiik "pissarsisinnaasarluni".

Taamatut pisoqartillugu akiliisarnissaq pillugu Danmarkimi neqeroorutinik/kommuninik il. il. isumaqatigiissuteqarnissamut pisussaaffeqarnissamik naatsorsuuteqartoqarsinnaavoq. Taamaalilluni Danmarkimi suleqatitaarsinnaanermut pissutsit qanoq ikkaluarpataluunniit sunniuteqarsinnaavoq."

Naalakkersuisoqarfíup oqartussap akissutaa:

Tusaatissatut tiguneqarput. Inatsisartut inatsisaannut ilitsersuummi Kalaallit Nunaata avataani inissiigallartarnernut pingaarutilimmik periutsit pissutsillu sukumiisumik nassuiarneqassapput, taakkua Kalaallit Nunaata avataanut piffissami aalajangersimasumi inissiisoqarnissaanut innersuussisoqartillugu kommunini sulianik suliarinnittartunut iluaqutaasussat.

"§ 55 imm. 3-mut

Kommunip allannernik issuakkanik ilanngussilluni ima isummerpoq ernumassuteqarlunilu: "Inunnut innarluutilinnut 18-it inorlugit ukiulinnut tunngatillugu isumaginninnikkut misissuinermik aallartitsinissamut tunngavissaqarnersoq pillugu aalajangiisoqartariaqarpoq, tak. meeqqanut tapersersuisarnermut inatsimmi § 19". Kommunip ernumassutaa tassaavoq immikkoortortaq sorleq aalajangiisuussanersoq nalorninartoqarsinnaanera, erseqqissaasoqarnissaalu innersuussutigineqarluni."

Naalakkersuisoqarfiup oqartussap akissutaa:

*Tusaatissatut tiguneqarput. Siunnersuutip matuma kommunip iluani sulianik
agguassisarneq maleruagassiorfigisinnaanngilaa. Tamanna kommunit namminersorlutik
oqartussaaffiata ataaniippoq.*

"§ 63-imut

Inuit ukiut apeqqutaallutik pisinnaasakinnerulersimasut aamma inuit utoqqaat angerlarsimaffiini najugallit ilanngunniarlugit inatsimmi sullinneqartartut annertusarneqareernerata kingorna kommunip naatsorsuutigaa qinnuteqaatit malunnartumik amerleriarnissaat qaffariarnissaallu, utoqqaallu illuini / angerlarsimaffimmi paaqqutaqarfiusumi najugaqartut amerleriarnissaat, taakkua ingiallorqearnissamut piumasaqaatinik naammassinnittussat. Kommunip innersuussutigaa Naalakkersuissut isummerfigissagaat, "isumaginninnermi perorsaasumit tapersorsorneqarnissamik pisariaqartitsineq" pillugu ukiunik killilersuinermik atuutilersitsinissaq, ass. utoqqalinersiaqarnissamut piumasaqaatinut qaqugukkulluunniit atuuttunut naapertuuttumik

Tamatumalu peqatigisaanik ilitsersuummi taaguusersuutit tullinnguuttut ersarissumik nassuiardeqarnissaat innersuussutigineqarpoq, isumaginninnermi perorsaasumit tapersorsorneqarneq, tapersorsorteqarnermut akunnerit / tapersersorti qanoq assigiinngissuteqarnersut, inatsimmi suliniutit kissaataasut sorliit atorneqassanersut."

Naalakkersuisoqarfiup oqartussap akissutaa:

§ 63-imi ingiaqateqartitsineq pineqarpoq.

Inatsisartut inatsisaanni atuuttumi inunnut innarluutilinnut tapersersuinissamut qanoq utoqqaatiginissaq killeqartinneqanngilaq. Maannakkut siunnersuummi § 3-mi erseqqissarneqarpoq inuit innarluutillit tapersorsorneqarnissaat pillugu Inatsisartut inatsisaanni inuit innarluutillit utoqqaat angerlarsimaffiini najugaqartut ilaatinneqartut.

"§ 67-imut

Inatsisisatut siunnersuummi nutaatut malugineqarpoq tusarniaanermi siullermiit suliassaassaaq-junnaarluni suliarineqarsinnaasoq-mut allanngortinneqarsimasoq. Tamanna pillugu nassuaat sukumiinerusoq kissatigineqarpoq."

Naalakkersuisoqarfiup oqartussap akissutaa:

Tusaatissatut tiguneqarput. § 67-ip oqaasertaliornera "-sasoq"-mut allanngortinneqarpoq, soorlu aamma § 67-imut oqaaseqaatini takuneqarsinnaasoq.

"§§ 70 – 72-imut

Kommunip ajornartorsiutaalaartutut isigaa taaguut "malitseqartitsisarneq" inunnut innaluutilinnut tapersersuinermut pisussaaffittut maanna saqqummiunneqarmat, meeqqammi tapersorsorneqarnissaannut inatsimmut innuttaasullu innarluutillit tapersorsorneqarnissaannut

pisussaaffit immikkoortinnejarnissaat ajornartorsiutaasinnaavoq ajornakusoorsinnaallunilu. Kommunip aamma nalilerpaa, taaguut "efterskolerneq" meeqqanut tapiissutit pillugit inatsit aamma atorneqartillugu "malitseqartitsisarneq" qanoq isumaqarnersoq erseqqisumik ilisimassallugu ajornakusoorsinnaasoq.

Kommunip aamma nalilerpaa taaguut "malitseqartitsisarneq" meeqqat tapersorsorneqarnissaannut inatsimmut atorneqartillugu "malitseqartitsisarneq" qanoq isumaqartinnejavinnersoq paassisallugu ajornakusoorsinnaasoq.

Tamatuma saniatigut ajoraluartumik suli maluginiarneqartarpoq nassuaatini nalinginnaasuni allatanik taaguusersuutinillu kukkunerit, tamannalu minnerunngitsumik innarluutillit atugaasa pitsangorsarneqarnissaat eqqarsaatigalugu suliap tutsuiginassusaa pillugu apeqqusiinermik kinguneqartitsisarluni. Assersuutigalugu kalaallisuuani allanneqartarpoq Kalaallit Nunaat Naalagaaffik, aamma Innarluutilinnut Naalakkersuisoqarfik."

Naalakkersuisoqarfiusup oqartussap akissutaa:

Tusaatissatut tiguneqarput. Siunnersuut oqaasilerinermik oqaatsitigullu kukkuluttorneri eqqarsaatigalugit pitsaassutsikkut qularnaarneqassaaq.

"Malitseqartitsisarneq" pillugu aalajangersakkamut nutaamut tunngatillugu tamanna meeqqap innarluutillip inersimasunngornissaanut pitsaasumik ikaarsaarnissaa qulakkiissavaa, tamanna aalajangersakkami kiisalu oqaaseqaatini ersarissumik takuneqarsinnaasoq. Meeqqat tapersorsorneqarnissaannut Inatsisartut inatsisaannut attuumassuteqarfiusut siunnersuummut matumunnga ilitsersuummi sukumiinerusumik nassuiarneqassapput.

5. Avannaata Kommunia

"Avannaata Kommunia suli tamakkiisumik isumaqarpoq inatsisissatut siunnersuut peerneqartariaqartoq.

Inuit innarluutillit tapersorsorneqarnissaannut isumaginninnermut inatsisinik kommunit ingerlatsinerat aqutsinerallu pillugu, 1. januar 2020-p kingorna ingerlanneqartut (tassa imaappoq inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersup atuutilernerata kingorna) kommunit ilai peqatigalugit Nakkutilliisoqarfimmit nakkutilliisoqarnera pillugu Nakkutilliisoqarfimmit nalunaarusiat arlaqartut takutippaat kommunit misissugarineqarsimasut tamaasa inatsimmik eqquutsitsinissaminut ajornakusoortitsinngikkunik ajornartoorujussuartut.

Kommunit arlaleriarlutik oqaatigisarpaat tamanna pissuteqartoq inatsisip paasiuminaallingaluttuinnarnera allaffissornermillu annerusumik pisariaqartitsingaluttuinnarnera, aammalu sulisunik ilinniarsimasunik atorfinitssinissaq atorfekartitsiinnarnissarlu ajornakusoormat. Ullumikkut inatsisissatut siunnersuut aamma assersuutaavoq inatsisip ajornakusoornerusumik aqunneqarneranik.

Taamaattumik erseqqippoq aningaasanik ilaqaanngippat kommunit inatsimmi piumasagaataasut naammassisinnaanngikkaat.

Meeqqat tapersorsorneqarnissaannut inatsimmi § 14-imi sulianik suliaqarnerup iluani iliuusissanik aalajangersimasunik Isumaginninnermut Aqutsisoqarfip ikiuussinnaanera periarfissaavoq. Aalajangersagaq siusinnerusukkut § 14, imm. 2-mi aalajangersakkamik tulliusumik imaqrarluarpoq: Isumaginninnermut Aqutsisoqarfik suliap aalajangiiffiqeqarnissaallugu allakkatigut pissutissaqarluartumik communalbestyrelsimit saqqummiussissaq.

Aalajangersakkap taassuma kingorna Avannaata Kommunia Isumaginninnermut Aqutsisoqarfimmut ikiorneqarnissamik arlaleriarluni qinnuteqartarsimavoq, tamatigulli itigartinneqartarsimalluni. Aammattaaq meeqqat tapersorsorneqarnissaannut Inatsisartut inatsisaata allanngortinera pillugu Inatsisartut inatsisaanni nr. 68, 20. november 2023-meersoq (Meeqyanut aamma ilaqtariinnut sullissiviit tunngavissaqarnissaat, ataatsimut suliassanik suliarinneriaatsit digitaliusut, Isumaginninnermut Aqutsisoqarfip sulianik ersarissaaneq il. il.) allanngortinneqarneratigut, Avannaata Kommunianit akerliussutsimik takutitsisoqaraluartoq qulaani taaneqartoq § 14, imm. 2 peerneqarpoq. Taamaalilluni tamanna assersuutaalerpoq kommunit ikiornerneqarnissamik qinnuteqarluarpataluunniit allanngortoqarneq ajornera ikiorneqarnissamullu periarfissat annikillisarneqartarnerat. Inatsisissatut siunnersuut allanngortinnagu akuersissutigineqassappat piviusorsiorpaluttumik nalilfersuineq tunngavigalugu nunatta karsianiit aningaasaliisoqassaaq, sulianik suliarinnittarnermut suliassanillu nutaanik assigiinngitsunik suliaqarnermut assersuutigalugu inissianik pilersitsinermut aningaasartuutinut, suliniutinut nutaanut aamma sulisunut tunngatillugu.

Taamatuttaaq inatsisissatut siunnersuummi tikeraarluni angalanerit pillugit aalajangersakkat taamatut isikkoqartillugit akuersissutigineqassappata, tikeraarluni angalasarernut kommunit aningaasartuutaat annertuumik malunnaatilimmik qaffariassapput. Avannaata Kommuniata paasilluarpaanuit innarluutillit ilaqtaminnut angerlarsimaffimmullu attaveqarluartarnissaat pingaaruteqartoq. Taamaattorli naatsorsuutigineqarsinnaasimangilaq innarluutillinnut suliassaqafik kommuninut tunniunneqarmat aningaasartuutit taakku annertuumik qaffakkiartorumaartut. Avannaata Kommuniata nalilerpaa aningaasartuutissat naatsorsorneqartut nassuaatini qupperneq 12-imi allassimasut piviusungorsinnaanngitsut taamaattumillu taakku aningaasartuutit amerlanerusut pillugit kommunit piviusumik taarsiiffiqeqarnissaat piumasarissavaa.

Oqaaseq “pilersuinissamut pisussaaffik” allanngortinneqartariaqarpoq assersuutigalugu “ikiorsiissutinik neqerooruteqartussaatitaaneq”, tassami “pilersuinissamut pisussaaffik” nalinginnaasumik nerisassanut, orsussanut assigisaannullu atatillugu atorneqartarmat, taamaattumillu paatsoorneqarsinnaalluni.

Naalakkersuisoqarfip oqartussap akissutaa:

Tusaatissatut tiguneqarput. Nassuaatini erserpoq maannakkut siunnersuut Inatsisartut inatsisaannik aamma aningaasanut inatsit pillugu isumaqatigiissummik aalajangiinermut malitseqartoq.

Inuit innarluutillit tapersorsorneqarnissaannut inatsimmik kommunit aqtsinerat aamma kommunit inatsimmik malinninnissaminnut ajornartorsiuteqarnerat pillugit nakkutilliinermi nalunaarusiat Naalakkersuisoqarfiup maluginiarsimavai. Pingaartumik tamanna pissutigalugu siunnersuummi matumani siunnersuutigineqarpoq innarluutilinnik sullissineq digitalinngortinneqassasoq. Innarluutillit pillugit suliassanik suliaqarnerup digitalinngortinneqarnera innarluutillit pillugit suliassanik suliaqarnermi pitsaassusaanik qulakkeerinninnissamut maannakkut ajornartorsiutaasunik aaqqiinissamut annertuumik sunniuteqassaaq.

Sullitat tikeraartarnerinut aningaasartuuteqarnerulermerisa naatsorsorneri paassisutissanik tatiginartunik tunngaveqarput.

Oqaaseq “pilersuinissamut pisussaaffik” “ikiorssiissutinik neqerooruteqartussaatitaaneq” - mut allanngortinneqarpoq.

” Oqaaseqaatit ersarissut:

§ 1 pillugu: kommunip aalajangersakkamut oqaaseqaatai maj 2024-mi nassiunneqartoq innersuussutigineqarput.

§ 1-imut oqaaseqaatit pillugit: kommunip aalajangersakkamut oqaaseqaatai maj 2024-mi nassiunneqartoq innersuussutigineqarput.

§ 2, nr. 4 pillugu: ilanngunneqartariaqarpoq: ”....ajortumulluunniit sammisumik ineriartorneq.”

Naalakkersuisoqarfiup oqartussap akissutaa:

Ilanngussaq 1 innersuussutigineqarpoq.

Ilanngunneqartussatut siunnersuutigineqartoq § 2, nr. 4-mut oqaaseqaatinut naleqqussarlugu ilanngunneqarpoq.

”§ 2, imm. 6 pillugu: inatsisip oqaasertai maanna imaalillugit allanngortinneqarsimammata: ”...23-nik ukioqalernissaq ilanngullugu..” oqaaseqaatit naapertuuttumik allanngortinneqartariaqarput.”

Naalakkersuisoqarfiup oqartussap akissutaa:

Oqaaseqaat naleqqussarlugu ilanngunneqarpoq.

”§ 3 pillugu: oqaaseqaateqarfingineqanngilaq.

”§ 4 pillugu: oqaaseqaateqarfingineqanngilaq.

”§ 5 pillugu: oqaaseqaateqarfingineqanngilaq.”

§ 6, imm. 2-imut oqaaseqaatit pillugit: kommunip aalajangersakkamut oqaaseqaatai maj 2024-mi nassiunneqartoq innersuussutigineqarput.”

Naalakkersuisoqarfiup oqartussap akissutaa:

Ilanngussaq 1 innersuussutigineqarpoq.

"§ 7 pillugu: kommunip aalajangersakkamut oqaaseqaatai maj 2024-mi nassiunneqartoq innersuussutigineqarput."

Naalakkersuisoqarfíup oqartussap akissutaa:

Ilanngussaq 1 innersuussutigineqarpoq.

"§ 8, imm. 3-imut oqaaseqaatit pillugit: kommunip aalajangersakkamut oqaaseqaatai maj 2024-mi nassiunneqartoq innersuussutigineqarput."

Naalakkersuisoqarfíup oqartussap akissutaa:

Ilanngussaq 1 innersuussutigineqarpoq.

"§ 9 pillugu: oqaaseqaateqarfingineqanngilaq.

§ 10 pillugu: Oqaaseqaateqarfingineqanngilaq."

§ 11 pillugu: Avannaata Kommuniata oqaaseqaataani siunnersuutit maj 2024-mi nassiunneqartut maanna naleqqussarlugit ilanngunneqarsimammata Avannaata Kommunia maanna oqaaseqaatissaqanngilaq."

"§ 12 pillugu: oqaaseqaateqarfingineqanngilaq.

§ 13 pillugu: siusinnerusukkut inatsisissatut siunnersummi kommunip § 16-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Ilanngussaq 1 innersuussutigineqarpoq.

"§ 14 pillugu: oqaaseqaateqarfingineqanngilaq.

§ 15 pillugu: Avannaata Kommuniata siunnersuutaa maj 2024-mi nassiunneqartoq taamani § 13-iusumut oqaaseqaatini, maanna naleqqussarlugi ilanngunneqarsimammata Avannaata Kommunia maanna oqaaseqaatissaqanngilaq.

§ 16 pillugu: siusinnerusukkut inatsisissatut siunnersummi kommunip § 14-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Oqaaseqaatit ilaatigut naleqqussarlugit ilanngunneqarput. Oqaaseq "malittarisassiorpoq" oqaatsimit "tunngatinneqarpoq"-mit allaanerusumik isumaqarpoq.

"§ 17 pillugu: siusinnerusukkut inatsisissatut siunnersummi kommunip § 15-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Tusaatissatut tiguneqarput. Oqaaseqaat siunnersuummi allanngortitsinissamut pissutissaqartitsinngilaq.

"§ 18 pillugu: oqaaseqaateqarfingineqanngilaq.

§ 19 pillugu: oqaaseqaateqarfingineqanngilaq.

§ 20 pillugu: aalajangersagaq, inatsisissatut siunnersuummi siuliani § 17-iusoq, maanna annertuumik annertusarneqarmat, Avannaata Kommunia oqaaseqaatissaqanngilaq.

§ 21 pillugu: siusinnerusukkut inatsisissatut siunnersuummi kommunip § 20-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqanngilaq. Aaqqiissutaagallartoq immaqa tassaasinnaavoq ikorsiissutaasut amerlillugit angerlarsimaffimi inissisimagallarneq. Inunnut pineqartunut suliani tamani inummut innarluuteqartumut pisariaqartinneqartut tulluartumik qanoq aaqqiivigigallassanerlugit naliliinerussaaq inummut pineqartumut piviusorsior toq. Aalajangersagaq suleriaatsimut atuuttumut erseqqissaaffiuvoq.

“§ 22 pillugu: Avannaata Kommunia kommunimi illoqarfinni nunaqarfinnilu tamani najugaqaqtigii finnik pilersitsinissaminut ingerlatsinissaminullu periarfissaqanngilaq. Taamaattumik nalunaarutinngortussami erseqqissarneqartariaqarpoq najugaqaqtigii sumi inissisimassanersut pillugu kommunip nalilersuinera .”

Naalakkersuisoqarfiup oqartussap akissutaa:

Ilanngunneqanngilaq. Maanna siunnersuummi aammalu Inatsisartut inatsisaanni atuuttumi, nalunaarusiamiluunniit malittarisassiorneqanngilaq kommunip illoqarfiutaani nunaqarfiutaanilu tamani najugaqaqtigii fimmik kommune pilersitsissasoq ingerlatsillunilu.

"§ 23 pillugu: oqaaseqaateqarfingineqanngilaq.

§ 24 pillugu: oqaaseqaateqarfingineqanngilaq.

§ 25 pillugu: oqaaseqaateqarfingineqanngilaq.

§ 26 pillugu: oqaaseqaateqarfingineqanngilaq.

§ 27 pillugu: siunnersutigineqassaaq oqaasertaliorneq: “paasissutissat inummut tunngasut isertuussassat ...” allanngortinneqarpoq: "... inuk pillugu paasissutissat mianernartut ...”, tamanna inatsisini allani atorneqartutut oqaasertalersuinernut naapertuutuummat, oqaasertalersuineq taamannak oqaatsitigut eqqortuuvoq.”

Naalakkersuisoqarfiup oqartussap akissutaa:

Ilanngunneqanngilaq. "Paasissutissat inummut tunngasut isertuussassat " inatsisitigut taaguutaavoq eqqortoq. GDPR-imi inunnut paasissutissat nalinginnaasut mianerisassaangitsut aamma paasissutissat inummut tunngasut isertuussassat immikkoortinneqarput.

“§ 28-mut oqaaseqaatit pillugit: oqaasertaliorneq: ”.... timikkut imaluunniit tarnikkuatataavartumik pisinnaasakinnerulersimasoq....” allanngortinneqartariaqarpoq: “...timikkut, tarnikkuat, silassorissutsimikkut imaluunniit misigissutsimikkut ataavartumik pisinnaasakinnerulersimasoq....”, tassami tamarmik - § 2-mi nassuaat naapertorlugu - ilaatinneqartariaqarmata.”

*Naalakkersuisoqarfiup oqartussap akissutaa:
Ilanngunneqarpoq.*

"§ 28 pillugu: oqaaseqaateqarfingineqanngilaq.
§ 29 pillugu: oqaaseqaateqarfingineqanngilaq.
§ 30 pillugu: oqaaseqaateqarfingineqanngilaq.
§ 31 pillugu: siusinnerusukkut inatsisissatut siunnersuummi kommunip § 103-imut oqaaseqaatai maj 2024-mi nassiunneqartut innersuussutigineqarput. Taakku imaapput: ”§ 103, imm. 2 + 3 pillugit: Inuk innarluutilik, inuit innarluuteqanngitsut assigalugit, tigusarinninnerup nalaani, tigusarinninnerup sivitsuiffiginissaani, tigummigallarneqarnissaani kiisalu allatut iliuuseqarnissami politiinit imaluunniit pinerluuteqarsimasunut isumaginnittoqarfimmiit tigummigallarneqartussaapput. Taamaammat tamatuma sumiiffimmi inuup pisariaqartitaanik matussusiiffiusinnaasumi pisarnissaa politiit imaluunniit pinerluuteqarsimasunut isumaginnittoqarfiup akisussaaffigisussaavaat. Politiit eqqartuussiveqarfillu suliassaqarfiummata suli tiguneqarsimannngitsut ilanngullugu malugeqquneqarpoq, taamaammallu taamaaliornikkut akisussaaffiup kommuninut nuunnissaanut tunngavissaqanngilaq. Taamaammat § 103, imm. 2 + 3 inatsimmit peertariaqarput.
Avannaata Kommunia naliliinera malillugu pingaarutilerujussuuvoq kommunip oqaaseqaatai pimoorunneqarnissaat eqquutsinneqarnissaallu.”

*Naalakkersuisoqarfiup oqartussap akissutaa:
Ilanngunneqanngilaq. Kalaallit Nunaannut Eqqartuussisarnermut Inatsit aamma Kalaallit Nunaannut Pinerluttulerinermik Inatsit naapertorlugit isumaginnittoqarfik taannaavoq inatsisitigut aalajangiinernut eqqartuussissutinullu atortussanngortitsisussaq”*

"§ 32 pillugu: Oqaaseqaateqarfingineqanngilaq.
§ 33 pillugu: Oqaaseq: ”...ulloq unnuarlu neqeroorut..” allanngortinneqartariaqarpoq, paaqqinnittarfinni assigiinngitsuni sumiluunniit, ulluunerani neqeroorutini aamma ulloq unnuarlu neqeroorutini kinguaassiuutitigut atornerluisoqarsinnaammat.”

*Naalakkersuisoqarfiup oqartussap akissutaa:
Ilanngunneqanngilaq. § 33 kapitali 5-imiippoq, tassani ulloq unnuarlu neqeroorutit pineqarlutik. Ulluunerani neqeroorutit kommuninit ingerlanneqarput, taamaattumik*

ulluunerani neqeroorutini sulisunut kommunimi maleruagassanut eqqumaffigineqartussat suliarineqarsinnaapput.

"§ 34 pillugu: siusinnerusukkut inatsisissatut siunnersuummi kommunip § 59-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Tusaatissatut tiguneqarput. Kommunip oqaaseqaataa Kalaallit Nunaanni najugaqarnissamut neqeroorutinut malitseqartitsisinnaavoq, taamaattorli Kalaallit Nunaata avataani najugaqarnissamut neqeroorutinuunngitsoq, taakkua Danmarkimi aamma Kalaallit Nunaanni ulloq unnuarlu najugaqartitsinerit pillugit Nalunaarummi malittarisassiorneqarsimasut.

"§ 35 pillugu: siusinnerusukkut inatsisissatut siunnersuummi kommunip § 60-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Tusaatissatut tiguneqarput. Kommunip oqaaseqaataa Kalaallit Nunaanni najugaqarnissamut neqeroorutinut malitseqartitsisinnaavoq, taamaattorli Kalaallit Nunaata avataani najugaqarnissamut neqeroorutinuunngitsoq, taakkua Danmarkimi aamma Kalaallit Nunaanni ulloq unnuarlu najugaqartitsinerit pillugit Nalunaarummi malittarisassiorneqarsimasut

"§ 36 pillugu: siusinnerusukkut inatsisissatut siunnersuummi kommunip § 48, 48-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Ilanngunneqanngilaq. Naalakkersuisoqarfíup maanna oqaasertaliussat taakkununngalu oqaaseqaatit aalajangiusimaannarpai.

"§ 37 pillugu: oqaaseqaateqarfingineqanngilaq.

§ 38 pillugu: oqaaseqaateqarfingineqanngilaq.

§ 39, imm. 2, nr. 6 pillugu: ilanngunneqartariaqarpoq: "imaluunniit qulaajaaneq."

Naalakkersuisoqarfíup oqartussap akissutaa:

Ilanngunneqarpoq.

"§ 40 pillugu: oqaaseqaateqarfingineqanngilaq.

§ 41 pillugu: siusinnerusukkut inatsisissatut siunnersuummi kommunip § 51-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqarpoq. Aalajangersakkami piffissaliussamik ilanngussisoqarpoq, taannalu § 8-mi ilanngunneqarpoq.

"§ 42 pillugu: oqaaseqaateqarfingineqanngilaq.

§ 43 pillugu: oqaaseqaateqarfingineqanngilaq.

§ 44 pillugu: siusinnerusukkut inatsisissatut siunnersuummi kommunip § 55, imm. 2-mut oqaaseqaatai maj 2024-mi nassiunneqartut innersuussutigineqarput."

"§ 45 pillugu: siusinnerusukkut inatsisissatut siunnersuummi kommunip § 56-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqanngilaq. Kommunip § 56-imut oqaaseqaatai maajimi 2024-imi nassiunneqartut taamani siunnersuummi § 56-imut oqaatsinut atorneqartunut naapertuutinngillat.

"§ 46 pillugu: oqaaseqaateqarfingineqanngilaq.

§ 47 pillugu: oqaaseqaateqarfingineqanngilaq.

§ 48 pillugu: oqaaseqaateqarfingineqanngilaq.

§ 49 pillugu: Avannaata Kommuniata siunnersuutaa maj 2024-mi nassiunneqartoq taamani § 61-iusumut oqaaseqaatini, maanna naleqqussarlugu ilanngunneqarsimammatt Avannaata Kommunia maanna oqaaseqaatissaqanngilaq.

§ 50 pillugu: oqaaseqaateqarfingineqanngilaq.

§ 51 pillugu: oqaaseqaateqarfingineqanngilaq.

§ 52 pillugu: siusinnerusukkut inatsisissatut siunnersuummi kommunip § 64-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqanngilaq. Akiliuteqartarnissamut pisussaaffik Kommunit akunnerminni akiliuteqartarnissamut pisussaaffii pillugit Inatsisartut peqqussutaanni takuneqarsinnaavoq.

"§ 53 pillugu: siusinnerusukkut inatsisissatut siunnersuummi kommunip § 65-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqanngilaq. Pisortat ingerlatsineranni sulianik suliaqarneq pillugu Inatsisartut inatsisaat naapertorlugu aalajangiinermi pineqartumut pineqartunulluunniit aalajangiussaq nalunaarutigineqassaaq.

"§ 54 pillugu: oqaaseqaateqarfingineqanngilaq.

§ 55 pillugu: oqaaseqaateqarfingineqanngilaq.

§ 56 pillugu: oqaaseqaateqarfingineqanngilaq.

§ 57 pillugu: oqaaseqaateqarfingineqanngilaq.

§ 58 pillugu: oqaaseqaateqarfingineqanngilaq.

§ 59 pillugu: siusinnerusukkut inatsisissatut siunnersuummi kommunip § 67, imm. 2-mut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Ilanngunneqanngilaq. Naalakkersuisoqarfíup maanna oqaasertaliussat taakkununngalu oqaaseqaatit aalajangiusimaannarpai. § 59, imm. 2-mi takuneqarsinnaavoq inummik atorfinitsitsinissaq pineqartoq. Atorfininnermut isumaqatigiissutip imarisaanik malittarisassiornissaq siunnersuummut matumunnga ilaatinneqanngilaq.

"§ 60 pillugu: siusinnerusukkut inatsisissatut siunnersuummi kommunip § 67, imm. 2-mut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfíup oqartussap akissutaa:

Ilanngunneqanngilaq. Naalakkersuisoqarfíup maanna oqaasertaliussat taakkununngalu oqaaseqaatit aalajangiusimaannarpai. § 59, imm. 2-mi takuneqarsinnaavoq inummik atorfinitsitsinissaq pineqartoq. Atorfininnermut isumaqatigiissutip imarisaanik malittarisassiornissaq siunnersuummut matumunnga ilaatinneqanngilaq.

"§ 61 pillugu: oqaaseqaateqarfingineqanngilaq.

§ 62 pillugu: Avannaata Kommuniata maluginiarpaaningaasannanniarluni pinerluuteqarneq maanna aalajangersakkamut ilanngunneqarsimasoq. Taamaammat maanna Avannaata Kommuniata kommunip siusinnerusukkut inatsisissatut siunnersuummi § 75-imut oqaaseqaatai allat maj 2024-mi nassiunneqartut innersuussutigai."

Naalakkersuisoqarfíup oqartussap akissutaa:

Kommunip siunnersuutaat Inatsisartut inatsisissaattut nalunaarummi ilanngunneqassaaq.

"§ 63 pillugu: Avannaata Kommuniata maluginiarpaaningaasannanniarluni pinerluuteqarneq maanna aalajangersakkamut ilanngunneqarsimasoq. Taamaammat maanna Avannaata Kommuniata aalajangersakkamut oqaaseqaatisaqanngilaq.

§ 64 pillugu: Avannaata Kommuniata maluginiarpaan "sinnaa" maanna "sasoq" mut allanngortinneqarsimasoq. Taamaammat maanna Avannaata Kommuniata kommunip siusinnerusukkut inatsisissatut siunnersuummi § 68-imut oqaaseqaatai allat maj 2024-mi nassiunneqartut innersuussutigai."

Naalakkersuisoqarfíup oqartussap akissutaa:

Ilanngunneqanngilaq. Naalakkersuisoqarfíup maanna oqaasertaliussat taakkununngalu oqaaseqaatit aalajangiusimaannarpai. § 64-imut nassuaatini "pisinnaavoq" pillugu tunngavilersuutit innersuussutigineqarput, tassani iniuup innarluutillip ajunnginnerpaamik

pineqartarnissaa nuunnissamut ikiuinissamut tapiiffigineqarnissap periarfissaanissaa aallaaviussalluni.

"§ 65 pillugu: siusinnerusukkut inatsisissatut siunnersuummi kommunip § 76-imut oqaaseqaatai maj 2024-mi nassiunneqartut innersuussutigineqarput.

Oqaatsit uku: "...imaluunniit pisinnaasakinnerulererup sakkortusinissaanut ulorianartorsiortunut...." maannakkut inatsisissatut siunnersuummiit peerneqarsimavoq, aalajangersakkamut oqaaseqaatit tamatumunnga naapertuuttumik allanngortinneqartariaqarput."

Naalakkersuisoqarfíup oqartussap akissutaa:

Ilanngunneqarpoq.

"§ 66 pillugu: siusinnerusukkut inatsisissatut siunnersuummi kommunip § 77-imut oqaaseqaatai maj 2024-mi nassiunneqartut innersuussutigineqarput."

"§ 67 pillugu: Avannaata Kommuniata siusinnerusukkut inatsisissatut siunnersuummi § 86-imut siunnersuuta maanna naleqqussarlugu ilanngunneqarsimammat Avannaata Kommunia maanna aalajangersakkamut oqaaseqaatissaqanngilaq.

§ 68 pillugu: oqaaseqaateqarfigineqanngilaq.

§ 69 pillugu: oqaaseqaateqarfigineqanngilaq.

§ 70 pillugu: Aalajangersakkamut oqaaseqaatini inatsimmi § 2, nr. 6-imut innersuussuteqarpoq. Innersuussut assingusoq inatsimmi namminermi taaneqanngilaq. Taamaattumik najoqquassiaq naleqquttoq ilanngunneqartariaqarpoq imaluunniit inatsimmit erseqqissumik allassimasoqartariaqarpoq inuuusuttup 23-nik ukioqalernissaata tungaanut aammalu ilaatigut imaluunniit inuuusuttup 24-nik ukioqalernissaata tungaanut malitseqartitsisoqarsinnaasoq, taamaalilluni ukiut killigititaat ersarissumik takuneqarsinnaassaaq."

Naalakkersuisoqarfíup oqartussap akissutaa:

Ilanngunneqanngilaq. § 2, nr. 6-imi malittarisassiorneqarpoq malitseqartitsisarneq inuuusuttunut 18-init 23 ilanngullugu ukiulinngulut suliniutaasoq. Taamaammat § 70-imi aammaartumik malittarisassiorneqassanngilaq.

"§ 71 pillugu: oqaaseqaateqarfigineqanngilaq.

§ 72 pillugu: oqaaseqaateqarfigineqanngilaq.

§ 73 pillugu: Avannaata Kommuniata siusinnerusukkut inatsisissatut siunnersuummi § 92-imut siunnersuuta maanna naleqqussarlugu ilanngunneqarsimammat Avannaata Kommunia maanna aalajangersakkamut oqaaseqaatissaqanngilaq.

§ 74 pillugu: oqaaseqaateqarfigineqanngilaq.

§ 75, imm. 1, nr. 2-mi: oqaatsit: "...katsorsaanerlu..." peerneqartariaqarpoq, tassami kommune inuup katsorsartinnissaanut piumasaqarsinnaanngimmat. Katsorsartinnissaq inuup pineqartup aamma peqqinnissaqarfiup akornanni kisimi isumaqtigiaissutigineqartariaqarpoq."

Naalakkersuisoqarfiup oqartussap akissutaa:

Ilaatigut naleqqussarlugu ilanngunneqarpoq. Peqqinnissaqarfimmikatsorsartinnissamut tunngatillugu aalajangiinissaq peqqinnissaqarfimmisuliassaavoq. § 75, imm. 1, nr. 2-mi oqaasertaliussat aalajangersakkamullu oqaaseqaatit naleqqussarneqarput.

"§ 76 imm. 2 pillugu: Inatsisip oqaasertaani allassimavoq: "...ilisimagaa ilisimasussaagaaluunniit...." nassuaatinilu erseqqissarneqarluni: "ilisimasimavaa...." Inatsisip oqaaseqaatillu akornanni nikingasoqassanngikkaluarpoq."

Naalakkersuisoqarfiup oqartussap akissutaa:

Ilanngunneqarpoq. Oqaaseqaatit imaalillugitaaqinneqarput: " ilisimagaa ilisimasussaagaaluunniit".

"§ 77 pillugu: Avannaata Kommuniata eqqumaffigaa siunnersuummi siuliani § 105, imm. 2-mut Avannaata Kommuniata siunnersuutaa maanna ilanngunneqartoq. Avannaata Kommuniata siunnersuutigaa oqaaseqaatit tamatumunnga naapertuuttumik allanngortinneqassasut.

Avannaata Kommunia maanna aalajangersakkamut tulliusunik oqaaseqaateqarumavoq: Siunnersuutigineqassaaq oqaasertaliorneq: "...qanigisaasumut ataatsimut arlalinnulluunniit tunniunneqassaaq...." allanngortinneqarpoq: "...qanigisaasumut ataatsimut marlunnnulluunniit tunniunneqassaaq ..."

Naalakkersuisoqarfiup oqartussap akissutaa:

Ilanngunneqarpoq.

"§ 78 pillugu: oqaaseqaateqarfigineqanngilaq.

§ 79 pillugu: oqaaseqaateqarfigineqanngilaq.

§ 80 pillugu: oqaaseqaateqarfigineqanngilaq.

§ 82 pillugu: oqaaseqaateqarfigineqanngilaq.

§ 83 pillugu: imm. 1, titarnertaat pingajuannut oqaaseqaatit ersernerlupput."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat. Titarnertaami arlalinnik assersuuteqareerpoq, allassimaffillu tamanik ilanngussinngilaq.

"§ 84 pillugu: inatsimmi allassimasuni erseqqissarneqarpoq ingerlatsinikkut nakkutilliineq kommunalbestyrelsip ingerlassagaa. Aalajangersakkamut nassuaatini erseqqissarneqarpoq ingerlatsinikkut nakkutilliineq Nakkutilliisoqarfiup ingerlassagaa. Inatsisip oqaaseqaatillu akornanni nikingasoqassanngikkaluarpoq."

Naalakkersuisoqarfiup oqartussap akissutaa:

Ilanngunneqarpoq. Najugaqaqtigiaffinnik najukkanullu illersugaasunik ingerlatsinikkut nakkutilliineq communalbestyrelsimit ingerlanneqassaaq.

"§ 85 pillugu: oqaaseqaateqarfingineqanngilaq.

§ 86 pillugu: oqaasertaliorneq: "....ilaatigut paasissutissat inummut tunngasut isertuussassat kiisalu...." allanngortinneqartariaqarpoq: ".....ilaatigut paasissutissat inummut tunngasut mianerisariallit kiisalu ..."

Naalakkersuisoqarfiup oqartussap akissutaa:

Ilanngunneqanngilaq. "Paasissutissat inummut tunngasut isertuussassat " inatsisitigut taaguutaavoq eqqortoq. GDPR-imi inunnut paasissutissat nalinginnaasut mianerisassaangitsut aamma paasissutissat inummut tunngasut isertuussassat immikkoortinneqarput.

"§ 87 pillugu: oqaaseqaateqarfingineqanngilaq.

§ 88 pillugu: oqaaseqaateqarfingineqanngilaq.

§ 89 pillugu: oqaaseqaateqarfingineqanngilaq.

§ 90 pillugu: innarluutillit pillugit siunnersuisoqatigiinni ilaasortanngorusuttunik peqanngippat kommunip qanoq iliuuseqarnissaanik paasissutissanik amigaateqarpoq."

Naalakkersuisoqarfiup oqartussap akissutaa:

Ilanngunneqanngilaq. Aalajangersakkami § 90, imm. 4 naapertorlugu naatsorsuutigineqarpoq kommunimi innarluutillit pillugit siunnersuisoqatigiinni inuit ilaasortaasinnaasut ikinnerpaamik sisamaasut.

"§ 91 pillugu: oqaaseqaateqarfingineqanngilaq.

§ 92 pillugu: pitsaassusissaanut piumasaqaatinik taamaattunik naammassinninnissamut isumalluuterpassuit pisariaqartinneqassapput, isumalluutit kommunit piginngisaat aammalu pissarsiarisinnaanngisaat. Aalajangersagaq attatiinnarneqassappat nalinginnaasumik sulianik suliarinninnermi isumalluutit peerneqarnissaat annertuumik aarlerinaateqassaaq."

Naalakkersuisoqarfiup oqartussap akissutaa:

Inatsisartut inatsisaanni atuuttumi § 71 naapertorlugu pitsaassusissamut piumasaqaatit pillugit aalajangersakkanik aalajangersagaqarpoq. § 92 siunnersuut una Inatsisartut inatsisaannik atuuttumik ingerlatsiteqqinneruvoq. Inatsisartut inatsisaannik atuuttumik

atulersitsinermut atatillugu kommunit suliamik taassuminnga kivitsinissaannut aningaasanik tunniussisoqarpoq.

"§ 93 pillugu: Inatsimmi allaqcasuni najugaqarfissatut neqeroorutit pineqarput, nassuaatinilu ulluunerani neqeroorutit aamma najugaqarfissatut neqeroorutit allattorsimapput. Inatsisip oqaaseqaatillu akornanni nikingasoqassanngikkaluarpoq. Aammattaq qulaani kommunip § 33-mut oqaaseqaatai takukkit."

Naalakkersuisoqarfiup oqartussap akissutaa:

Ilanngunneqarpoq. Oqaaseqaatini "ulluunerani neqeroorut" ima allanngortinneqarpoq "ulloq unnuarlu neqeroorut".

"§ 93, imm. 3 pillugu: Oqaasertaliorneq una: "Naalakkersuisut aalajangersaasinnaapput" allanngortinneqartariaqarpoq: "Naalakkersuisut aalajangersaassapput", pingaaruteqarluinnarmat peeqataatinneqartut tamaasa pisuni taama ittuni susoqassanersoq qaqugulu ilisimanissaat."

Naalakkersuisoqarfiup oqartussap akissutaa:

Ilanngunneqanngilaq. § 93 Inatsisartut inatsisaannut ilitsersuummi sukumiinerusumik nassuiarneqarumaarpoq.

"§ 94 pillugu: oqaaseqaatini nalinginnaasuni allassimasut innersuussutigineqarput.

§ 95, imm. 2 pillugu: Meeqqanut ulloq unnuarlu paaqqinniffinnik pilersitsineq ingerlatsinerlu pilligit Namminersorlutik Oqartussat nalunaarutaanni nr. 50, 31. august 2021-meersumi § 49, imm. 4-mut innersuussisoqartariaqarpoq, tassami ulloq unnuarlu akigititaq atisaannangitsunik kaasarfimmiussaannaanngitsunillu aningaasartuutinik allanik ilaqrmat."

Naalakkersuisoqarfiup oqartussap akissutaa:

Ilanngunneqanngilaq. Siunnersuummi matumani inunnut innarluutilinnut ulloq unnuarlu neqeroorutit pineqarput, meeqqanut inuusuttuaqqanullu ulloq unnuarlu paaqqinniffiit pinnagit.

"§ 96 pillugu: oqaaseqaateqarfingineqanngilaq.

§ 97 pillugu: oqaaseqaateqarfingineqanngilaq.

§ 98 pillugu: oqaaseqaateqarfingineqanngilaq.

§ 99 pillugu: oqaaseqaateqarfingineqanngilaq.

§ 100 pillugu: siusinnerusukkut inatsisisstatut siunnersuummi kommunip § 127-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Ilanngunneqarpoq.

"§ 101 pillugu: oqaaseqaateqarfingineqanngilaq.

§ 102 pillugu: oqaaseqaateqarfingineqanngilaq.

§ 103 pillugu: Tunuliaqutaasoq pillugu aatsaat kommuninik attaveqareernerup kingorna ullormut akiliisitsisoqartassaaq, imaanngitsoq pissutigalugu kommunip oqartussaassuseqarnissamut pisussaaffigisaata malinneqannginnera assersuutigalugu nalinginnaasumik ajornarmat."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

"§ 104 pillugu: oqaaseqaateqarfingineqanngilaq.

§ 105 pillugu: oqaaseqaateqarfingineqanngilaq.

§ 106 pillugu: siusinnerusukkut inatsisisatut siunnersuummi kommunip § 130-imut oqaaseqaatai maj 2024-mi nassiunneqartut innersuussutigineqarput."

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat.

6. Tilioq aamma NIIK

"Inuit innarluutillit tapersorsorneqarnissaannut Inatsisartut inatsisaannut ilassutitut tusarniaanermut atatillugu tusarniaanermi akissuteqaammik tunniussisinnaanermut periarfissamut NIIK aamma Tilioq qujapput. Missingiutip siulliup kingorna tusarniaanermik nutaamik ingerlatsinikkut periuseq pitsaasoq takutinneqartoq maluginiarparput, kisianni pakatsinaqisumik maluginiarparput siunnersuut nutaaq allanngortinneqangaanngitsoq sulilu atortumik iluatsinngitsumik ingerlatsisoq. Tamanna Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaat (CRPD) naapertorlugu Kalaallit Nunaata naammassisassaattut pisussaaffigisaanik aaqqissuusseqqinnissamut pisariaqartunik itisuunillu ingerlatsinissamut tunuarsimaarnermik takutitsivoq.

Inatsisisatut siunnersuut suliassaqarfimmut, sulianik suliarinnittarnermi ajornartorsiut, pingaernermet sunniuteqarnavianngilaq. Taassuma sulianik suliarinnittarneq oqinnerulersissanngila. Inatsisitigut innarlitsaalisearneq pitsaanerulersinnnavianngila. Akerlianilli.

Taaguutit "voice, choice, and control" inuit innarluutillit pisinnaatitaaffiinik paasinninnermut qitiupput, taavalu Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaanut (CRPD) atatillugu pingaaruteqartutut inissismallutik. Pingaaruteqarpoq innarluutillit tapersorsorneqarnissaannut inatsit inuit innarluutillit nammineersinnaanerat siuarsarniarlugu inuttullu ataasiakkaatut tunngaviusumik kiffaanngissuseqarnerat ataqqiniarlugu 'oqaaseqarsinnaanissaannik, toqqaasinnaanissaannik aamma

aqutsisinnaanissaannik' qulakkeerinninnissaa. '**Oqarsinnaaneq'** inuk innarluutillip tusaaneqarsinnaaneranik qulakkeerinnissaaq; '**toqqaasinnaaneq'** inuunermi nammineq toqqaasinnaanermut kiffaanngissuseqalersissavai; aamma '**aqutsisinnaaneq**' nammineq ulluinnaanni tapersorsorneqarnissaannullu oqartussaassuseqalersitsivoq. Aaqqisuussaanermi ajornartorsiutinut aaqqiissutissaqanngilaq, innuttaasup nammineq angerlarsimaffimiiginnarnissaanut qulakkeerinnittumik inunnut ataasiakkaanut aaqqiissutissat pinnagit paaqqinniffimm iunuunermut sungiusaaneq ingerlaannassaaq, piginnaanngorsarnernut piginnaanngorsaqqittarnernullu periarfissat killeqartorujussuupput aamma qanigisaasunut periarfissat killeqarput, kiisalu 'pissaaq' atornagu 'sapinngisamik'aamma 'pisinnaavoq' atorneqarnerini inuit innarluutillit pisinnaatitaaffiinik equuutsitsinissamut amerlasuutigut ajornakusoortitsisinnaasoq nalunngilarput."

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat. Inuit Innarluutillit Pisinnaatitaaffii pillugit Naalagaaffit Peqatigiit Isumaqtigiissutaata "pisariaqartumik itisuumillu aaqqissuusseqqinnissamut" Kalaallit Nunaat naammassisqaarnissaanut pisussaaffilinngilaa. Takuuk isumaqtigiissummi artikeli 4 nunat tamarmik isumaqtigiissummik akuersisimasut pisussaaffilerneqarput isumaqtigiissummik eqquutsitsissasut. Naalagaaffit Peqatigiit inunnut innarluutilinnut Ataatsimiititaliaata tamanna ingerlaavartumik nakkutigisarpa, isumaqtigiissummi artikeli 35 takuuk. Inuit innarluutillit pisinnaatitaaffisa ingerlaavartumik pitsangngorsarneqarnissaat Naalakkersuisut anguniarpaat.

Siunnersummi matumani sulianik suliarinnittarnermi ajornartorsiutaasut annertuut aaqqinneqarput ilaatigut sulianik suliarinnittarnerup kommunit ataatsimoorlutik digitalinngortitsinissaannut pisussaaffimmik siunnersuuteqarnikkut, peqatigisaanillu innarluutillit pillugit suliassaqarfímmi ingerlaavartumik naatsorsuinermi misissuinernilu atorneqartussanik paasissutissanik tigusinissamut periarfissiisoq.

'Pingaaruteqarpoq innarluutillit tapersorsorneqarnissaannut inatsit inuit innarluutillit nammineersinnaanerat siuarsarniarlugu inuttullu ataasiakkaatut tunngaviusumik kiffaanngissuseqarnerat ataqqiniarlugu 'oqaaseqarsinnaanissaannik, toqqaasinnaanissaannik aamma aqutsisinnaanissaannik' qulakkeerinninnissaa. '-nut tunngatillugu siunnersummi § 1 innersuussutigineqarpoq.

"Pingaarnertut taasassat:

Inatsisitigut innarlitsaalisorneq: Inatsisissatut siunnersuut Kalaallit Nunaanni inunnut innarluutilinnut inatsisitigut isumannaallisaanermik nukitorsaanissamut tunngaviusumik sumiginnaavoq. Tiliup misissueqqissaarinermini uppernarsagaattut politikerinullu arlalitsigut saqqummiunneqartutut isumaqtigiissummi kukkusumik ataqtigiissaarisarnermik aamma sulianik suliarinnittarnerni annertuumik ajornartorsiutinik aaqqiissuteqanngilaq. Inuit innarluutillit tunngaviusumik pisinnaatitaaffimminnik unioqquttsisoqartarnera ulluinnarni

misigisarpaat, tamannalu kinguneqartarpoq inuttut atukkat nikanarsarneqarnerinik aammalu inuaqatigiinni ilungersunarluinnartumik kingunerluuteqartitsinermik.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, kisianni innuttaasut innarluutillit inatsisitigut isumannaatsuunissaannik tapersiisutut siunnersuummi allannguinissamut kinguneqanngillat.

"NP-p inuit innarluutillit pisinnaatitaaffii pillugit isumaqatigiissutaata atulersinneqannginnerra: Inatsisissatut siunnersuut CRPD-mik atulersitsinissamut atatillugu siuariartorneq pinnagu tunuarsimaarnermik takutitsivoq. Immikkut ittunik aaqqiissutissanik ukkassisoqarnissaa amigaataavoq, ilaatigut piginnaanngorsarnermik piginnaanngorsaqqinnermillu atuinerulernissaq, kikkunnut tamanut iluaqutaasussatut aaqqiissutissanut qanigisaasut peqataatinneqarsinnaanerat, assersuutigalugu attuumassuteqartumik sungiusarneq imaluunniit angerlarsimaffimmi sungiusarneq kiisalu assersuutitut aaqqiissutissat soorlu Innuttaasunit aqunneqartumik inunnik ikiuisarneq (BPA). Kalaallit Nunaata paaqqinniffimmi inuunermut sungiusaasarneq unitsillugu pisinnaatitaaffiit tunngavigalugit periutsimik, nammineerluni aalajangiisinnanaanermik aamma ilanngussisarnermik tapersersuisumik, siuarsaanissaa pingaaruteqartorujussuuvoq."

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput. Tapersersuisarnermut iliuusissat tamarmik inuit innarluutillit ataasiakkaat pisariaqartitaannut naapertuuttuusariaqarput.
Angerlarsimaffimmi sungiusarneq pillugu angerlarsimaffimmi sungiusartoqarsinnaaneranik siunnersuummi aporfissaqanngilaq. BPA-mut tunngatillugu danskit inatsisaat naapertorlugu innuttaasoq innarluutilik nammineq ikiortinik atorfinitisitsisinnaavoq. Asserluinnaanik aaqqissuussaqt siunnersuummi matumani ilanngunneqanngilaq. Taamaattorli inuk innarluutilik sunniuteqartorujussuuvoq, tassami § 46-mi tapersersuisarnermut iliuusissaq pillugu communalbestyrelsip aalajangiinnginnerani inuk innarluutilik oqaloqatigissallugu pisussaaffik pineqarmat.

Siunnersuummi siuarsarneqarpoq inuit innarluutillit tapersersorneqarnissaannut Inatsisartunut inatsisaat atuuttumiit annerusumik innuttaasut innarluutillit pisinnaatitaaffeqarnerunera. Siunnersuutip siuarsarpaa innuttaasut innarluutillit nammineerlutik aalajangiisinnanaanerulernissaannut aamma ilanngunneqarnerulernissaannut tapersersorneqarnissaat.

"CRPD-mi erseqqissarneqarpoq inuit innarluutillit tamakkiisumik aammalu sunniuteqartumik peqataatinneqarnissaat aammalu inuaqatigiinni naligiimmik periarfissaqarnissaat qulakteerniarlugu qitiusutut piginnaanngorsartarnerup piginnaanngorsaqqittarnerullu pingaaruteqassusaat. CRPD-mi erseqqissarneqarpoq piginnaanngorsartarneq piginnaanngorsaqqittarnerlu pissarsiarineqarsinnaassasut, qaangeruminartuussasut,

piffissamik eqquisassasut, pitsaassuseqarluassasut aammalu inuit innarluutillit namminneq ingerlataminni annertuumik peqataatinneqartassasut. Sullissinerit taakku inuit innarluutillit namminersorlutik inuuneqarnissaminnut inuunermilu sutigut tamatigut tamakkiisumik peqataatinneqarnissaminnut pisinnaatitaaffiannik tapersersuinermut tunngaviupput.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput. Aaliangersakkat §§ 11, 12, 44, 25 aamma 61 innersuussutigineqarput.

“Qanigisat. Ullumikkut inuit innarluutillit amerlasuut ikiorserneqarnissartik tunniutiinnarfigisarpaat. Angajoqqaat ikorneqarnissaminnut sukataartarput, kisianni amerlanertigut angajoqqaat meeqqallu aaqqissuussami ajorsartitaasarput, tassani qulaani taaneqartutut ikorneqarnissaannut qulakeerinninnermiit angajoqqaanik pasitsaasserusunnerusarlutik unnerluusserusunnerusarlutilluunniit – ajornerpaamik pisoqartillugu pinngitsaaliissummik arsaarinninnermik kinguneqartarluni. Amerlanertigut matumanii kingunerineqartarpoq angajoqqaat suliffiminnik paarsisinaannginnerat, meeqqat ilinniagaqalinnginnerat taamaattumillu suliffissaqannginnerat - imaluunniit ilaqtariit tamarmik nunarput qimattarnerat. Ilaqtariinnut nukittuunut allaat atugarliulersinnaapput.”

Naalakkersuisoqarfíup oqartussap akissutaa:

Inunnut innarluutilinnut ilaqtuaasunut tunngatillugu Inatsisartut inatsisaannut maannakkut siunnersuummi §§ 11, 59, 60-61 aamma 77-81 ilanngunneqarput

“Inatsisisatut siunnersuut una aalajangiiffigisassatut siunnersuummit aallaaveqarpoq, taanna meeqqanut innarluutilinnut angajoqqaanut pitsaanerusumik atukkanik periarfissanillu tunniussisussaagaluartoq. Paaqqinniffimmi inuunermut sungiusaasarnermik ingerlasseqinnej, immikkoortiterineq, aammalu qaammatalunni piginmaanngorsarnermut imaluunniit qaammatalunni annerpaamik 10-t tungaanut sulinikkut akissarsiassanik annaasaqarnermut aaqqissuutissat aaqqiissutissat naammanngillat.”

Naalakkersuisoqarfíup oqartussap akissutaa:

Oqaaseqaatigineqartut tusaatissatut tiguneqarput, aalajangersakkamili allannguuteqarnissamut pissutissaqalersitsinngillat. Inatsisisatut siunnersuummut tunuliaqutaasoq pillugu oqaaseqaatit nalinginnaasut innersuunneqarput.

“Paaqqinniffimmi inuunermut sungiusaasarnej” imaluunniit “immikkoortiterineq” qanoq isumaqarnersut erseqqissarneqanngilaq. Inatsisartut inatsisaannut siunnersuut matuma inatsisiornermi periutsinut najoqqutassanik malinnippoq. “..qaammatalunni piginmaanngorsarnermut imaluunniit qaammatalunni annerpaamik 10-t tungaanut sulinikkut akissarsiassanik annaasaqarnermut aaqqissuutissat..” pillugu Inatsisartut inatsisaanni aalajangersakkanut siunnersuummik matuminnga peqanngilaq.

Pisinnaanngortitseqqinneq pillugu §§ 8 aamma 69 Inatsisartut inatsisisssaattut siunnersuummi matumani innersuussutigineqarput. Sulinikkut akissarsiassanik annaasaqarneq Inatsisartut inatsisaannut siunnersuummi matumani § 79-imik ilaqarpoq.

“Inatsimmik siumut isignerusumik pisariaqartitsineq: Piviusorsiorumik pitsangorsaaneq qulakkeerumallugu CRPD-p tamanut naleqqussaaneq pillugu tunngavianik, ilaatisineranik aamma inuit innarluutillit annertuumik peqataatinneqarneranik ilaatitsisoq inatsit pisariaqartinneqarpoq. Inatsisisstatut missingiummi matumani Kalaallit Nunaata nunat tamalaat akornanni pisussaaffimminik eqquutsitsinissaanut qulakkeerinninnissaq naammaginartumik suliarineqanngilaq, tamannalu assut ernumanartoqarpoq.”

Naalakkersuisoqarfiup oqartussap akissutaa:

Oqaaseqaatit tusaatissatut tiguneqarput, kisiannili Inatsisartut inatsisaannut siunnersuummi aalajangersakkanut ataasiakkaanut immikkut tunngassuteqanngillat.

"Ataatsimut nalilersuineq:

Inatsisisstatut siunnersuut nutaaq sukumiisumik nalilersoreerlugu ataatsimut isigalugu naliliinerput imaappoq, siunnersuut Kalaallit Nunaanni inuit innarluutillit atugaannik pitsangorsaanngitsoq. Akerlianik periuseq nutaanngitsoq ingerlanneqarpoq, taannalu pisinnaatitaaffiit aammalu inunnut sunnertiasunut pisariaqartumik tapersersuineq qulakkeersinnaanngilai. Taamaattumik innersuussutigaarput siunnersuut itigartinneqassasoq, pisinnaatitaaffillu, nammineq aalajangiisinjaassuseq peqataatitsinerlu qitiutillugit aaqqissusseqqinneq annertooq aallartinneqassasoq.”

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput. Siunnersuummut oqaaseqaatit nalinginnaasut innersuussutigineqarput.

"Naggasiilluni oqaaseqaatit:

NIK-p aamma Tiliup inatsisisstatut siunnersuut maanna taama isikkoqartillugu tapersersorsinnaanngilaa. Erseqqissumik isumaqarpugut taamatut isikkoqartillugu Inatsisartut inatsisaannik nutaamik atulersitsineq inunnik innarluutilinnik qanigisaannillu ajoqusiissaq. Inatsisisstatut siunnersuut una qanoq kinguneqarsinnaanersoq ilungersunartorujussuartut isigaarput, nutaamillu oqaloqatigiittoqarnissaa kaammattutigalugu, tassani inuit innarluutillit pisinnaatitaaffiinik pisariaqartitaannillu piviusorsiorumik tapersersuisumik inatsimmik pilersitsinissamut ilisimasatsinnik misilittakkatsinnillu tapersiisinjaalluta.”

Naalakkersuisoqarfiup oqartussap akissutaa:

Oqaaseqaatigineqartut tusaatissatut tiguneqarput, siunnersuummili allannguinernik kinguneqassanngillat. Tusarniaanermi akissuteqaammi “taamatut isikkoqartillugu

Inatsisartut inatsisaannik nutaamik atulersitsineq inunniq innarluutilinnik qanigisaannillu ajoqusiissaq. ” pissutissaqartinneqanngilaq imaluunniit ersersinneqanngilaq.

7. KNIPK

- ”• Inatsisissatut siunnersuut allanngortinnagu maannakkutut isikkoqartinneqassaaq.
- Sineriammiit ilaasortat akornanni tusarniaasoqareerpat tamanna KNIPK-mit saqqummiunneqassaaq
- Inatsisissatut siunnersuutip maannakkutut isikkoqartillugu KNIPK-miit sineriammilu Innarluutillit Peqatigiiffiini ilaasortanit akuerineqannginneranut tunuliaqutaasoq tassaavoq, inunnut innarluutilinnut pisinnaasakinnerulersimasunullu pissutsit ajorseriarsinnaanerat ersermat.”

Naalakkersuisoqarfíup oqartussap akissutaa:

Tusaatissatut tiguneqarput. Inatsisissatut siunnersuut siusinnerusukkut tamanut tusarniaanermut atatillugu allanngortinneqarpoq inuillu innarluutillit pisinnaatitaaffiinik amerlanerusunik siunnersuuteqarluni, - ikinnerunngitsunik.

8. Kalaallit Nunaanni Inuit Pisinnaatitaaffii pillugit Siunnersuisoqatigiit

“Ullormi 30. juli 2024-mi Inuit Pisinnaatitaaffii pillugit Siunnersuisoqatigiit (IPS) inuit innarluutillit tapersorsorneqarnissaannut Inatsisartut inatsisaat pillugu ilassutitut tusarniaanissamut oqaaseqaateqarnissamik piumaffigineqarpoq.
IPS-ip ullormi 28. maj 2024-mi tusarniaanermi akissuteqaammi siunnersuutiminut innersuussivoq (ilanngunneqarpoq).

IPS tusarniaanermut allanik oqaaseqaatissaqanngilaq. ”

Naalakkersuisoqarfíup oqartussap akissutaa:

Tusaatissatut tiguneqarput. Ilanngussaq 1 innersuussutigineqarpoq.

9. Inooqat

Inuit innarluutillit tapersorsorneqarnissaannut Inatsisartut inatsisaannut siunnersuutip nutarterneqartup pillugu tusarniaanermi Inooqat suliamik tigusaqarnerminik qujassuteqarpoq. Missingiut nutarterneqarsimasoq misissoreerlugu tusarniaanermut akissuteqaaterput siulleq nassiuteqqissallugu toqqarparput, tusarniaanermimi siullermiit missingiummi allannguutinik malunnartunik takusaqarsinnaannginnatta. Taamaattumik Inooqat innersuussutigaa inatsisissamut missingiut aappasaanik tusarniaanermi taamaatsillugu akuersissutiginagu itigartinneqarnissaa. Innarluutillit qanigisaallu ullumikkut ajornakusoortorujummik atugaqarput, tassami tapersersuisarnermik iliussissanik pisariaqartinneqartunik naleqquttunillu amerlanertigut itigartinneqartarmata. Tamanna annertuumik kingunerluuteqartitsivoq, matumani inuiaqatigiinni soorpiangngitsutut isigineqalertaramik, suliffeqarlutik inissiaqarlutillu nalinginnaapajaartumik inuuneqarsinnaajunnaartaramik,

tassami nukitik tamaasa atorlugit meeqqaminnik innarluutilinnik isumagisaqartariaqartarmata. Tamanna attanneqarsinnaanngilaq pissutsinillu allanngortitsinnginnissaq Inooqatip akuerinagu periarfissatut isiginngilaa. Inooqatip isumaa tassaavoq inatsisissamut missingiut maannakkutut isikkoqartillugu isumaqanngitsoq ilaasortagut taakkulu meeraat innarluutilit pisariaqartumik ikiorneqarnissamik aammalu pisariaqartitaattut tapersersuisarnermik iliusissanik naleqquttunik agguanneqarnissamik neqeroorfingeqartalissasut. Inooqatip kaammattuitigaa innarluutilit pillugit suliassaqarfimmi pisariaqartinneqartumik aaqqissusseqqinnejq pitsaanerulernissaanut suliaqarneq aallartinnejqassasoq. Ilisimatuussutsikkut periuseqartoqartariaqarpoq. Tassani pisariaqartinneqarput paasissutissat aamma allannguinissamut suut pisariaqartivinneqarnersut, suullu aaqqiissutaasinnaanersut misissuinissamik upternarsaanissamillu aallartitsinissaq. Sammisaq annertuujussammat suliassaqarfii aamma kattuffiit attuumassuteqartut akornanni siammassisumik suleqatigiinneq pilersinneqartariaqarpoq. Inooqat suliami periarfissaassappat ikiuerusuppoq peqataallunilu. Inooqat isumaqarpoq ullumikkut innarluutilit pillugit suliassaqarfimmi paaqqinniffimmi inuunermut sungiusaanerup ilaatigut pissusissamisuunngitsoq atorneqartarnera. Assigiinngitsorpassuartigut annertuumik kinguneqartarpoq. Inooqat isumaqarpoq piaarnerpaaq atorlugu paaqqinniffimmi inuunermut sungiusaasarneq annikillisarneqarpoq atorunnaarsinneqarnissaa taamaattumillu innarluutilit pillugit suliassaqarfimmi aaqqissusseqqinissaq pisariaqartinneqassasoq.”

Naalakkersuisoqarfiup oqartussap akissutaa:

Tusaatissatut tiguneqarput.

*§§ 59 aamma 60 naapertorlugit innuttaasup innarluutillip angerlarsimaffiani
tapersorsorneqarsinnaanera periarfissaalerneratigut siunnersuummi matumani inunnut
innarluutilinnut paaqqinniffimmi inuunermut sungiusaasarneq annikillisarneqarpoq.
Aammattaaq ulloq unnuarlu paaqqinnittarfii ineriartortinnejqarneri piviusumik inunnut
innarluutilinnut paaqqinniffimmi inuunermut sungiusaasarnerup annikillisinneqarneranik
sunnerneqarput, tassami ulloq unnuarlu paaqqinnittarfiiup Ikinngutip illuutai inissiatut
atorneqartussanngorlugit allanngortinneqarmata, aamma ulloq unnuarlu paaqqinnittarfimmi
Elisibanguaq-mi taamaappoq, inissiatut atorneqartussanik najugaqarfissanik nutaanik
pilersitsillutik aallartissimasut.*

10. Sulisitsisut

“Sulisitsisut tusarniaanermi siullermi oqaaseqaatit kingulliit nassiunneqartut saniatigut allanik oqaaseqaatissaqanngilaq”

Naalakkersuisoqarfiup oqartussap akissutaa:

Tusaatissatut tiguneqarput. Ilangussaq 1 innersuussutigineqarpoq.

11. SIK

”§ 12, imm. 2 – Illersuisoqarnermik aaqqissuussineq: Illersuisoqarnermik aaqqissuussineq kommunalbestyrelsimit pilersinneqassaaq inuup innarluutillip illersuisumit tapersorsorneqarnissaa siunertaralugu.

SIK malillugu isumaqatigiisummut imaluunniit allamut ilaasutut illersuisunik akissarsiaqartitsippat, aamma ikiorti aalajangersimasumik atorfekarpal, ikiortitut sulinermut atatillugu akissarsianik ilanngaassisooqassanngilaq.”

Naalakkersuisoqarfíup oqartussap akissutaa:

Tusaatissatut tiguneqarput. Oqaaseqaateqarneq siunnersuummi allannguinissamut tunngavissiineq ajorpoq, tassami § 12, imm. 2 aalajangersakkatigut tunngavissaavoq, taannalu naapertorlugu atorfinititsisarneq, akissarsiaqartitsineq, pinerluuteqarsimannginnermut uppermarsaammik aamma meeqqanut pinerluuteqarsimannginnermut uppermarsaammik pissarsineq, kiisalu illersuisumut pisinnaasanut piginnaasanullu piumasaqaatit pillugit maleruagassanik erseqqinnerusunik Naalakkersuisut aalajangersaasinnaapput.

"§ 59, imm. 2 – Qanigisaasup innarluutillip paarineqarnera.

Imm. 1 malillugu tapersiineq, communalbestyrelsip inummik isumassuusumik atorfinititsineratigut pissaaq. Kommunalbestyrelsip inuup innarluutillip pisariaqartitsinera tunngavigalugu sapaatip akunneranut akunnerit 30-t atorfinititsiviusussat aalajangersaaffigissavai.

Imm. 3 – Qanigisaasunik atorfinititsisarneq akissarsiaqartitsinerlu pillugit maleruagassanik erseqqinnerusunik Naalakkersuisut aalajangersaapput, imm. 1 takuuk.

Inuit SIK malillugu isumaqatigiisuteqarnikkut atorfekartut, ilaqtariinni qanigisaasumik isumassuinissamik suliaqarnissamut atorfinititsineq **sapaatip akunneranut akunnerit 40-unissaat** SIK-mut siunnersuuteqarput, tassami annertuumik innarluutilinnik isumaginnineq akunnerni 24-ni ulloq tamakkerlugu suliassaavoq.”

Naalakkersuisoqarfíup oqartussap akissutaa:

Ilanngunneqanngilaq. § 59, imm. 1 aamma 2-mi pineqarput piffissap ilaani inuullu innarluutillip pisariaqartitai tunngavigalugit inuttut ikuinissamut isumassuinissamullu aalajangersakkami pineqarput.

"§ 67 – oqilisaaneq. Kommunalbestyrelsip inuk innarluutilik oqilisaalluni najugaqarfissamik neqeroorfigisinnavaa:

2) imm. 3. – Kommunalbestyrelsip oqilisaassilluni najugaqarnissamik aalajangiisoqartillugu ilaqtariinnut paarsisartunut imaluunniit ulloq unnuarlu neqeroorummut akissarsiassanik tunniussisariaqarpoq. Oqilisaanerup nalaani aningaasarsiarineqartut inuup pilersorneqarneranut aningaasartuutinut ilaanngillat.

SIK siunnersuuteqarpoq oqilisaanermi ilaqtariit paarsisartut SIK malillugu isumaqatigiissut malillugu sapaatip akunneranut akunnernut 40-nut paaqqinninersiuteqarnissaat”

Naalakkersuisoqarfíup oqartussap akissutaa:

Ilanngunneqanngilaq. Takuuk § 67, imm. 6, oqilisaassinermut akissarsiassat kingusinnerpaamik 15. november ukioq sioqqullugu nittartakkatigut nalunaarutit. gl-imi saqqummiunneqartassapput.

”Imm. 4 – Oqilisaassinermut atatillugu pilersuinermut akiligassat pilersuisussaatitaasumit akilerneqassapput.

SIK-p siunnersuutiga ilaqtariinnut innarluutilimmik meerartaqartunut SIK-mi minnerpaamik akissarsiaqartunut, oqilisaanermut kommune imaluunniit oqartussat pisinnaatinneqartut akiliussisassasut, tassami ilaqtariinnut innarluutilimmik meerartaqartunut imaluunniit ilaqtariinni qanigisaqartunut SIK-mi minnerpaamik akissarsiaqartunut aningaasaqarnikkut annertuumik kinguneqarsinnaammatt.”

Naalakkersuisoqarfíup oqartussap akissutaa:

Ilanngunneqanngilaq. Kommunalbestyrelsip oqilisaanermut ilaqtariinnut paarsisartunut imaluunniit ulloq unnuarlu neqeroorummuit akissarsianut akiitsut akilertarpai, kisianni pilersuinermut aningaasartuutit pilersuisussaatitaasunit akisussaaffigineqarput. SIK-mi minnerpaamik akissarsiaqartut ilaqtariit annertuunik aningaasartuuteqassanngillat, taakkumi angerlarsimaffimi meeqqamut imaluunniit ilaqtariinni qanigisaasumut pilersuisooreerput.

”SIK-mit isumaqatigineqarpoq, Inuit innarluutillit tapersorsorneqarnissaannut Inatsisartut inatsisissaattut siunnersuummut tassanilu nassuaatigineqartunut tunngatillugu tusarniaaneq pillugu.”

Naalakkersuisoqarfíup oqartussap akissutaa:

Tusaatissatut tiguneqarput.